

447
A 101

E/105/8

BIBLIOTHECA

THEUENERIANA

I Q 1013
8



TITI LIVI
AB URBE CONDITA
LIBRI.

EDITIONEM PRIMAM CURAVIT
GUILELMUS WEISSENBORN.

EDITIO ALTERA, QUAM CURAVIT
MAURITIUS MÜLLER.

PARS III. FASC. I.

LIB. XXIV—XXVI.



LIPSIAE
IN AEDIBUS B. G. TEUBNERI.
MDCCCLXXXVI.





TITI LIVI
AB URBE CONDITA
LIBER XXIV.

PERIOCHA LIBRI XXIV.

Hieronymus, Syracusanorum rex, cuius pater Hiero amicus populi Romani fuerat, ad Carthaginenses defecit et propter crudelitatem superbiamque a suis interfectus est. Tib. Sempronius Gracchus proconsul prospere adversus Poenos et Hannonem ducem ad Beneventum pugnavit servorum maxime opera, quos liberos esse iussit. Claudio Marcellus consul in Sicilia, quae prope tota ad Poenos defecerat, Syracusas obsedit. Philippo, Macedonum regi, bellum indictum est, qui ad Apolloniam nocturno proelio oppressus fugatusque in Macedoniam cum prope inermi exercitu profugit, ad id bellum gerendum M. Valerius praetor missus. res praeterea in Hispania a P. et Cn. Scipionibus adversus Carthaginenses gestas continet, a quibus Syphax, rex Numidiae, in amicitiam adscitus, qui a Masinissa, Massyliorum rege, pro Carthaginensisibus pugnante victus in Hispaniam ad Scipionem cum magna manu transiit contra Gades, ubi angusto freto Africa et Hispania dirimuntur. [Celtiberi quoque in amicitiam recepti sunt, quorum auxiliis adscitis tunc primum mercennarium militem Romana castra habuerunt.]

I. Ut ex Campania in Bruttios redditum est, Hanno ¹ adiutoribus et ducibus Bruttii Graecas urbes temptavit, eo facilius in societate manentes Romana, quod Bruttios, quos et oderant et metuebant, Carthaginensium partis factos cernebant. Regium primum temptatum est diesque aliquot ibi nequam absumpti. interim Locrenses frumentum lignaque et cetera necessaria usibus ex agris in urbem rapere, etiam ne quid relictum praedae hosti-

T. LIVL III.

1

bus esset, et in dies maior omnibus portis multitudine
 3 effundi; postremo ii modo relicti in urbe erant, qui
 reficere muros *ac* portas telaque in propugnacula con-
 4 gerere cogebantur. in permixtam omnium aetatium
 ordinumque multitudinem et vagantem in agris magna
 ex parte inerem Hamilcar Poenus equites emisit, qui,
 violare quemquam vetiti, tantum ut ab urbe exclude-
 5 rent fuga dissipatos, turmas obiecere. dux ipse loco
 superiore capto, unde agros urbemque posset conspi-
 cere, Bruttiorum cohortem adire muros atque evocare
 principes Locrensum ad conloquium iussit et polli-
 centes amicitiam Hannibal is adhortari ad urbem tra-
 6 dendam. Bruttii in conloquio nullius rei primo fides
 est; deinde, ut Poenus apparuit in collibus et refugientes
 pauci aliam omnem multitudinem in potestate hostium
 esse adferebant, tum metu victi consulturos se populum
 7 responderunt. advocataque extemplo contione cum et
 levissimus quisque novas res novamque societatem
 mallent et, quorum propinqui extra urbem interclusi
 ab hostibus erant, velut obsidibus datis pigneratos
 8 haberent animos, pauci magis taciti probarent constan-
 tem fidem quam probatam tueri audenter, haud dubio
 9 in speciem consensu fit ad Poenos deditio. L. Atilio
 praefecto praesidii quique cum eo milites Romani erant,
 clam in portum deductis atque impositis in flavis, ut
 Regium deveherentur, Hamilcarem Poenosque ea con-
 ditione, ut foedus extemplo aequis legibus fieret, in
 10 urbem acceperunt. cuius rei prope non servata fides
 deditis est, cum Poenus dolo dimissum Romanum in-
 11 cusaret, Locrenses profugisse ipsum causarentur. in-
 secuti etiam equites sunt, si quo casu in freto aestus
 morari aut deferre naves in terram posset. et eos quidem,
 quos sequebantur, non sunt adepti; alias a Messana
 12 traientis freto Regium naves conspicerunt. milites
 erant Romani a Claudio praetore missi ad obtinendam
 urbem praesidio. itaque Regio extemplo abscessum est.
 13 Locrensisibus iussu Hannibal is data pax, ut liberi suis

legibus viventibus, urbs pateret Poenis, portus in potesta-
 tem Locrensum esset, societas eo iure staret, ut Poe-
 nus Locrensem Locrensisque Poenum pace ac bello
 iuvaret.

II. Sic a freto Poeni reducti frementibus Bruttii, 1
 quod Regium ac Locros, quas urbes direpturos se de-
 stinaverant, intactas reliquisten. itaque per se ipsi 2
 conscriptis armatisque iuventutis suaee quindecim mili-
 bus ad Crotonem oppugnandum pergunt ire, Graecam 3
 et ipsam urbem et maritimam, plurimum accessurum
 opibus, si in ora maris urbem ac portum moenibus
 validam tenuissent, credentes. ea cura angebat, quod 4
 neque non accersere ad auxilium Poenos satis audebant,
 ne quid non pro sociis egisse viderentur, et, si Poenus
 rursus magis arbiter pacis quam adiutor belli fuisset,
 ne in libertatem Crotonis, sicut ante Locrorum, frustra
 pugnaretur. itaque optimum visum est ad Hannibalem 5
 mitti legatos caverique ab eo, ut receptus Croto Brut-
 torum esset. Hannibal cum praesentium eam consul- 6
 tationem esse respondisset et ad Hannonem eos reieci-
 set, ab Hannoni nihil certi ablatum. nec enim diripi 7
 volebat nobilem atque opulentam urbem et sperabat,
 cum Bruttius oppugnaret, Poenos nec probare nec
 iuvare eam oppugnationem appareret, eo maturius ad
 se defecturos. Crotone nec consilium unum inter po- 8
 pulares nec voluntas erat: unus velut morbus invaserat
 omnes Italiae civitates, ut plebes ab optimatibus dis-
 sentirent, senatus Romanis faveret, plebs ad Poenos
 rem traheret. eam dissensionem in urbe perfuga nun- 9
 tiat Bruttii: Aristomachum esse principem plebis tra-
 dendaeque auctorem urbis, et in vasta urbe lateque
 moenibus disiectis raras stationes custodiasque sena-
 torum esse; quacumque custodiant plebis homines, ea
 patere aditum. auctore ac duce perfuga Bruttii corona 10
 cinixerunt urbem acceptique ab plebe primo impetu
 omnem praeter arcem cepere. arcem optimates tene- 11
 bant praeparato iam ante ad talem casum perfugio.

eodem Aristomachus perfugit, tamquam Poenis, non
Bruttiis auctor urbis tradendae fuisset.

III. Urbs Croto murum in circuitu patentem duodecim milia passuum habuit ante Pyrrhi in Italiam adventum. post vastitatem eo bello factam vix pars dimidia habitabatur: flumen, quod medio oppido fluxerat, extra frequentia tectis loca praeterfluebat, et arx *erat* procul eis, quae habitabantur. sex milia aberat ab urbe nobile templum, ipsa urbe nobilior, Laciniae Iunonis, sanctum omnibus circa populis. lucus ibi frequenti silva et proceris arboribus saeptus laeta in medio pascua habuit, ubi omnis generis sacrum deae pecus pascebatur sine ullo pastore; separatimque greges sui cuiusque generis nocte remeabant ad stabula, numquam insidiis ferarum, non fraude violati hominum. magni igitur fructus ex eo pecore capti, columnaque inde aurea solida facta et sacrata est; inclitumque templum divitiis etiam, non tantum sanctitate fuit. ac miracula aliqua adfingunt, ut plerumque tam insignibus locis. fama est aram esse in vestibulo templi, cuius cinerem nullus umquam moveat ventus. sed arx Crotonis una parte imminens mari, altera vergente in agrum, situ tantum naturali quondam munita, postea et muro cincta est, qua per aversas rupes ab Dionysio Siciliae tyranno per dolum fuerat capta. ea tum arce satis, ut videbatur, tuta Crotoniatum optimates tenebant se, circumsedente cum Bruttiis eos etiam plebe sua. postremo Brutti, cum suis viribus inexpugnabilem viderent arcem, coacti necessitate Hannonis auxilium inplorant. is *his* condicionibus ad ditionem compellere Crotoniates conatus, ut coloniam Bruttiorum eo deduci antiquamque frequentiam recipere vastam ac desertam bellis urbem paterentur, omnium neminem praeter Aristomachum movit. morituros se adfirmabant citius quam inmixti Bruttiis in alienos ritus, mores legesque ac mox linguam etiam verterentur. Aristomachus unus, quando nec suadendo ad ditionem

satis valebat nec, sicut urbem prodiderat, locum prodenda arcis inveniebat, transfugit ad Hannonem. Locrenses brevi post legati, cum permissu Hannonis arcem intrassent, persuadent, ut traduci se Locros paterentur nec ultima experiri vellent. iam hoc ut sibi liceret, impetraverant et ab Hannibale missis ad id ipsum legatis. ita Crotone excessum est, deductique Crotoniatae ad mare naves condescendunt. Locros omnis multitudo abeunt. — In Apulia ne hiems quidem quieta inter Romanos atque Hannibalem erat. Luceriae Sempronius consul, Hannibal procul Arpis hibernabat. inter eos levia proelia ex occasione aut opportunitate huius aut illius partis oriebantur, meliorque eis Romanus et in dies cautior tutiorque ab insidiis fiebat.

IV. In Sicilia Romanis omnia mutaverat mors Hieronis regnumque ad Hieronymum nepotem eius translatum, puerum vixdum libertatem, nedum dominationem modice laturum. eam aetatem, id ingenium tutores atque amici ad praecipitandum in omnia vitia acceperunt. quae ita futura cernens Hiero ultima senecta voluisse dicitur liberas Syracusas relinquere, ne sub dominatu puerili per ludibrium bonis artibus partum firmatumque interiret regnum. huic consilio eius summa ope obstitere filiae, nomen regium penes puerum futurum ratae, regimen rerum omnium penes se virosque suos Adranodorum et Zoippum, qui Syracusanorum primi relinquebantur. non facile erat nonagensimum iam agenti annum, circumsesso dies noctesque mulieribus blanditiis, liberare animum et convertere ad publicam a privata curam. itaque tutores modo quindecim puerο relinquit, quos precatus est moriens, ut fidem erga populum Romanum quinquaginta annos ab se cultam inviolatam servarent iuvenemque suis potissimum vestigis insistere vellent et disciplinae, in qua eductus esset. haec mandata. cum expirasset, tutores testamento prolato pueroque in contionem producto erat autem quindecim tum ferme annorum — paucis,

qui per contionem ad excitandos clamores dispositi erant, adprobantibus testamentum, ceteris velut patre amissio in orba civitate omnia timentibus *munus suscipiunt*. funus fit regium, magis amore civium et caritate quam cura suorum celebre. brevi deinde ceteros tutores summovet Adranodorus, iuvenem iam esse dictans Hieronymum ac regni potentem; deponendoque tutelam ipse, quae cum pluribus communis erat, in se unum omnium vires convertit.

V. Vix quidem vel bono moderatoque regi facilis erat favor apud Syracusanos succedenti tantae caritati Hieronis; verum enim vero Hieronymus, velut suis vitiis desiderabilem efficere vellet avum, primo statim conspectu omnia quam disparia essent ostendit. nam qui per tot annos Hieronem filiumque eius Gelonem nec vestis habitu nec alio ullo insigni differentes a ceteris civibus vidissent, ei conspexere purpuram ac diadema ac satellites armatos quadrigisque etiam alborum equorum interdum ex regia procedentem more Dionysi tyranni. hunc tam superbum apparatum habitumque convenientes sequebantur contemptus omnium hominum, superbae aures, contumeliosa dicta, rari aditus non alienis modo sed tutoribus etiam, libidines novae, inhumana crudelitas. itaque tantus omnis terror invaserat, ut quidam ex tutoribus aut morte voluntaria aut fuga praeverterent metum suppliciorum. tres ex iis, quibus solis aditus in domum familiarior erat, Adranodorus et Zoippus, generi Hieronis, et Thraso quidam, de aliis quidem rebus haud magnopere audiebantur; tendendo autem duo ad Carthaginenses, Thraso ad societatem Romanam, certamine ac studiis interdum in se convertebant animum adolescentis, cum coniuratio in tyranni caput facta indicatur per Callonem quendam, aequalem Hieronymi et iam inde a puero in omnia familiaria iura adsuetum. index unum ex coniuratis Theodotum, a quo ipse appellatus erat, nominare potuit; qui comprensus extemplo traditusque Adranodoro

torquendus de se ipse haud cunctanter fassus conscius celabat. postremo, cum omnibus intolerandis patientiae humanae cruciatibus laceraretur, victum malis se simulans avertit ab consciis in insontes indicium, Thrasonem esse auctorem consilii mentitus, — nec nisi tam potenti duce confisos rem tantam ausuros fuisse —, *socios ignobiles quosdam viros* ab latere tyranni, quorum capita vilissima fingenti inter dolores gemitusque occurrere. maxime animo tyranni credibile indicium Thraso nominatus fecit; itaque extemplo traditur ad supplicium, adiectique poenae ceteri iuxta insontes. conscientum nemo, cum diu socius consilii torqueretur, aut latuit aut fugit; tantum illis in virtute ac fide Theodoti fiduciae fuit tantumque ipsi Theodozo virium ad arcana occultanda.

VI. Ita, quod unum vinculum cum Romanis societas erat, Thrasone sublato e medio extemplo haud dubie ad defectionem res spectabat; legatique ad Hannibalem missi ac remissi ab eo cum Hannibale nobili adulescente Hippocrates et Epicydes, nati Carthagine, sed oriundi ab Syracusis exule avo, Poeni ipsi materno genere. per hos iuncta societas Hannibali ac Syracusano tyranno; nec invito Hannibale apud tyrannum manserunt. Appius Claudius praetor, cuius Sicilia provincia erat, ubi ea accepit, extemplo legatos ad Hieronymum misit. qui cum sese ad renovandam societatem, quae cum avo fuisset, venisse dicenter, per ludibrium auditu dimissique sunt ab quaerente per iocum Hieronymo, quae fortuna eis pugnae ad Cannas fuisset; vix credibilia enim legatos Hannibalism narrare; velle, quid veri sit, scire, ut ex eo, utram spem sequatur, consilium capiat. Romani, cum serio legationes audire coepisset, reddituros se ad eum dicentes esse, monito magis eo quam rogato, ne fidem temere mutaret, proficiscuntur. Hieronymus legatos Carthaginem misit ad foedus ex societate cum Hannibale pacta faciendum. convenit, ut, cum Romanos Sicilia expulissent — id

autem brevi fore, si naves atque exercitum misissent —, Himera amnis, qui ferme dividit *insulam*, finis regni 8 Syracusani ac Punici imperii esset. aliam deinde inflatus adsentationibus eorum, qui eum non Hieronis tantum sed Pyrrhi etiam regis, materni avi, iubebant meminisse, legationem misit, qua aecum censebat Sicilia sibi omni cedi, Italiae imperium proprium quaeri 9 Carthaginiensi populo. hanc levitatem ac iactationem animi neque mirabantur in iuvene furioso neque arguebant, dummodo averterent eum ab Romanis. VII. Sed omnia in eo praecipitia ad exitium fuerunt. nam cum praemissis Hippocrate atque Epicyde cum binis milibus armatorum ad temptandas urbes, quae praesidiis 2 tenebantur Romanis, et ipse in Leontinos cum cetero omni exercitu — erant autem ad quindecim milia 3 peditum equitumque — profectus erat, liberas aedis coniurati — et omnes forte militabant — imminentes viae angustae, qua descendere ad forum rex solebat, 4 sumpserunt. ibi cum instructi armatique ceteri transitum expectantes starent, uni ex eis — Dinomeni fuit nomen —, quia custos corporis erat, partes datae sunt, ut, cum adpropinquaret ianuae rex, per causam aliquam in angustiis sustineret ab tergo agmen. ita ut 5 convenerat factum est. tamquam laxaret elatum pedem ab stricto nodo, moratus turbam Dinomenes tantum intervalli fecit, ut, cum in prætereuntem sine armatis regem impetus fieret, confoderetur aliquot prius vulneribus quam succurri posset. clamore et tumultu auditio in Dinomenem iam haud dubie obstantem tela coniciuntur, inter quae tamen duobus acceptis vulneribus evasit. fuga satellitum, ut iacentem videre regem, facta est. interfectores pars in forum ad multitudinem laetare, pars Syracusas pergunt ad praeoccupa- 8 panda Adranodori regiorumque aliorum consilia. incerto rerum statu Ap. Claudius bellum oriens ex propinquo cum cerneret, senatum litteris certiores fecit Siciliam Carthaginiensi populo et Hannibali conciliari;

ipse adversus Syracusana consilia *ad* provinciae regni- 9 que fines omnia convertit praesidia.

Exitu anni eius Q. Fabius ex auctoritate senatus 10 Puteolos, per bellum coeptum frequentari emporium, communiit praesidiumque imposuit. inde Romam comitorum causa veniens in eum quem primum diem comitialem habuit comitia edixit atque ex itinere praeter urbem in campum descendit. eo die cum sors praerogativa Aniensi iuniorum exisset, eaque T. Otacilium M. Aemilium Regillum consules diceret, tum Q. Fabius silentio facto tali oratione est usus: VIII. "Si aut 1 pacem in Italia aut *id* bellum eumque hostem habere- 2 mus, in quo neglegentiae laxior locus esset, qui vestris studiis, quae in campum ad mandados, quibus velitis, honores adfertis, moram ullam offerret, is mihi parum meminisse videretur *vestrae* libertatis; sed cum in hoc 3 bello, in hoc hoste numquam ab ullo duce sine ingenti nostra clade erratum sit, eadem vos cura, qua in aciem armati descenditis, inire suffragium ad creandos consules decet et sibi sic quemque dicere: 'Hannibali imperatori parem consulem nomino.' hoc anno 3 ad Capuam Vibellio Taureae, Campano summo equiti, provocanti summus Romanus eques Asellus Claudius est oppositus. adversus Gallum quondam provocantem 4 in ponte Anienis T. Manlium fidentem et animo et viribus misere maiores nostri. eandem causam haud 5 multis annis post fuisse non negaverim, cur M. Valerio non diffideretur adversus similiter provocantem arma capienti Gallum ad certamen. quem ad modum pedites 6 equitesque optamus ut validiores, si minus, ut pares hosti habeamus, ita duci hostium parem imperatorem quaeramus. cum, qui est summus in civitate dux, eum 7 legerimus, tamen repente lectus, in annum creatus ad- versus veterem ac perpetuum imperatorem compara- bitur, nullis neque temporis nec iuris inclusum angustiis, quo minus ita omnia gerat administratque, ut tempora postulabunt belli; nobis autem in apparatu ipso ac 8

9 tantum incohantibus res annus circumagit. quoniam,
 quales viros creare vos consules deceat, satis est dictum,
 restat, ut pauca de eis, in quos praerogativa favor
 10 inclinavit, dicam. M. Aemilius Regillus flamen est
 Quirinalis, quem neque mittere a sacris neque retinere
 possumus, ut non deum aut belli deseramus curam.
 11 Otacilius sororis meae filiam uxorem atque ex ea liberos
 habet; ceterum non ea vestra in me maioresque meos
 merita sunt, ut non potiorem privatis necessitudinibus
 12 rem publicam habeam. quilibet nautarum vectorum
 que tranquillo mari gubernare potest; ubi saeva orta
 tempestas est ac turbato mari rapitur vento navis, tum
 13 viro et gubernatore opus est. non tranquillo naviga-
 mus, sed iam aliquot procellis submersi paene sumus;
 itaque, quis ad gubernacula sedeat, summa cura pro-
 videndum ac praecavendum vobis est. in minore te
 experti, T. Otacili, re sumus; haud sane, cur ad maiora
 14 tibi fidamus, documenti quicquam dedisti. classem hoc
 anno, cui tu praefuisti, trium rerum causa paravimus,
 ut Africæ oram popularetur, ut tuta nobis Italiae litora
 essent, ante omnia ne supplementum cum stipendio
 commeatuque ab Carthagine Hannibali transportaretur.
 15 create consulem T. Otacilium, non dico, si omnia haec,
 sed si aliquid eorum rei publicae praestitit. sin autem
 te classem obtinente adiumenta *omnia belli* velut pacato
 mari navibus Hannibali tuta atque integra ab domo
 16 venerunt, si ora Italiae infestior hoc anno quam Africæ
 fuit, quid dicere potes, cur te potissimum ducem Hanni-
 bali hosti opponamus? si consul essem, dictatorem
 17 dicendum exemplo maiorum nostrum censeremus, nec
 tu id indignari posses, aliquem in civitate Romana
 meliorem bello haberi quam te. magis nullius interest
 quam tua, T. Otacili, non imponi cervicibus tuis onus,
 18 sub quo concedas. ego magnopere suadeo moneoque,
 eodem animo, quo, si stantibus vobis in acie armatis
 repente diligendi duo imperatores essent, quorum ductu-
 19 atque auspicio dimicaretis, hodie quoque consules cretis,

quibus sacramento liberi vestri dicant, ad quorum
 edictum convenient, sub quorum tutela atque cura mili-
 tent. lacus Trasumennus et Cannæ tristia ad recorda-
 20 tionem exempla, sed ad praecavendas similes *clades*
 utilia documento sunt. praeco, Aniensem iuniorum in
 suffragium revoca.” IX. Cum T. Otacilius ferociter ¹
 eum continuare consulatum velle vociferaretur atque
 obstreperet, lictores ad eum accedere consul iussit et,
 quia in urbem non inierat protinus in campum ex ²
 itinere profectus, admonuit cum securibus sibi fasces
 praeferriri. interim praerogativa suffragium init, creati-³
 que in ea consules Q. Fabius Maximus quartum M.
 Marcellus tertium. eosdem consules ceterae centuriae
 sine variatione ulla dixerunt. et praetor unus refectus ⁴
 Q. Fulvius Flaccus, novi alii creati, T. Otacilius Crassus
 iterum, Q. Fabius consulis filius, qui tum aedilis curulis
 erat, P. Cornelius Lentulus. comitiis praetorum per-⁵
 fectis senatus consultum factum, ut Q. Fulvio extra
 ordinem urbana provincia esset, isque potissimum con-
 sulibus ad bellum proiectis urbi praeesset. — Aquae ⁶
 magnae bis eo anno fuerunt, Tiberisque agros inun-
 davit cum magna strage tectorum pecorumque et homi-
 num pernicie.

Quinto anno secundi Punici belli Q. Fabius Maxi- ⁷
 mus quartum M. Claudius Marcellus tertium consulatum
 ineuntes plus solito converterant in se civitatis animos;
 multis enim annis tale consulum par non fuerat. re-⁸
 ferebant senes sic Maximum Rullum cum P. Decio ad
 bellum Gallicum, sic postea Papirium Carviliumque
 adversus Samnites Bruttiosque et Lucanum cum Taren-
 tino populum consules declaratos. absens Marcellus ⁹
 consul creatus, cum ad exercitum esset; praesenti Fabio
 atque ipso comitia habente consulatus continuatus.
 tempus ac necessitas belli ac discrimen summae rerum ¹⁰
 faciebant, ne quis aut in *eam rem* exemplum exquireret
 aut suspectum cupiditatis imperii consulem haberet;
 quin laudabant potius magnitudinem animi, quod cum ¹¹

summo imperatore esse opus rei publicae sciret seque
eum haud dubie esse, minoris invidiam suam, si qua
ex ea re oreretur, quam utilitatem rei publicae fecisset.

X. Quo die magistratum inierunt consules, senatus
in Capitolio est habitus, decretumque omnium primum,
ut consules sortirentur conpararentve inter se, uter
censoribus creandis comitia haberet, priusquam ad exer-
citum proficiseretur. prorogatum deinde imperium
omnibus, qui ad exercitus erant, iussique in provinciis
manere, Ti. Gracchus Luceriae, ubi cum volonum exer-
citu erat, C. Terentius Varro in agro Piceno, M. Pom-
ponius in Gallico, et praetores prioris anni pro praetoriis
Q. Mucius obtineret Sardiniam, M. Valerius ad
Brundisium orae maritimae intentus adversus omnes
motus Philippi Macedonum regis praeesset; P. Cornelio
Lentulo praetori Sicilia decreta provincia, T. Otacilio
classis eadem, quam adversus Carthaginenses priore
anno habuisset.

Prodigia eo anno multa nuntiata sunt, quae quo
magis credebant simplices ac religiosi homines, eo plura
nuntiabantur: Lanuvi in aede intus Sospitae Iunonis
corvos nidum fecisse; in Apulia palmam viridem arsisse;
Mantuae stagnum effusum Mincio amni cruentum visum;
et Calibus creta et Romae in foro bovario sanguine
pluvisse; et in vico Insteio fontem sub terra tanta vi
aquarum fluxisse, ut serias doliaque, quae in eo loco
erant, provoluta velut impetus torrentis tulerit; tacta
de caelo atrium publicum in Capitolio, aedem in campo
Vulcani, arcem in Sabinis publicamque viam, murum
ac portam Gabii. iam alia vulgata miracula erant:
hastam Martis Praeneste sua sponte promotam; bovem
in Sicilia locutum; infantem in utero matris in Mar-
rucinis "io triumphe" clamasse; ex muliere Spoleti
virum factum; Hadriae aram in caelo speciesque homi-
num circum eam cum candida veste visas esse. quin
Romae quoque in ipsa urbe secundum apum examen in
foro visum[, quod mirabile est, quia rarum,] adfirmantes

quidam legiones se armatas in Ianiculo videre con-
citaverunt civitatem ad arma, cum qui in Ianiculo 12
essent, negarent quemquam ibi praeter adsuetos collis
eius cultores adparuisse. haec prodigia hostiis maiori-
bus procurata sunt ex haruspicum responso, et suppli-
catio omnibus deis, quorum pulvinaria Romae essent,
indicta est.

XI. Perpetratis quae ad pacem deum pertinebant, 1
de re publica belloque gerendo et quantum copiarum
et ubi quaeque essent, consules ad senatum rettulerunt.
duodeviginti legionibus bellum geri placuit: binas con-
sules sibi sumere, binis Galliam Siciliamque ac Sar-
diniam obtineri; duabus Q. Fabium praetorem Apuliae, 3
duabus volonum Ti. Gracchum circa Luceriam pree-
esse; singulas C. Terentio proconsuli ad Picenum et
M. Valerio ad classem circa Brundisium relinqui; duas
urbi praesidio esse. hic ut numerus legionum explere- 4
tur, sex novae legiones erant scribendae. eas primo 5
quoque tempore consules scribere iussi et classem
parare, ut cum eis navibus, quae pro Calabriae litoribus
in statione essent, centum quinquaginta longarum classis
navium eo anno expleretur. dilectu habito et centum 6
navibus novis deductis Q. Fabius comitia censoribus
creandis habuit; creati M. Atilius Regulus et P. Furius
Philus.

Cum increbresceret rumor bellum in Sicilia esse, 7
T. Otacilius eo cum classe profici sci iussus est. cum
deessent nautae, consules ex senatus consulto edixerunt,
ut, qui L. Aemilio C. Flaminio censoribus milibus aeris
quinquaginta ipse aut pater eius census fuisset usque
ad centum milia, aut cui postea tanta res esset facta,
nautam unum cum sex mensum stipendio daret; qui 8
supra centum milia usque ad trecenta, tris nautas cum
stipendio annuo; qui supra trecenta usque ad deciens
aeris, quinque nautas; qui supra deciens, septem; sena-
tores octo nautas cum annuo stipendio darent. ex hoc 9
edicto dati nautae armati instructique ab dominis cum

triginta dierum coctis cibariis naves concenderunt. tum primum est factum, ut classis Romana sociis navibus privata impensa paratis conpleretur.

¹ XII. Hic maior solito adparatus praecipue conterruit Campanos, ne ab obsidione Capuae bellum eius anni ² Romani inciperent. itaque legatos ad Hannibalem oratum miserunt, ut Capuam exercitum admoveret: ad eam oppugnandam novos exercitus scribi Romae, nec ullius urbis defectioni magis infensos eorum animos ³ esse. id quia tam trepide nuntiabant, maturandum Hannibal ratus, ne praevenirent Romani, profectus Arpis ad Tifata in veteribus castris super Capuam consedit. ⁴ inde Numidis Hispanisque ad praesidium simul castorum simul Capuae relicta cum cetero exercitu ad lacum Averni per speciem sacrificandi, re ipsa, ut temptaret ⁵ Puteolos quodque ibi praesidium erat, descendit. Maximus, postquam Hannibalem Arpis profectum et regredi in Campaniam adlatum est, nec die nec nocte intermisso itinere ad exercitum reddit et Ti. Gracchum ab Luceria Beneventum copias admovere, Q. Fabium praetorem — is filius consulis erat — ad Luceriam Graccho ⁷ succedere iubet. in Siciliam eodem tempore duo praetores profecti, P. Cornelius ad exercitum, T. Otacilius, ⁸ qui maritimae orae reique navalii praeesset. et ceteri in suas quisque provincias profecti; et quibus prorogatum imperium erat, easdem, quas priori anno, regiones obtinuerunt.

¹ XIII. Ad Hannibalem, cum ad lacum Averni esset, quinque nobiles iuvenes ab Tarento venerunt, partim ad Trasumennum lacum partim ad Cannas capti dimissique domos cum eadem comitate, qua usus ad ² versus omnes Romanorum socios Poenus fuerat. ei memores beneficiorum eius per pulisse magnam partem se iuventutis Tarentinae referunt, ut Hannibal amicitiam ac societatem quam populi Romani mallent, legatosque ab suis missos rogare Hannibalem, ut exercitum ³ proprius Tarentum admoveat. si signa eius, si castra

conspecta a Tarento sint, haud ullam intercessuram moram, quin urbs *in potestatem eius tradatur*: in potestate iuniorum plebem, in manu plebis rem Tarentinam esse. Hannibal conlaudatos eos oneratosque ingentibus ⁴ promissis domum ad copta maturanda redire iubet: se in tempore adfuturum esse. hac cum spe dimissi Tarentini. ipsum ingens cupido incesserat Tarenti potiundi. ⁵ urbem esse videbat cum opulentam nobilemque tum maritimam et in Macedoniam opportune versam, regemque Philippum hunc portum, si transiret in Italianam, *quoniam* Brundisium Romani haberent, petitorum, sacro ⁶ inde perpetrato, ad quod venerat, et, dum ibi moratur, pervastato agro Cumano usque ad Miseni promuntarium, Puteolos repente agmen convertit ad opprimendum praesidium Romanum. sex milia hominum erant, ⁷ et locus munimento quoque, non natura modo tutus. triduum ibi moratus Poenus ab omni parte temptato praesidio, deinde, ut nihil procedebat, ad populandum agrum Neapolitanum magis ira quam potiundae urbis spe processit. adventu eius in propincum agrum mota ⁸ Nolana est plebs, iam diu aversa ab Romanis et infesta senatui suo. itaque legati ad arcessendum Hannibalem cum haud dubio promisso tradendae urbis ⁹ venerunt. praevenit incepsum eorum Marcellus consul a primoribus accitus. die uno Suessulam a Calibus, cum Vulturnus amnis traicientem moratus esset, contendens; inde proxima nocte sex milia peditum equites ¹⁰ quingentos, qui praesidio senatui essent, Nolam intromisit. et uti a consule omnia in pigre facta sunt ad ¹¹ praeeoccupandam Nolam, ita Hannibal tempus terebat, bis iam ante nequiquam temptata re segnior ad credendum Nolanis factus.

XIV. Isdem diebus et Q. Fabius consul ad Casilinum temptandum, quod praesidio Punico tenebatur, venit, et ad Beneventum velut ex composito parte altera Hanno ex Bruttis cum magna peditum equitumque manu, altera Ti. Gracchus ab Luceria accessit. qui ²

primo oppidum intravit; deinde, ut Hannonem tria milia ferme ab urbe ad Calorem fluvium castra posuisse et inde agrum populari audivit, et ipse egressus moenibus mille ferme passus ab hoste castra locat. ibi contionem militum habuit. legiones magna ex parte voluntum habebat, qui iam alterum annum libertatem tacite mereri quam postulare palam maluerant. senserat tamen hibernis egrediens murmur in agmine esse quaerentium, en umquam liberi militaturi essent, scripseratque senatus, non tam quid desiderarent, quam quid meruissent: bona fortique opera eorum se ad eam diem usum, neque ad exemplum iusti militis quicquam eis praeter libertatem deesse. de eo permisso ipsi erat, faceret, quod e re publica duceret esse. itaque priusquam cum hoste manum consereret, pronuntiat tempus venisse eis libertatis, quam diu sperassent, potiundae. postero die signis conlatis dimicaturum puro ac patenti campo, ubi sine ullo insidiarum metu vera virtute geri res posset. qui caput hostis rettulisset, eum se exemplo liberum iussurum esse; qui loco cessisset, in eum servili supplicio animadversurum; suam cuique fortunam in manu esse. libertatis auctorem eis non se fore solum, sed consulem M. Marcellum, sed universos patres, quos consultos ab se de libertate eorum sibi permisisse. litteras inde consulis ac senatus consultum recitavit. ad quae clamor cum ingenti adsensu est sublatius. pugnam poscebat, signumque ut daret, exemplo fero- citer instabant. Gracchus proelio in posterum diem pronuntiato contionem dimisit. milites laeti, praecipue quibus merces navatae in unum diem operae libertas futura erat, armis expediendis *diei* quod *erat* reliquum consumunt. XV. postero die ubi signa cooperunt canere, primi omnium parati instructique ad praetorium conveniunt. sole orto Gracchus in aciem copias educit; nec hostes moram dimicandi fecerunt. decem septem milia peditum erant, maxima ex parte Bruttii ac Lukanii, equites mille ducenti, inter quos pauci admodum

Italici, ceteri Numidae fere omnes Maurique. pugnatum est et acriter et diu; quattuor horis neutro inclinata est pugna. nec alia magis Romanum impediebat res quam capita hostium pretia libertatis facta; nam ut quisque hostem in pigre occiderat, primum capite aegre inter turbam tumultumque abscidendo terebat tempus; deinde occupata dextra tenendo caput fortissimus quisque pugnator esse desierat, segnibus ac timidis tradita pugna erat. quod ubi tribuni militum Graccho nuntiaverunt, neminem stantem iam vulnerari hostem, carnificari iacentes, et in dextris militum pro gladiis humana capita esse, signum dari propere iussit, proicerent capita invaderentque hostem: claram satis et insignem virtutem esse nec dubiam libertatem futuram strenuis viris. tum redintegrata pugna est, et eques etiam in hostes emissus. quibus cum in pigre Numidae occurrissent, nec segnior equitum quam peditum pugna esset, iterum in dubium adducta res. cum utrumque duces, Romanus Brutti Lucanumque totiens a maioribus suis victos subactosque, Poenus mancipia Romana et ex ergastulo militem verbis obtereret, postremo pronuntiat Gracchus esse nihil, quod de libertate sperarent, nisi eo die fusi fugatique hostes essent. XVI. ea demum vox ita animos accendit, ut renovato clamore, velut alii repente facti, tanta vi se in hostem intulerint, ut sustineri ultra non possent. primo antesignani Poenorum, dein signa perturbata, postremo tota impulsa acies; inde haud dubie terga data, ruuntque fugientes in castra adeo pavidi trepidique, ut ne in portis quidem aut vallo quisquam restiterit; ac prope continent agmine Romani insecuri novum de integro proelium inclusi hostium vallo ediderunt. ibi sicut pugna inpeditor in angustiis, ita caedes atrocior fuit. et adiuvere captivi, qui rapto inter tumultum ferro congregati et ab tergo ceciderunt Poenos et fugam impedierunt. itaque minus duo milia hominum ex tanto exercitu, et ea maior pars equitum, cum ipso duce effugerunt; alii

omnes caesi aut capti; capta et signa duodequadraginta.
5 ex victoribus duo milia ferme cecidere. praeda omnis
praeterquam hominum captorum militi concessa est;
et pecus exceptum est, quod intra dies triginta domini
cognovissent.

6 Cum praeda onusti in castra redissent, quattuor
milia ferme volonum militum, quae pugnaverant segnius
nec in castra intruperant simul, metu poenae collem hand
7 procul castris ceperunt. postero die per tribunos militum
inde deducti contione militum advocata a Graccho
8 superveniunt. ubi cum proconsul veteres milites pri
mum, prout cuiusque virtus atque opera in ea pugna
9 fuerat, milifaribus donis donasset, tunc, quod ad volones
attineret, omnes ait malle laudatos a se dignos in
dignosque, quam quemquam eo die castigatum esse.
quod bonum faustum felixque rei publicae ipsisque
10 esset, omnes eos liberos esse iubere. ad quam vocem
cum clamor ingenti alacritate sublatus esset, ac nunc
complexi inter se gratulantesque, nunc manus ad cae
lum tollentes bona omnia populo Romano Gracchoque
11 ipsi precarentur, tum Gracchus "priusquam omnes iure
libertatis aequassem" inquit, "neminem nota strenui
12 aut ignavi militis notasse volui; nunc exsoluta iam
fide publica, ne discriminem omne virtutis ignaviaeque
pereat, nomina eorum, qui detractatae pugnae memorae
secessionem paulo ante fecerunt, referri ad me iubebo
13 citatosque singulos iure iurando adigam, nisi cui mor
bus causa erit, non aliter quam stantes cibum potio
nemque, quoad stipendia facient, capturos esse. hanc
multam ita aequo animo feretis, si reputabitis nulla
14 ignaviae nota leviore vos designari potuisse." signum
deinde colligendi vasa dedit; militesque praedam por
tantes agentesque per lasciviam ac iocum ita ludibundi
15 Beneventum rediere, ut ab epulis *per* celebrem festum
16 que diem actis, non ex acie reverti viderentur. Bene
ventani omnes turba effusa cum obviam ad portas
exissent, complecti milites, gratulari, vocare in hospi

tium. adparata convivia omnibus in propatulo aedium 17
fuerant; ad ea invitabant Gracchumque orabant, ut
epulari permetteret militibus. et Gracchus ita permisit,
si in publico epularentur omnes ante suas quisque fores.
prolata omnia. pilleati aut lana alba velatis capitibus 18
volones epulati sunt, alii accubantes, alii stantes, qui
simul ministrabant vescebanturque. digna res visa, ut 19
simulacrum celebrati eius diei Gracchus, postquam
Romam rediit, pingi iuberet in aede Libertatis, quam
pater eius in Aventino ex multaticia pecunia faciendam
curavit dedicavitque.

XVII. Dum haec ad Beneventum geruntur, Han- 1
nibal depopulatus agrum Neapolitanum ad Nolam castra
movet. quem ubi adventare consul sensit, Pomponio 2
propraetore cum eo exercitu, qui super Suessulam in
castris erat, accito ire obviam hosti parat nec moram
dimicandi facere. C. Claudium Nerонem cum robore 3
equitum silentio noctis per aversam maxime ab hoste
portam emititt circumvectumque occulite subsequi sen
sim agmen hostium iubet et, cum coortum proelium
videret, ab tergo se obicere. id errore viarum an exigui
tate temporis Nero exsequi non potuerit, incertum est.
absente eo cum proelium commissum esset, superior 5
quidem haud dubie Romanus erat; sed quia equites
non adfuere in tempore, ratio compositae rei turbata
est. non ausus insequi cedentes Marcellus vincentibus
suis signum receptui dedit. plus tamen duo milia hostium 6
eo die caesa traduntur, Romani minus quadringenti.
solis fere occasu Nero diem noctemque nequ quam fati
gatis equis hominibusque ne viso quidem hoste rediens
adeo graviter est ab consule increpitus, ut per eum
stetisse diceret, quo minus accepta ad Cannas red
deretur hosti clades. postero die Romanus in aciem 8
descendit, Poenus, tacita etiam confessione victus, castris
se tenuit. tertio die silentio noctis omissa spe Nolae
potiundae, rei numquam prospere temptatae, Tarentum
ad certiores spem proditionis proficiscitur.

1. XVIII. Nec minore animo res Romana domi quam
 2 militiae gerebatur. censores vacui ab operum locan-
 dorum cura propter inopiam aerarii ad mores hominum
 regendos animum adverterunt castigandaque vitia, quae,
 velut diutinis morbis aegra corpora ex sese gignunt,
 3 eo nata bello erant. primum eos citaverunt, qui post
 Cannensem *cladem deserenda Italiae consilia agitasse*
 dicebantur. princeps eorum M. Caecilius Metellus quae-
 4 stor tum forte erat. iusso deinde eo ceterisque eius-
 dem noxae reis causam dicere, cum purgari nequissent,
 pronuntiarunt verba orationemque eos adversus rem
 publicam habuisse, quo coniuratio deserenda Italiae
 5 causa fieret. secundum eos citati nimis callidi exsol-
 vendi iuris iurandi interpretes, qui captivorum ex itinere
 regressi clam in castra Hannibalis solutum, quod iura-
 6 verunt reddituros, rebantur. his superioribusque illis
 equi adempti, qui publicum equum habebant, tribuque
 7 moti aerarii omnes facti. neque senatu modo aut
 equestri ordine regendo cura se censorum tenuit; no-
 mina omnium ex iuniorum tabulis excerpserunt, qui
 quadriennio non militassent, quibus neque vocatio iusta
 8 militiae neque morbus causa fuisset. et ea supra duo
 milia nominum in aerarios relata tribuque omnes moti;
 9 additumque tam truci censoriae notae triste senatus
 consultum, ut ei omnes, quos censores notassent, pedi-
 bus mererent mitterenturque in Siciliam ad Cannensis
 exercitus reliquias, cui militum generi non prius, quam
 pulsus Italia hostis esset, finitum stipendiorum tempus
 10 erat. Cum censores ob inopiam aerarii se iam loca-
 tionibus abstinerent aedium sacrarum tuendarum curu-
 liumque equorum praebendorum ac similium his rerum,
 11 convenere ad eos frequentes, qui hastae huius generis
 adsueverant, hortatique censores *sunt*, ut omnia per-
 inde agerent locarent, ac si pecunia in aerario esset:
 neminem nisi bello confecto pecuniam ab aerario peti-
 12 turum esse. convenere deinde domini eorum, quos Ti.
 Sempronius ad Beneventum manu emiserat, arcessitos-

que se ab triumviris mensariis esse dixerunt, ut pretia
 servorum acciperent; ceterum non ante quam bello
 confecto accepturos esse. cum haec inclinatio animorum 13
 plebis ad sustinendam inopiam aerarii fieret, pecuniae
 quoque pupillares primo, deinde viduarum cooptae con-
 ferri, nusquam eas tutius sanctiusque deponere creden-
 14 tibus qui deferebant quam in publica fide. inde si quid
 emptum paratumque pupillis ac viduis foret, a quae-
 store prescribebatur. manavit ea privatorum benignitas 15
 ex urbe etiam in castra, ut non eques, non centurio
 stipendum acciperet, mercennariumque increpantes
 vocarent qui accepisset.

XIX. Q. Fabius consul ad Casilinum castra habebat, 1
 quod duum milium Campanorum et septingentorum mi-
 litum Hannibalis tenebatur praesidio. preeerat Statius 2
 Metius missus ab Cn. Magio Atellano, qui eo anno
 medix tuticus erat, servitiaque et plebem promiscue
 armarat, ut castra Romana invaderet intento consule
 ad Casilinum oppugnandum. nihil eorum Fabium fecellit. 3
 itaque Nolam ad collegam mittit, altero exercitu, dum
 Casilinum oppugnatur, opus esse, qui Campanis oppo-
 natur; vel ipse relicto Nolae praesidio modico veniret, 4
 vel, si eum Nola teneret necrum securae res ab Han-
 nibale essent, se Ti. Gracchum proconsulem a Bene-
 vento acciturum. hoc nuntio Marcellus duobus militum 5
 milibus Nolae in praesidio relicts cum cetero exercitu
 Casilinum venit, adventuque eius Campani iam moven-
 tes sese quieverunt. ita ab duobus consulibus Casili-
 num oppugnari coepit. ubi cum multa succedentes
 temere moenibus Romani milites acciperent vulnera,
 neque satis inceptum succederet, Fabius omittendam
 rem parvam ac iuxta magnis difficilem abscedendumque
 inde censebat, cum res maiores instarent; Marcellus 7
 multa magnis ducibus sicut non adgredienda, ita semel
 adgressis non dimittenda esse dicendo, quia magna
 famae momenta in utramque partem fierent, tenuit,
 ne inrito incepto abiretur. vineae inde omniaque alia 8

operum machinationumque genera cum admoverentur, Campanique Fabium orarent, ut abire Capuam tuto liceret, paucis egressis Marcellus portam, qua egrediebantur, occupavit, caedesque promiscue omnium circa portam primo, deinde inruptione facta etiam in urbe fieri coepta est. quinquaginta fere primo egressi Campanorum, cum ad Fabium confugissent, praesidio eius Capuam pervenerunt. Casilinum inter conloquia cunctationemque petentium fidem per occasionem captum est, 11 captivique Campanorum quique Hannibalis militum erant Romam missi atque ibi in carcere inclusi sunt; oppidanorum turba per finitimos populos in custodiam divisa.

XX. Quibus diebus a Casilino re bene gesta recessum est, eis Gracchus in Lucanis aliquot cohortes in ea regione conscriptas cum praefecto socium in agros hostium praedatum misit. eos effuse palatos Hanno adortus haud multo minorem, quam ad Beneventum acceperat, reddidit hosti cladem atque in Brutios raptim, ne Gracchus adsequeretur, concessit. consules Marcellus retro, unde venerat, Nolam rediit; Fabius in Samnites ad populandos agros recipiendasque armis quae defecerant urbes processit. Caudinus Samnis gravius devastatus: perusti late agri, praedae pecudum hominumque actae; oppida vi capta Conpulteria, Telezia, Compsa inde; Fugifulae et Orbitanium ex Lucanis; Blanda et Apulorum Aecae oppugnatae. milia hostium in his urbibus viginti quinque capta aut occisa, et recepti perfugae trecenti septuaginta; quos cum Romanam misisset consul, virgis in comitio caesi omnes ac de saxo deiecti. haec a Q. Fabio intra paucos dies gesta. Marcellum ab gerundis rebus valetudo adversa Nolae tenuit. et a praetore Q. Fabio, cui circa Liceriam provincia erat, Acuca oppidum per eos dies vi captum stativaque ad Ardaneas communita.

Dum haec, *alia* aliis locis, ab Romanis geruntur, iam Tarentum pervenerat Hannibal cum maxima omnium, 10 quacunque ierat, clade; in Tarentino demum agro pac-

tum incedere agmen coepit. nihil ibi violatum neque usquam via excessum est; apparebatque non id mendacia militum aut ducis *, sed ad conciliando animos Tarentinorum fieri. ceterum cum prope moenibus successisset nullo ad conspectum primum agminis, ut rebatur, motu facto castra ab urbe ferme passus mille locat. Tarenti triduo ante, quam Hannibal ad moenia accederet, a M. Valerio praepatore, qui classi ad Brundisium praeeerat, missus M. Livius in pigre conscripta iuventute dispositisque ad omnes portas circaque muros, qua res postulabat, stationibus die ac nocte iuxta intentus neque hostibus neque dubiis sociis loci quicquam praebuit ad temptandam vim. quare diebus aliquot frustra ibi absumptis Hannibal, cum eorum nemo, qui ad lacum Averni se adissent, aut ipsi venirent aut nuntium litterasve mitterent, vana promissa se temere secutum cernens castra inde movit, tum quoque intacto agro Tarentino, quamquam simulata lenitas nihil profuerat, tamen spe labefactandae fidei haud absistens. Salapiam ut venit, frumentum ex agris Metapontino atque Heracleensi — iam enim aestas exacta erat et hibernis placebat locus — conportat. praedatum inde Numidae Maurique per Sallentinum agrum proximosque Apuliae saltus dimissi, unde ceterae praedae haud multum, equorum greges maxime abacti, e quibus ad quattuor milia domanda equitibus divisa.

XXI. Romani, cum bellum nequaquam contemnendum in Sicilia oreretur morsque tyranni duces magis in pigros dedisset Syracusanis, quam causam aut animos mutasset, M. Marcello alteri consulum eam provinciam decernunt. secundum Hieronymi caudem primo tumultuantum in Leontinis apud milites fuerat vociferatumque ferociter parentandum regi sanguine coniuratorum esse. deinde libertatis restitutae dulce auditu nomen erebro usurpatum, spes facta ex pecunia regia largitionis militiaeque fungendae potioribus ducibus et relata tyranni foeda scelera foedioresque libidines adeo

mutavere animos, ut insepultum iacere corpus paulo
 ante desiderati regis paterentur. cum ceteri ex coniuratis ad exercitum obtainendum remansissent, Theodotus et Sosis regiis equis quanto maximo cursu poterant, ut ignaros omnium regios opprimerent, Syracusas contendunt. ceterum praevenerat non fama solum, qua nihil in talibus rebus est celerius, sed nuntius etiam ex regiis servis. itaque Adranodorus et Insulam et arcem et alia, quae poterat quaeque opportuna erant, praesidiis firmarat. Hexaplo Theodotus ac Sosis post solis occasum iam obscura luce inventi cum cruentam regiam vestem atque insigne capitis ostentarent, travecti per Tycham, simul ad libertatem simul ad arma vocantes in Achradinam convenire iubent. multitudo pars procurrit in vias, pars in vestibulis stat, pars ex tectis fenestrisque prospectant et, quid rei sit, rogitant. omnia luminibus conludent strepituque vario complentur. armati locis patentibus congregantur; inermes ex Olympii Iovis templo spolia Gallorum Illyriorumque, dono data Hieroni a populo Romano fixaque ab eo, detrahunt precantes Iovem, ut volens propitius praebeat sacra arma pro patria, pro deum delubris, pro libertate sese armantibus. haec quoque multitudo stationibus per principes regionum urbis dispositis adiungitur. in Insula inter cetera Adranodorus praesidiis firmarat horrea publica; locus saxo quadrato saeptus atque arcis in modum emunitus capitur ab iuventute, quae praesidio eius loci attributa erat, mittuntque nuntios in Achradinam horrea frumentumque in senatus potestate esse.

XXII. Luce prima populus omnis, armatus inermisque, in Achradinam ad euriam convenit. ibi pro Concordiae ara, quae in eo sita loco erat, ex principibus unus nomine Polyaenus contionem et liberam et moderata habuit. servitutis formidines indignitatesque homines expertos adversus notum malum irritatos esse; discordia civilis quas importet clades, audisse magis a

patribus Syracusanos quam ipsos vidisse. arma quod 3 impigre ceperint, laudare, magis laudaturum, si non utantur nisi ultima necessitate coacti. in praesentia 4 legatos ad Adranodorum mitti placere, qui denuntient, ut in potestate senatus ac populi sit, portas Insulae aperiatur, tradat praesidium. si tutelam alieni regni suum 5 regnum velit facere, eundem se censere multo acrius ab Adranodoro quam ab Hieronymo repeti libertatem. ab hac contione legati missi sunt. senatus inde haberi 6 coepitus est, quod sicut regnante Hierone manserat publicum consilium, ita post mortem eius ante eam diem nulla de re neque convocati neque consulti fuerant. ut ventum ad Adranodorum est, ipsum quidem movebat 7 et civium consensus et cum aliae occupatae urbis partes, tum pars Insulae vel munitissima prodita atque alienata. sed evocatum eum ab legatis Damarata uxor, 8 filia Hieronis, inflata adhuc regiis animis ac muliebri spiritu, admonet saepe usurpatae Dionysi tyranni vocis, qua pedibus tractum, non incidentem equo relinquere 9 tyrannidem dixerit debere. facile esse momento, quo quis velit, cedere possessione magnae fortunae, facere et parare eam difficile atque arduum esse. spatium 10 sumeret ad consultandum ab legatis; eo uteretur ad arcessendos ex Leontinis milites, quibus si pecuniam regiam pollicitus esset, omnia in potestate eius futura. haec muliebria consilia Adranodorus neque tota asper- 11 natus est neque extemplo accepit, tuiorem ad opes adfectandas ratus esse viam, si in praesentia temporis cessisset. itaque legatos renuntiare iussit futurum se 12 in senatus ac populi potestate. postero die luce prima patefactis Insulae portis in forum Achradinae venit. ibi in aram Concordiae, ex qua pridie Polyaenus contionatus erat, escendit orationemque eam orsus est, qua primum cunctationis suaen veniam petivit: se enim 14 clausas habuisse portas non separantem suas res a publicis, sed strictis semel gladiis timentem, qui finis caedibus esset futurus, utrum, quod satis libertati foret,

contenti nece tyranni essent, an, quicumque aut propinquitate aut adfinitate aut aliquis ministeriis regiam contigissent, alienae culpae rei trucidarentur. postquam animadverterit eos, qui liberassent patriam, servare etiam liberatam velle atque undique consuli in medium, non dubitasse, quin et corpus suum et cetera omnia, quae sua fidei tutelaeque essent, quoniam eum, qui mandasset, suus furor absumpsisset, patriae restitueret. 16 conversus deinde ad interfectores tyranni ac nomine appellans Theodotum ac Sosin "facinus" inquit "me- 17 morabile fecistis; sed mihi credite, incohata vestra gloria, nondum perfecta est, periculumque ingens manet, nisi paci et concordiae consultis, ne libera efferatur res publica."

1 XXIII. Post hanc orationem claves portarum pecuniaeque regiae ante pedes eorum posuit. atque illo quidem die dimissi ex contione laeti circa fana omnia deum supplicaverunt cum coniugibus ac liberis, postero 2 die comitia praetoribus creandis habita. creatus in primis Adranodus, ceteri magna ex parte interfectores tyranni; duos etiam absentes, Sopatrum ac 3 Dinomenen, fecerunt. qui auditis iis, quae Syracusis acta erant, pecuniam regiam, quae in Leontinis erat, Syracusas devectam questoribus ad *id* ipsum creatis 4 tradiderunt. et ea, quae *in Insula* erat, Achradinam tralata est; murique ea pars, quae ab cetera urbe nimis firmo munimento intersaepiebat Insulam, consensu omnium deiecta est. secutae et ceterae res hanc inclinationem animorum ad libertatem.

5 Hippocrates atque Epicydes audita morte tyranni, quam Hippocrates etiam nuntio imperfecto celare voluerat, deserti a militibus, quia id tutissimum ex praesentibus videbatur, Syracusas rediere. ubi ne suspecti obversarentur tamquam novandi res aliquam occasionem quaerentes, praetores primum, dein per eos senatum adeunt; ab Hannibale se missos praedicant ad Hieronymum tamquam amicum ac socium, paruisse

imperio eius, cuius imperator suus voluerit. velle ad 8 Hannibalem redire; ceterum, cum iter tutum non sit vagantibus passim per totam Siciliam Romanis, petere, ut praesidi dent aliquid, quo Locros in Italianam perducantur. gratiam magnam eos parva opera apud Hannibalem inituros. facile res impetrata; abire enim duces 9 regios cum peritos militiae tum egentes eosdem atque audaces cupiebant. sed quod volebant, non, quam maturato opus erat, naviter expediebant. interim iuvenes 10 militares et adsueti militibus, nunc apud eos ipsos, nunc apud trans fugas, quorum maxima pars ex navalibus sociis Romanorum erat, nunc etiam apud infimae plebis homines crimina serebant in senatum optimatesque: id moliri clam eos atque struere, ut Syracusae 11 per speciem reconciliatae societatis in dictione Romanorum sint, dein factio ac pauci auctores foederis renovati dominentur.

XXIV. His audiendis credendisque opportuna multitudo maior in dies Syracusas confluebat, nec Epicydi solum spem novandarum rerum, sed Adranodoro etiam praebebat. qui fessus tandem uxoris vocibus monentis 2 nunc illud esse tempus occupandi res, dum turbata omnia nova atque incondita libertate essent, dum regii stipendiis pastus obversaretur miles, dum ab Hannibale missi duces adsueti militibus iuvare possent incepta, cum Themisto, cui Gelonis filia nupta erat, rem consociatam paucos post dies Aristoni cuidam tragico actori, cui et alia arcana committere adsuerat, incaute aperit. huic et genus et fortuna honesta erant, nec 3 ars, quia nihil tale apud Graecos pudori est, ea deformabat. itaque fidem *priorem* potioremque ratus, quam patriae debebat, indicium ad praetores defert. qui ubi 4 rem haud vanam esse certis indicis conpererunt, consultis senioribus et auctoritate eorum praesidio ad fores posito ingressos curiam Themistum atque Adranodorum interfecerunt. et cum tumultus ab re in speciem 5 atrociora causam aliis ignorantibus ortus esset, silentio

6 tandem facto indicem in curiam introduxerunt. qui
cum ordine omnia edocuisset: principium coniurationis
factum ab Harmoniae Gelonis filiae nuptiis, quibus
7 Themisto iuncta esset; Afrorum Hispanorumque auxi-
liares instructos ad caedem praetorum principumque
aliorum, bonaque eorum praedae futura interfectoribus
8 pronuntiatum; iam mercennariorum manum adsuetam
imperiis Adranodori paratam fuisse ad Insulam rursus
occupandam; singula deinde, quae per quosque age-
rentur, totamque viris armisque instructam coniura-
tionem ante oculos posuit. et senatui quidem tam iure
9 caesi quam Hieronymus videbantur; ante curiam variae
atque incertae rerum multitudinis clamor erat. quam
ferociter minitantem in vestibulo curiae corpora con-
iuratorum eo metu compresserunt, ut silentes integrum
10 plebem in contionem sequerentur. Sopatro mandatum
1 ab senatu et a collegis, ut verba faceret. XXV. is,
tamquam reos ageret, ab ante acta vita orsus, quae-
cumque post Hieronis mortem scelestè atque impie
facta essent, Adranodorum ac Themistum arguit fecisse.
2 quid enim sua sponte fecisse Hieronymum, quid puer-
rum ac vixduni pubescentem facere potuisse? tutores
ac magistros eius sub aliena invidia regnasse; itaque
aut ante Hieronymum aut certe cum Hieronymo perire
3 eos debuisse. at illos debitos iam morti destinatosque
alia nova scelera post mortem tyranni molitos, palam
primo, cum clausis Adranodorum Insulae portis here-
ditatem regni creverit et, quae procurator tenuerat,
4 pro domino possederit; proditus deinde ab eis, qui in
Insula erant, circumcessus ab universa civitate, quae
Achradinam tenuerit, neququam palam atque aperte
petitum regnum clam et dolo affectare conatus sit
5 et ne beneficio quidem atque honore potuerit vinci, cum
inter liberatores patriae insidiator ipse libertatis creatus
6 esset praetor. sed animos eis regios regias coniuges
7 fecisse, alteri Hieronis alteri Gelonis filias nuptas. sub
hanc vocem ex omnibus partibus contionis clamor oritur

nullam earum vivere debere nec quemquam superesse
tyrannorum stirpis. ea natura multitudinis est: aut 8
servit humiliter aut superbe dominatur; libertatem,
quae media est, nec sibi parare modice nec habere
sciunt. et non ferme desunt irarum indulgentes ministri, 9
qui avidos atque intemperantes suppliciorum animos
ad sanguinem et caedes irritent; sicut tum extemplo 10
praetores rogationem promulgarunt, acceptaque paene
prius quam promulgata est, ut omnes regiae stirpis
interficerentur. missique a praetoribus Damaratam
Hieronis et Harmoniam Gelonis filiam, coniuges Adra-
nodori et Themisti, interfecerunt.

XXVI. Heraclia erat filia Hieronis, uxor Zoippi, 1
qui legatus ab Hieronymo ad regem Ptolomaeum missus
voluntarium conciverat exilium. ea cum ad se quo- 2
que veniri praescisset, in sacrarium ad penates con-
fugit cum duabus filiabus virginibus resolutis crinibus
miserabilique alio habitu et ad ea addidit preces, nunc 3
per deos, nunc per memoriam Hieronis patris Gelonisque
fratris, ne se innoxiam invidia Hieronymi conflagrare
sinerent: nihil se ex regno illius praeter exilium viri 4
habere; neque fortunam suam eandem vivo Hieronymo
fuisse quam sororis, neque imperfecto eo causam eandem
esse. quid? quod, si Adranodoro consilia processissent, 5
illa cum viro fuerit regnatura, sibi cum ceteris ser-
viendum. si quis Zoippo nuntiet imperfectum Hierony- 6
mum ac liberatas Syracusas, cui dubium esse, quin
extemplo consensurus sit navem atque in patriam
rediturus? quantum spes hominum falli! in liberata 7
patria coniugem eius ac liberos de vita dimicare —
quid obstantes libertati aut legibus? quod ab se cui- 8
quam periculum, a sola ac prope vidua et puellis in
orbitate degentibus esse? at enim periculi quidem nihil
ab se timeri, invisam tamen stirpem regiam esse.
ablegarent ergo procul ab Syracusis Siciliaque et aspor- 9
tari Alexandriam iuberent ad virum uxorem, ad patrem
filias. aversis auribus animisque: quid cessarent? ne 10

tempus tererent, illi alius alium increpant. ut ferrum
 11 quosdam expedientes cernebat, tum omissis pro se
 precibus, puellis ut saltem parcerent orare institit, a
 qua aetate etiam hostes iratos abstinere; ne tyranos
 12 ulciscendo quae odissent scelera ipsi imitarentur. inter
 haec abstractam a penetalibus iugulant; in virgines
 deinde respersas matris cruento impetum faciunt. quae
 alienata mente simul luctu metuque velut captae furore
 eo cursu se ex sacrario proripuerunt, ut, si effugium
 patuisset in publicum, impleturae urbem tumultu
 13 fuerint. tum quoque haud magno aedium spatio inter
 medios tot armatos aliquotiens integro corpore evase-
 runt tenentibusque, cum tot ac tam validae eluctandae
 14 manus essent, sese eripuerunt. tandem vulneribus con-
 fectae, cum omnia repellent sanguine, exanimes cor-
 rierunt. caudemque per se miserabilem miserabiliorum
 casus fecit, quod paulo post nuntius venit, mutatis
 repente ad misericordiam animis, ne interficerentur.
 15 ira deinde ex misericordia orta, quod adeo festinatum
 ad supplicium neque locus paenitendi aut regressus
 16 ab ira relictus esset. itaque fremere multitudo et in
 locum Adranodori ac Themisti — nam ambo praetores
 fuerant — comitia poscere, quae nequaquam ex sen-
 1 tentia praetorum futura essent. XXVII. Statutus est
 comitiis dies; quo necopinantibus omnibus unus ex
 ultima turba Epicyden nominavit, tum inde alius Hip-
 pocratem; crebriores deinde hae voces et cum haud
 2 dubio adsensu multitudinis esse. et erat confusa contio
 non populari modo sed militari quoque turba, magna
 ex parte etiam perfugis, qui omnia novare cupiebant,
 3 permixtis. praetores dissimulare primo et trahenda re
 in mora esse; postremo victi consensu et seditionem
 4 metuentes pronuntiant eos praetores. nec illi primo
 statim creati nudare, quid vellent, quamquam aegre
 ferebant et de induitis dierum decem legatosisse ad
 Appium Claudium et impetratis eis alios, qui de foe-
 5 dere antiquo renovando agerent, missos. ad Murgantium

tum classem navium centum Romanus habebat, quoniam
 evaderent motus ex caedibus tyrannorum orti Syracusis,
 quove eos ageret nova atque insolita libertas, opperiens.

Per eosdem dies cum ad Marcellum venientem in 6
 Siciliam legati Syracusani missi ab Appio essent, auditis
 condicionibus pacis Marcellus posse rem convenire ratus
 et ipse legatos Syracusas, qui coram cum praetoribus
 de renovando foedere agerent, misit. et iam ibi ne- 7
 quaquam eadem quies ac tranquillitas erat. Postquam
 Punicam classem accessisse Pachynum adlatum est,
 dempto timore Hippocrates et Epicydes nunc apud mer-
 cennarios milites, nunc apud transfugas prodi Romano
 Syracusas criminabantur. ut vero Appius naves ad 8
 ostium portus, quo amicae partis hominibus animus
 accederet, in statione habere coepit, ingens in speciem
 criminibus vanis accesserat fides; ac primo etiam tu- 9
 multuose decurrerat multitudo ad prohibendos, si in
 terram egredenterentur.

XXVIII. In hac turbatione rerum in contionem 1
 vocari placuit. ubi cum alii alio tenderent nec procul
 seditione res esset, Apollonides principum unus orationem
 salutarem ut in tali tempore habuit: nec spem 2
 salutis nec perniciem propiorem umquam civitati ulli
 fuisse. si enim uno animo omnes vel ad Romanos vel 3
 ad Carthaginienses inclinent, nullius civitatis statum
 fortunatorem ac beatorem fore; si alii alio trahant 4
 res, non inter Poenos Romanosque bellum atrocissimum
 fore quam inter ipsos Syracusanos, cum intra eosdem
 muros pars utraque suos exercitus, sua arma, suos
 habitura sit duces. itaque, ut idem omnes sentiant, 5
 summa vi agendum esse. utra societas sit utilior, eam
 longe minorem ac levioris momenti consultationem esse;
 sed tamen Hieronis potius quam Hieronymi auctori- 6
 tatem sequendam in sociis legendis, vel quinquaginta
 annis feliciter expertam amicitiam nunc incognitae,
 quondam infideli preferendam. esse etiam momenti 7
 aliquid ad consilium, quod Carthaginiensibus ita pax

negari possit, ut non utique in praesentia bellum cum eis geratur: cum Romanis extemplo aut pacem aut bellum habendum. quo minus cupiditatis ac studii visa est oratio habere, eo plus auctoritatis habuit. adiectum est praetoribus ac delectis senatorum militare etiam consilium, iussi et duces ordinum praefectique auxiliorum simul consulere. cum saepe acta res esset magnis certaminibus, postremo, quia belli cum Romanis gerendi ratio nulla apparebat, pacem fieri placuit cum eis mittique legatos ad rem confirmandam.

¹ XXIX. Dies haud ita multi intercesserunt, cum ex Leontinis legati praesidium finibus suis orantes venerunt; quae legatio peropportuna visa ad multitudinem inconditam ac tumultuosam exonerandam ducesque eius ablegandos. Hippocrates praetor ducere eo transfugas iussus; secuti multi ex mercennariis auxiliis quattuor milia armatorum effecerunt. et mittentibus et missis ea laeta expeditio fuit; nam et illis, quod iam diu cupiebant, novandi res occasio data est, et hi sentinam quandam urbis rati exhaustam laetabantur. ceterum levaverunt modo in praesentia velut corpus aegrum, quo mox in graviorem morbum recideret. ⁴ Hippocrates enim finitima provinciae Romanae primo furtivis excursionibus vastare coepit; deinde, cum ad tuendos sociorum agros missum ab Appio praesidium esset, omnibus copiis impetum in oppositam stationem ⁵ cum caede multorum fecit. quae cum essent nuntiata Marcello, legatos extemplo Syracusas misit, qui pacis fidem ruptam esse dicерent nec belli defuturam umquam causam, nisi Hippocrates atque Epicydes non ab Syracusis modo, sed tota procul Sicilia ablegarentur. Epicydes, ne aut reus criminis absentis fratribus praesens esset, aut deesset pro parte sua concitando bello, profectus et ipse in Leontinos, quia satis eos adversus populum Romanum concitatos cernebat, avertere etiam ab Syracusanis coepit: nam ita eos pacem pepigisse cum Romanis, ut quicumque populi sub

regibus fuissent, et suae dicionis essent, nec iam libertate eos contentos esse, nisi etiam regnent ac dominentur. renuntiandum igitur eis esse Leontinos quoque aequom censere se liberos esse, vel quod in solo urbis suae tyrannus ceciderit, vel quod ibi primum conclamatum ad libertatem relictisque regiis ducibus Syracusas concursum sit. itaque aut eximendum id de foedere esse, aut legem eam foederis non accipiendam. facile multitudini persuasum; legatisque Syracusanorum et de caede stationis Romanae querentibus et Hippocratem atque Epicyden abire seu Locros seu quo alio mallent, dummodo Sicilia cederent, iubentibus ferociter responsum est neque mandasse sese Syracusanis, ut pacem pro se cum Romanis facerent, neque teneri alienis foederibus. haec ad Romanos Syracusanis detulerunt abnuentes Leontinos in sua potestate esse: itaque integro secum foedere bellum Romanos cum iis gesturos, neque sese defuturos ei bello ita, ut in potestatem redacti suaे rursus dicionis essent, sicut pax convenisset.

XXX. Marcellus cum omni exercitu profectus in Leontinos, Appio quoque accito, ut altera parte adgredetur, tanto ardore militum est usus ab ira inter condiciones pacis imperfectae stationis, ut primo impetu urbem expugnarent. Hippocrates atque Epicydes, postquam capi muros refringique portas videre, in arcem sese cum paucis recepere; inde clam nocte Herbesum perfugiunt. Syracusanis octo milium armatorum agmine profectis domo ad Mylan flumen nuntius occurrit captam urbem esse, cetera falsa mixta veris ferens: caudem promiscuam militum atque oppidanorum factam, nec quicquam puberum arbitrari superesse; direptam urbem, bona locupletium donata. ad nuntium tam atrocem constitut agmen, concitatisque omnibus duces — erant autem Sosis ac Dinomenes —, quid agerent, consultabant. terroris speciem haud vanam mendacio praebuerant verberati ac securi percussi transfugae ad duo

7 milia hominum; ceterum Leontinorum militumque aliorum nemo post captam urbem violatus fuerat, suaque omnia eis, nisi quae primus tumultus captae urbis
 8 absumpserat, restituebantur. nec ut Leontinos irent, proditos ad caedem commilitones querentes, perPELLi potuere, nec ut eodem loco certiorem nuntium ex-
 9 pectarent. cum ad defectionem inclinatos animos cer-
 nerent praetores, sed eum motum haud diurnum fore, si duces amentiae sublati essent, exercitum ducunt
 10 Megara, ipsi cum paucis equitibus Herbesum profici-
 cuntur spe territis omnibus per proditionem urbis
 11 potiundae. quod ubi frustra eis fuit inceptum, vi agen-
 dum rati postero die Megaris castra movent, ut Her-
 12 besum omnibus copiis oppugnarent. Hippocrates et
 Epicydes, non tam tutum prima specie quam unum
 spe undique abscisa consilium esse rati, ut se militibus
 permetterent et adsuetis magna ex parte sibi et tum
 fama caedis commilitonum accensis, obviam agmini
 13 procedunt. prima forte signa sescentorum Cretensium
 erant, qui apud Hieronymum meruerant sub eis et
 Hannibalis beneficium habebant, capti ad Trasumennum
 14 inter Romanorum auxilia dimissique. quos ubi ex signis
 armorumque habitu cognovere, Hippocrates atque Epi-
 cydes ramos oleae ac velamenta alia supplicum por-
 rigentes orare, ut recipierent sese, receptos tutarentur,
 neu proderent Syracusanis, a quibus ipsi mox truci-
 1 dandi populo Romano dederentur. XXXI. enimvero
 clamant, bonum ut animum haberent: omnem se
 2 cum illis fortunam subituros. inter hoc conloquium
 signa constiterant tenebaturque agmen; needum, quae
 morae causa foret, pervenerat ad duces. postquam
 Hippocraten atque Epicyden *adesse ordines* pervasit ru-
 mor, fremitusque toto agmine erat haud dubie ad-
 probantium adventum eorum, extemplo praetores citatis
 3 equis ad prima signa perrexerunt. qui mos ille, quae
 licentia Cretensium esset, rogitantes conloquia serendi
 cum hoste iniussuque praetorum miscendi eos agmini

suo, comprehendendi inciisque catenas iusserunt Hippocreti.
 ad quam vocem tantus extemplo primum a Cretensibus 4
 clamor est ortus, deinde exceptus ab aliis, ut facile,
 si ultra tenderent, appareret eis timendum esse. solli-
 citi incertique rerum suarum Megara, unde profecti
 erant, referri signa iubent nuntiosque de statu pree-
 senti Syracusas mittunt. fraudem quoque Hippocrates 6
 addit inclinati ad omnem suspicionem animis et Cre-
 tensium quibusdam ad itinera insidenda missis velut
 interceptas litteras, quas ipse composuerat, recitat:
 "praetores Syracusani consuli Marcello." secundum 7
 salutem, ut adsolet, scriptum erat recte eum atque
 ordine fecisse, quod in Leontinis nulli pepercisset. sed 8
 omnium mercennariorum militum eandem esse causam,
 nec umquam Syracusas quieturas, donec quicquam ex-
 ternorum auxiliorum aut in urbe aut in exercitu suo
 esset. itaque daret operam, ut eos, qui cum suis pree- 9
 toribus castra ad Megara haberent, in suam potestatem
 redigeret ac suppicio eorum liberaret tandem Syra-
 cusas. haec cum recitata essent, cum tanto clamore 10
 ad arma discursum est, ut praetores inter tumultum
 pavidi abequitaverint Syracusas. et ne fuga quidem 11
 eorum seditio compressa est, impetusque in Syracusanos
 milites fiebant; nec ab ullo temperatum foret, ni Epi-
 cydes atque Hippocrates irae multitudinis obviam issent,
 non a misericordia aut humano consilio, sed ne spem
 reditus praeciderent sibi et, cum ipsos simul milites 12
 fidos haberent simul obsides, tum cognatos quoque 13
 eorum atque amicos tanto merito primum, dein pignore
 sibi conciliarent. expertique, quam vana aut levi aura 14
 mobile volgus esset, militem nancti ex eo numero, qui
 in Leontinis circunsessi erant, subornant, ut Syracusas
 perferret nuntium convenientem eis, quae ad Mylan
 falso nuntiata erant, auctoremque se exhibendo ac velut 15
 visa, quae dubia erant, narrando concitaret iras homi-
 num. XXXII. Huic non apud volgum modo fides fuit, 1
 sed senatum quoque in curiam introductus movit. haud

vani quidam homines palam ferre perbene detectam
in Leontinis esse avaritiam et crudelitatem Romanorum.
eadem, si intrassent Syracusas, aut foediora
etiam, quo maius ibi avaritiae praemium esset, facturos
2 fuisse. itaque claudendas cuncti portas et custodiendam
urbem censere. sed non ab iisdem omnis timere nec
eosdem odisse, ad militare genus omne partemque
3 magnam plebis invisum esse nomen Romanum; praetores
optimatumque pauci, quamquam inflati vano
nuntio erant, tamen ad proprius praesentiusque malum
4 cautores esse. et iam ad Hexapylum erant Hippocrates
atque Epicydes, serebanturque conloquia per propinquos
popularium, qui in exercitu erant, ut portas
aperirent sinerentque communem patriam defendi ab
5 impetu Romanorum. iam unis foribus Hexaplyi apertis
coepi erant recipi, cum praetores intervenerunt. et
primo imperio minisque, deinde auctoritate deterrendo,
postremo, ut omnia vana erant, oblii maiestatis pre-
cibus agebant, ne proderent patriam tyrami ante
6 satellitibus et tum corruptoribus exercitus. sed surdae
ad ea omnia aures concitatae multitudinis erant, nec
minore intus vi quam foris portae effringebantur, effrac-
tisque omnibus toto Hexaplo agmen receptum est.
7 praetores in Achradinam cum iuventute popularium
confugiunt. mercennarii milites perfugaeque et quid-
quid regiorum militum Syracusis erat agmen hostium
8 augent. ita Achradina quoque primo impetu capitul,
praetorumque nisi qui inter tumultum effugerunt omnes
9 interficiuntur. nox caedibus finem fecit. postero die
servi ad pilleum vocati et carcere vincti emissi, con-
fusaque haec omnis multitudo Hippocraten atque Epi-
cyden creant praetores; Syracusaeque, cum breve tempus
libertas adfulsisset, in antiquam servitutem reciderant.

¹ XXXIII. Haec nuntiata cum essent Romanis, ex
² Leontinis mota sunt extemplo castra ad Syracusas. et
ab Appio legati per portum missi forte in quinque-
remi erant. praemissa quadriremis cum intrasset fauces

portus, capitur; legati aegre effugerunt. et iam non modo pacis sed ne belli quidem iura reicta erant, cum Romanus exercitus ad Olympium — Iovis id templum est — mille et quingentos passus ab urbe castra posuit. inde quoque legatos praemitti placuit; quibus, ne intrarent urbem, extra portam Hippocrates atque Epicydes obviam cum suis processerunt. Romanus orator non bellum se Syracusanis sed opem auxiliumque adferre ait et eis, qui ex media caede elapsi perfugerint ad se, et eis, qui metu oppressi foediorem non exilio solum sed etiam morte servitutem patientur. nec caudem nefandam sociorum inultam Romanos passuros: itaque, si eis, qui ad se perfugerint, tutus in patriam reditus pateret, caedis auctores dedantur et libertas legesque Syracusanis restituantur, nihil armis opus esse; si ea non fiant, quicunque in mora sit, bello persecuturos. ad ea Epicydes, si qua ad se mandata haberent, responsum eis ait se datus fuisse; cum in eorum, ad quos venerint, manu res Syracusana esset, tum reverterentur. si bello lacererent, ipsa re intellecturos nequaquam idem esse Syracusas ac Leontinos oppugnare. ita legatis relictis portas clausit.

Inde terra marique simul coepit oppugnari Syracusae, terra ab Hexaplo, mari ab Achradina, cuius murus fluctu adluitur. et quia, sicut Leontinos terrore ac primo impetu ceperant, non diffidebant vastam disiectamque spatio urbem parte aliqua se invasuros, omnem apparatus oppugnandarum urbium muris admoveunt. XXXIV. et habuisset tanto impetu coepit res fortunam, nisi unus homo Syracusis ea tempestate fuisse. Archimedes is erat, unicus spectator caeli si- derumque, mirabilior tamen inventor ac machinator bellicorum tormentorum operumque, quibus *quicquid* hostes ingenti mole agerent, ipse perlevi momento ludificaretur. muros per inaequalis ductos colles, pleraque alta et difficilia aditu, submissa quaedam et quae planis vallibus adiri possent, *ut* cuique aptum visum

4 est loco, ita genere omnitomentorum instruxit. Achradinae murum, qui, ut ante dictum est, mari adluitur,
 5 sexaginta quinqueremibus Marcellus oppugnabat. ex ceteris navibus sagittarii funditoresque et velites etiam, quorum telum ad remittendum inhabile imperitis est, vix quemquam sine vulnere consistere in muro patie-
 6 bantur. hi, quia spatio missilibus opus est, procul muro tenebant naves. iunctae aliae binae quinqueremes demptis interioribus remis, ut latus lateri adpli-
 7 caretur, cum exteriore ordine remorum velut una navis agerentur, turres contabulatas machinamentaque alia
 8 quatiendis muris portabant. adversus hunc navalem apparatum Archimedes variae magnitudinis tormenta in muris disposuit. in eas, quae procul erant, navis saxa ingenti pondere emittebat, propiores levioribus
 9 eoque magis crebris petebat telis; postremo, ut sui volnere intacti tela in hostem ingererent, murum ab imo ad summum crebris cubitalibus fere cavis aperuit, per quae cava pars sagittis pars scorpionibus modicis
 10 ex occulto petebant hostem. quae propius quaedam subibant naves, quo interiores ictibus tormentorum essent, in eas tollenone super murum eminente ferrea manus, firmae catenae inligata, cum injecta prorae esset gravique libramento plumbi recelleret ad solum,
 11 suspensa prora navem in puppim statuebat; dein remissa subito velut ex muro cadentem navem cum ingenti trepidatione nautarum ita undae adfligebat, ut, etiamsi recta reciderat, aliquantum aquae acciperet.
 12 ita maritima oppugnatio est elusa omnisque spes eo
 13 versa, ut totis viribus terra adgredenterur. sed ea quoque pars eodem omni apparatu tormentorum instructa erat Hieronis impensis curaque per multos annos,
 14 Archimedis unica arte. natura etiam adiuvabat loci, quod saxum, cui inposita muri fundamenta sunt, magna parte ita proclive est, ut non solum missa tormento, sed etiam quae pondere suo provoluta essent, graviter
 15 in hostem inciderent. eadem causa ad subeundum

arduum aditum instabilemque ingressum praebebat. ita consilio habito, quoniam omnis conatus ludibrio 16 esset, absistere oppugnatione atque obsidendo tantum arcere terra marique commeatis hostem placuit.

XXXV. Interim Marcellus cum tertia fere parte 1 exercitus ad recipiendas urbes profectus, quae in motu rerum ad Carthaginenses defecerant, Helorum atque Herbesum dedentibus ipsis recepit, Megara vi capta 2 diruit ac diripuit ad reliquorum ac maxime Syracusanorum terorem. per idem fere tempus et Himilco, 3 qui ad Pachyni promunturium classem diu tenuerat, ad Heracleam, quam vocant Minoam, quinque et viginti milia peditum, tria equitum, duodecim elephantes exposuit, nequaquam cum quantis copiis ante tenuerat ad Pachynum classem. sed, postquam ab Hippocrate 4 occupatae Syracusae erant, profectus Carthaginem adiutusque ibi et ab legatis Hippocratis et litteris Hannibal, qui venisse tempus aiebat Siciliae per summum decus repetenda, et ipse haud vanus praesens monitor 5 facile perpulerat, ut quantae maximae possent peditum equitumque copiae in Siciliam traicerentur. ad 6 veniens Heraciam, intra paucos inde dies Agrigentum recepit; aliarumque civitatum, quae partis Carthaginensium erant, adeo accensae sunt spes ad pellendos Sicilia Romanos, ut postremo etiam qui obsidebantur Syracusis animos sustulerint. et parte copiarum satis 7 defendi urbem posse rati inter se munera belli partiti sunt, ut Epicydes praeesset custodiae urbis, Hippocrates Himileoni coniunctus bellum adversus consulem Romanum gereret. cum decem milibus peditum, 8 quingentis equitibus nocte per intermissa custodiis loca profectus castra circa Acrillas urbem ponebat. munientibus supervenit Marcellus ab Agrigento iam occupato, cum frustra eo praevenire hostem festinans tetendisset, rediens, nihil minus ratus quam illo tempore ac loco Syracusanum sibi exercitum obvium fore; sed tamen 10 metu Himilconis Poenorumque, ut quibus nequaquam

eis copiis, quas habebat, par esset, quam poterat maxime intentus atque agmine ad omnes casus compo-
1 posito ibat. XXXVI. forte ea cura, quae adversus Poeninos praeparata erat, adversus Siculos usui fuit. castris ponendis incompositos ac dispersos nanctus eos et ple-
rosque inermes, quod peditum fuit, circumvenit; eques levi certamine inito cum Hippocrate Acras perfugit.
2 Ea pugna deficiente ab Romanis cum cohibusset Siculos, Marcellus Syracusas redit; et post paucos dies Himilco adiuncto Hippocrate ad flumen Anapum, octo
3 ferme inde milia, castra posuit. sub idem forte tempus et naves longae quinque et quinquaginta Carthaginien-
4 tum Syracusas ex alto decurrere, et Romana item classis, triginta quinqueremes, legionem primam Panormi ex-
posuere; versumque ab Italia bellum — adeo uterque populus in Siciliam intentus fuit — videri poterat.
5 legionem Romanam, quae exposita Panormi erat, venientem Syracusas praedae haud dubie sibi futuram Himilco
6 ratus via decipitur; mediterraneo namque Poenus itinere duxit, legio maritimis locis classe prosequente ad Ap-
pium Claudium Pachynum cum parte copiarum obviam
7 progressum peruenit. nec diutius Poeni ad Syracusas morati sunt; et Bomilcar simul parum fidens navibus suis duplice numero classem habentibus Romanis, simul inutili mora cernens nihil aliud ab suis quam inopiam adgravari sociorum, velis in altum datis in
8 Africam transmisit, et Himilco secutus nequiquam Marcellum Syracusas, si qua, priusquam maioribus copiis iungeretur, occasio pugnandi esset, postquam ea nulla contigerat tutumque ad Syracusas et munimento
9 et viribus hostem cernebat, ne frustra adsidendo spec-
tandoque obsidionem sociorum tempus tereret, castra inde movit, ut, quocumque vocasset defectionis ab Romano spes, admoveret exercitum ac praesens suas
10 res foventibus adderet animos. Murgantiam primum prodito ab ipsis praesidio Romano recipit, ubi frumenti

magna vis commeatusque omnis generis convecti erant Romanis.

XXXVII. Ad hanc defectionem erecti sunt et alia-
rum civitatum animi, praesidiaque Romana aut pelle-
bantur arcibus aut prodita per fraudem opprimebantur.
Henna, excenso loco ac praerupto undique sita, cum 2
loco inexpugnabilis erat, tum praesidium in arce validum praefectumque praesidiis haud sane opportunum insidianibus habebat. L. Pinarius erat, vir acer et qui 3
plus in eo, ne posset decipi, quam in fide Siculorum reponeret. et tum intenderant eum ad cavendi omnia curam tot auditae proditionesque urbium et clades praesidiiorum. itaque die ac nocte iuxta parata 4
instructaque omnia custodiis ac vigiliis erant, nec ab armis aut loco suo miles abscedebat. quod ubi Hennen-
5 sium principes iam pacti cum Himilcone de proditione praesidiis animadverterunt nulli occasione fraudis Ro-
manum patere, palam ac vi rati agendum urbem arcem-
que suae potestatis aiunt debere esse, si liberi in so-
cietatem, non servi in custodiam traditi essent Ro-
manis. itaque claves portarum redi sibi aequom 7
censem: bonis sociis fidem suam maximum vinculum esse, et ita sibi populum Romanum senatumque
gratias habiturum, si volentes ac non coacti man-
sissent in amicitia. ad ea Romanus se in praesidio 8
impositum esse dicere ab imperatore suo clavesque portarum et custodiam arcis ab eo accepisse, quae nec suo nec Hennensium arbitrio haberet, sed eius,
qui commisisset. praesidio decadere apud Romanos 9
capital esse, et nece liberorum etiam suorum eam parentes noxam sanxisse. consulem Marcellum haud procul esse: ad eum mitterent legatos, cuius iuris at-
que arbitrii res esset. se vero negare illi missuros 10
testarique, si verbis nihil agerent, vindictam aliquam libertatis suaे quaesituros. tum Pinarius: at illi, si 11
ad consulem gravarentur mittere, sibi saltem darent populi concilium, ut sciretur, utrum paucorum ea de-

nuntiatio an universae civitatis esset. consensa in posterum diem contio.

XXXVIII. Postquam ab eo conloquio in arcem sese recepit, convocatis militibus "credo ego vos audisse, milites," inquit, "quem ad modum praesidia Romana ab Siculis circumventa et oppressa sint per hos dies. eam vos fraudem deum primo benignitate, dein vestra ipsi virtute dies noctesque perstando ac pervaigilando in armis vitasti. utinam relicum tempus nec patiendo infanda nec faciendo traduci posset! haec occulta in fraude cautio est, qua usi adhuc sumus; cui quoniam parum succedit, aperte ac propalam claves portarum reposcunt; quas simul tradiderimus, Carthaginiensium extemplo Henna erit, foediusque hic trucidabimur, quam Murgantiae praesidium interfectum est. noctem unam aegre ad consultandum sumpsi, qua vos certiores periculi instantis facerem. orta luce contionem habituri sunt ad criminandum me concitandumque in vos populum. itaque crastino die aut vestro aut Hennensium sanguine Henna inundabitur. nec praeoccupati spem ullam nec occupantes periculi quicquam habebitis. qui prior strinxerit ferrum, eius victoria erit. intenti ergo omnes armatique signum expectabitis. ego in contione ero et tempus, quoad omnia instructa sint, loquendo altercandoque traham. cum toga signum dedero, tum mihi undique clamore sublato turbam invadite ac sternite omnia ferro et cavete quicquam supersit, cuius aut vis aut fraus timeri possit. vos, Ceres mater ac Proserpina, precor, ceteri superi infernique di, qui hanc urbem, hos sacratos lacus lucosque colitis, ut ita nobis volentes propitii adsitis, si vitandae, non *inferendae* fraudis causa hoc consilii capimus. pluribus vos, milites, hortarer, si cum armatis dimicatio futura esset; inermes, incautos ad satietatem trucidabis; et consulis castra in propinquuo sunt, ne quid ab Himilcone et Carthaginiensibus timeri possit." XXXIX. Ab hac adhortatione dimissi corpora curant. postero die alii

aliis locis ad obsidenda itinera claudendosque oppositi exitus; pars maxima super theatrum circaque, adsueti et ante spectaculo contionum, consistunt. productus ad populum a magistratibus praefectus Romanus cum consulis de ea re ius ac potestatem esse, non suam, et pleraque eadem, quae pridie, dixisset, et primo sensim ac pars reddere claves, dein iam una voce id omnes iuberent cunctantique et differenti ferociter ministarentur nec viderentur ultra vim ultimam dilatari, tum praefectus toga signum, ut convenerat, dedit, milites que intenti dudum ac parati alii superne *in* aversam contionem clamore sublato decurrunt, alii ad exitus theatri conferti obsistunt. caeduntur Hennenses cavea inclusi coacervanturque non caede solum sed etiam fuga, cum *alii* super aliorum capita ruerent, integri sauciis, vivi mortuis incidentes cumularentur. inde passim discurritur et urbis captae modo fugaque et caedes omnia tenet nihilo remissiore militum ira, quod turbam inermem caedebant, quam si periculum par et ardor certaminis eos irritaret. ita Henna aut malo aut necessario facinore retenta.

Marcellus nec factum improbavit et praedam Hennensem militibus concessit ratus timore deterritos a proditionibus praesidiorum Siculos. atque ea clades, ut urbis in media Sicilia sitae claraeque vel ob insignem munimento naturali locum vel ob sacra omnia vestigiis raptae quondam Proserpinæ, prope uno die omnem Siciliam pervasit. et quia caede infanda rebantur non hominum tantum sed etiam deorum sedem violatam esse, tum vero etiam qui ante dubii fuerant defecere ad Poenos. Hippocrates inde Murgantium, Himilco Agrigentum sese recepit, cum acciti a proditoribus nequ quam ad Hennam exercitum admovissent. Marcellus retro in Leontinos redit frumentoque et communitibus aliis in castra convectis, praesidio modico ibi relieto ad Syracusas obsidendas venit. inde Appio Claudio Romam ad consulatum petendum misso T. Quinc-

tium Crispinum in eius locum classi castrisque praeficit veteribus; ipse hibernacula quinque milia passuum ab Hexapylo — Leonta vocant locum — communii aedificavitque. haec in Sicilia usque ad principium hiemis gesta.

¹ XL. Eadem aestate et cum Philippo rege, quod
² iam ante suspectum fuerat, motum bellum est. legati
 ab Orico ad M. Valerium praetorem venerunt, praesidentem classi Brundisio Calabriaeque circa litoribus,
 nuntiantes Philippum primum Apolloniam temptasse
 lembis biremis centum viginti flumine adverso sub-
³ vectum; deinde, ut ea res tardior spe fuerit, ad Ori-
 cum clam nocte exercitum admovisse; eamque urbem,
 sitam in plano neque moenibus neque viris atque armis
⁴ validam, primo impetu oppressam esse. haec nuntiantes
 orabant, ut opem ferret hostemque haud dubium Romanis mari ac terra a maritimis urbibus arceret, quae
⁵ ob nullam aliam causam, nisi quod imminerent Italiae,
 peterentur. M. Valerius duorum milium praesidio *re-
 licto* *praepositoque* eis P. Valerio legato cum classe
 instructa parataque et, quod longae naves militum capere non poterant, in onerarias inpositis altero die
⁶ Oricum pervenit urbemque eam levi tenente praesidio,
 quod *rex* recedens inde reliquerat, haud magno certa-
⁷ mine recepit. legati eo ab Apollonia venerunt nuntiantes in obsidione sese, quod deficere ab Romanis
 nollent, esse neque sustinere ultra vim Macedonum
⁸ posse, nisi praesidium mittatur Romanum. facturum
 se, quae vellent, pollicitus duo milia delectorum militum navibus longis mittit ad ostium fluminis cum
 praefecto socium Q. Naevio Crista, viro in pigro et
⁹ perito militiae. is expositis in terram militibus navibusque Oricum retro, unde venerat, ad ceteram classem
 remissis milites procul a flumine per viam minime ab
 regiis ob sessam duxit et nocte, ita ut nemo hostium
¹⁰ sentiret, urbem est ingressus. diem insequentem qui-
 evenere, dum praefectus iuventutem Apolloniatum arma-

que et urbis vires inspiceret. ubi ea visa inspectaque satis animorum fecere, simulque ab exploratoribus conperit, quanta socordia ac neglegentia apud hostes esset, silentio noctis ab urbe sine ullo tumultu egressus ¹¹ castra hostium adeo neglecta atque aperta intravit, ut satis constaret prius mille hominum vallum intrasse, quam quisquam sentiret, ac, si caede abstinuissent, pervenire ad tabernaculum regium potuisse. caedes ¹² proximorum portae excitavit hostes; inde tantus terror pavorque omnis occupavit, ut non modo aliis quisquam arma caperet aut castris pellere hostem conatur, sed etiam ipse rex, sicut somno excitus erat, ¹³ prope seminudus fugiens militi quoque, nedum regi, vix decoro habitu, ad flumen navisque perfugerit. eodem et alia turba effusa est. paulo minus tria milia militum in castris aut capta aut occisa; plus tamen hominum aliquanto captum quam caesum est. castris direptis ¹⁵ Apolloniatae catapultas, ballistas tormentaque alia, quae oppugnandaes urbi comparata erant, ad tuenda moenia, si quando similis fortuna venisset, Apolloniam devexere; cetera omnis praeda castrorum Romanis concessa est. haec cum Oricum essent nuntiata, M. Vale- ¹⁶ rius classem extemplo ad ostium fluminis duxit, ne navibus capessere fugam rex posset. itaque Philippus, ¹⁷ neque terrestri neque navali certamini satis fore parem se fidens, subductis navibus atque incensis terra Mace- doniam petiit magna ex parte inermi exercitu spoliato- que. Romana classis cum M. Valerio Orici hibernavit.

¹ XLI. Eodem anno in Hispania varie res gestae. nam priusquam Romani amnem Hiberum transirent, ingentes copias Hispanorum Mago et Hasdrubal fuderunt. defecissetque ab Romanis ulterior Hispania, ni ² P. Cornelius raptim traducto exercitu Hiberum dubiis sociorum animis in tempore advenisset. primo ad ³ Castrum Album — locus est insignis caede magni Hamilcaris — castra Romani habuere. arx erat munita ⁴ et convexerant ante frumentum; tamen, quia omnia

circa hostium plena erant, agmenque Romanum impune incursum ab equitibus hostium fuerat et ad duo milia aut moratorum aut palantium per agros interfecta, cessere inde Romani proprius pacata loca et ad montem Victoriae castra communivere. eo Cn. Scipio cum omnibus copiis et Hasdrubal Gisgonis filius, tertius Carthaginiensium dux, cum exercitu iusto advenit, contraque castra Romana trans fluvium omnes consedere. P. Scipio cum expeditis clam profectus ad loca circa visenda haud fecellit hostes, oppressissentque eum in patentibus campis, ni tumulum in propinquo cepisset. ibi quoque circumcessus adventu fratris obsidione eximitur. Castulo, urbs Hispaniae valida ac nobilis et adeo coniuncta societate Poenis, ut uxor inde Hannibali esset, ad Romanos defecit. Carthaginienses Ilturgim oppugnare adorti, quia praesidium ibi Romanum erat, videbanturque inopia maxime eum locum expugnaturi. Cn. Scipio, ut sociis praesidioque ferret opem, cum legione expedita profectus inter bina castra cum magna caede hostium urbem est ingressus et postero die eruptione aequi felici pugnavit. supra duodecim milia hominum caesa duobus proeliis; plus mille hominum captum cum sex et triginta militaribus signis. ita ab Ilturgi recessum est. Bigerra inde urbs — socii et hi Romanorum erant — a Carthaginiensibus oppugnari coepta est, eam obsidionem sine certamine adveniens Cn. Scipio solvit. XLII. Ad Mundam exinde castra Punica mota, et Romani eo confestim secuti sunt. ibi signis conlatis pugnatum per quattuor ferme horas; egregieque vincentibus Romanis signum receptui est datum, quod Cn. Scipionis femur tragula confixum erat pavorque circa eum ceperat milites, ne mortiferum esset vulnus, ceterum haud dubium fuit, quin, nisi ea mora intervenisset, castra eo die Punica capi potuerint. iam non milites solum sed elephanti etiam usque ad vallum acti erant, superque ipsum novem et triginta elephanti pilis confixi. hoc quoque proelio ad

duodecim milia hominum dicuntur caesa, prope tria capta cum signis militaribus septem et quinquaginta. ad Auringem inde urbem Poeni recessere, et, ut territis instaret, secutus Romanus. ibi iterum Scipio lecticula in aciem inflatus confixit, nec dubia victoria fuit; minus tamen dimidio hostium quam antea, quia pauciores superfuerant, qui pugnarent, occisum. sed gens nata instaurandis reparandisque bellis, Magone ad conquisitionem militum a fratre misso, brevi replevit exercitum animosque ad temptandum de integro certamen fecit; alii plerique milites, quippe pro parte totiens intra paucos dies victa, iisdem animis, quibus priores, eodemque eventu pugnavere: plus octo milia hominum caesa, haud multo minus quam mille captum et signa militaria quinquaginta octo; et spolia plurima Gallica fuere, aurei torques armillaeque, magnus numerus. duo etiam insignes reguli Gallorum — Moeniacopto et Vismaro nomina erant — eo proelio ceciderunt. octo elephanti capti, tres occisi. — Cum tam prosperae res in Hispania essent, verecundia Romanos tandem cepit, Saguntum oppidum, quae causa belli esset, octavum iam annum sub hostium potestate esse. itaque id oppidum vi pulso praesidio Punico receperunt cultoribusque antiquis, quos ex iis vis reliquerat belli, restituerunt; et Turdetanos, qui contraxerant eis cum Carthaginiensibus bellum, in potestatem redactos sub corona vendiderunt urbemque eorum delerunt.

XLIII. Haec in Hispania Q. Fabio M. Claudio consulibus gesta. Romae cum tribuni plebis novi magistratum inissent, extemplo censoribus P. Furio et M. Atilio a **M.** Metello tribuno plebis dies dicta ad populum est. quaestorem eum proximo anno adempto equo tribu moverant atque aerarium fecerant propter coniurationem deserendae Italiae ad Cannas factam. sed novem tribunorum auxilio vetiti causam in magistratu dicere dimissique fuerant. ne lustrum perficerent, mors prohibuit P. Furi. M. Atilius magistratu se abdicavit. —

5 Comitia consularia habita ab Q. Fabio Maximo con-
6 sulte. creati consules ambo absentes Q. Fabius Maximus,
7 consulis filius, et Ti. Sempronius Gracchus iterum. praetores
8 fiunt duo, qui tum aediles curules erant, P. Sem-
9 pronius Tuditanus et Cn. Fulvius Centimalus et M. Ati-
l*lius* et M. Aemilius Lepidus. ludos scenicos per quadri-
10 duum eo anno primum factos ab curulibus aedilibus
memoriae prodit. aedilis Tuditanus hic erat, qui ad
Cannas pavore aliis in tanta clade torpentibus per
medios hostes duxit.

9 Comitiis perfectis auctore Q. Fabio consule de-
signati consules Romam accersiti magistratum inierunt
senatumque de bello ac provinciis suis praetorumque
et de exercitibus, quibus quique p^{rae}cessent, consulue-
1 runt. XLIV. Itaque provinciae atque exercitus divisi:
bellum cum Hannibale consulibus mandatum et exer-
cituum unus, quem ipse Sempronius habuerat, alter,
2 quem Fabius consul. eae binae erant legiones. M. Aemi-
lius praetor, cuius peregrina sors erat, iuris dictione
M. Atilio collegae, praetori urbano, mandata, Luceriam
provinciam haberet legionesque duas, quibus Q. Fabius,
3 qui tum consul erat, praetor p^{raef}uerat. P. Sempronio
provincia Ariminum, Cn. Fulvio Suessula cum binis
item legionibus evenerunt, ut Fulvius urbanas legiones
4 duceret, Tuditanus a M. Pomponio acciperet. pro-
rogata imperia provinciaeque, M. Claudio Sicilia finibus
eis, quibus regnum Hieronis fuisse, Lentulo propraetori
provincia vetus, T. Otacilio classis — exercitus
5 nulli additi novi —, M. Valerio Graecia Macedoniaque
cum legione et classe, quam haberet; Q. Mucio cum
vetere exercitu — duae autem legiones erant — Sar-
dinia; C. Terentio legio una, cui iam p^{rae}eerat, *ac* Pice-
6 num. scribi p^{raet}erea duae urbanae legiones iussae et
viginti milia sociorum. his ducibus, his copiis adversus
multa simul aut mota aut suspecta bella muniverunt
Romanum imperium.

7 Consules duabus urbanis legionibus scriptis supple-

mentoque in alias lecto, priusquam ab urbe moverent,
prodigia procurarunt, quae nuntiata erant. murus ac ⁸
porta Caietae et Ariciae etiam Iovis aedis de caelo
tacta fuerat. et alia ludibria oculorum auriumque cre-
dita pro veris: navium longarum species in flumine
Tarracinae, quae nullae erant, visae; et in Iovis Vici-
lini templo, quod in Compsano agro est, arma con-
crepuisse, et flumen Amiterni cruentum fluxisse. his ⁹
procuratis ex decreto pontificum profecti consules, Sem-
pronius in Lucanos, in Apuliam Fabius. pater filio
legatus ad Suessulam in castra venit. cum obviam ¹⁰
filius progrederetur, lictoresque verecundia maiestatis
eius taciti anteirent, praeter undecim fasces equo p^{rae}-
vectus senex, ut consul animadvertere proximum licto-
rem iussit et is, ut descenderet ex equo, inclamavit,
tum demum desiliens "experiri" inquit "volui, fili,
satin' scires consulem te esse."

XLV. In ea castra Dasius Altinius Arpinus clam ¹
nocte cum tribus servis venit promittens, si sibi p^{rae}-
mio foret, se Arpos proditum esse. eam rem ad ²
consilium *cum* retulisset Fabius, aliis pro transfuga
verberandus necandusque videri ancipitis animi com-
munis hostis, qui post Cannensem cladem, tamquam
cum fortuna fidem stare oporteret, ad Hannibalem de-
scisset traxissetque ad defectionem Arpos; tum, quoniam ³
res Romana contra spem votaque eius velut resurgere
ab stirpibus videatur, novam referre proditionem pro-
ditis polliceatur, aliunde stet semper, aliunde sentiat,
infidus socius, vanus hostis; ad Faleriorum Pyrrhique
proditorem tertium transfugis *id* documentum esset.
contra ea consulis pater Fabius temporum oblitos ⁴
homines in medio ardore belli, tamquam in pace, libera
de quoque arbitria agere aiebat, ut, cum illud potius ⁵
agendum atque cogitandum sit, si quo modo fieri possit,
ne qui socii *a* populo Romano desciscant et novi con-
cilientur, documentum tamen dicatur statui oportere,
si quis resipiscat et antiquam societatem respiciat.

6 quod si abire ab Romanis liceat, redire ad eos non
liceat, cui dubium esse, quin brevi desperata ab sociis
7 Romana re foederibus Punicis omnia in Italia iuncta
visuri sint? se tamen non eum esse, qui Altinio fidei
8 quicquam censeat habendum, sed medium secuturum
consilii viam. neque enim pro hoste neque pro socio
in praesentia habitum libera custodia haud procul
a castris placere in aliqua fida civitate eum servari
per bellum tempus: perpetrato bello tum consultandum,
utrum prior defectio plus merita sit poenae, an hic
9 redditus veniae. Fabio adsensum est, Calenisque legatis
traditus et ipse et comites; et auri satis magnum pon-
10 dus, quod secum attulerat, ei servari iussum. Calibus
eum interdiu solutum custodes sequebantur, nocte clau-
11 sum adserabant. Arpis domi primum desiderari qua-
rique est coepus; dein fama per totam urbem volgata
tumultum ut principe amissio fecit, metuque rerum
12 novarum extemplo nuntii missi. quibus nequaquam
offensus Poenus, quia et ipsum ut ambiguae fidei virum
suspectum iam pridem habebat et causam nactus erat
13 tam ditis hominis bona possidendi vendendique; ceter-
rum, ut irae magis quam avaritiae datum crederent
homines, crudelitatem quoque ad aviditatem addidit,
14 coniugemque eius ac liberos in castra accitos, quaestione
prius habita primum de fuga Altini, dein, quantum
auri argenteique domi relicturn esset, satis cognitis omnibus
vivos combussit.

¹ XLVI. Fabius ab Suessula profectus Arpos primum
instituit oppugnare. ubi cum a quingentis fere passibus
castra posuisset, contemplatus ex propinquo situm urbis
moeniaque, quae pars tutissima moenibus erat, quia
maxime neglectam custodia vidit, ea potissimum ad-
² gredi statuit. comparatis omnibus, quae ad urbes
oppugandas usui sunt, centurionum robora ex toto
exercitu delegit tribunosque viros fortes eis praefecit
et milites sescentos, quantum satis visum est, attribuit
eosque, ubi quartae vigiliae signum cecinisset, ad eum

locum scalas iussit ferre. porta ibi humilis et angusta ³
erat infrequentia via per desertam partem urbis. eam
portam scalis prius transgressos murum aperire ex
interiore parte aut claustra refringere iubet et tenentes
partem urbis cornu signum dare, ut ceterae copiae
admoveantur: parata omnia atque instructa sese habi-
turum. ea impigre facta, et quod impedimentum agen- ⁴
tibus fore videbatur, id maxime ad fallendum adiuvit.
imber ab nocte media coortus custodes vigilantes di-
lapsos e stationibus subfugere in tecta coegit, sonitus ⁵
que primo largioris procellae strepitum molientium
portam exaudiri prohibuit, lentior deinde aequaliorque
accidens auribus magnam partem hominum sopivit.
postquam portam tenebant, cornicines in via paribus ⁶
intervallis dispositos canere iubent, ut consulem ex-
cirent, id ubi factum ex composito est, signa efferri ⁷
consul iubet ac paulo ante lucem per effractam por-
tam urbem ingreditur. XLVII. tum demum hostes ¹
excitati sunt iam et imbre conquiescente et propinqua
luce. praesidium in urbe erat Hannibal, quinque milia ²
ferme armatorum, et ipsi Arpini tria milia hominum
amarant. eos primos Poeni, ne quid ab tergo fraudis
esset, hosti opposuerunt. pugnatum primo in tenebris ³
angustisque viis est. cum Romani non vias tantum
sed tecta etiam proxima portae occupassent, ne peti
superne ac volnerari possent, cogniti inter se quidam ⁴
Arpinique et Romani atque inde conloquia copta fieri
percunctantibus Romanis, quid sibi vellent Arpini, ⁵
quam ob noxam Romanorum, aut quod meritum Poe-
norum pro alienigenis ac barbaris Italici adversus veter-
res socios Romanos bellum gererent et vectigalem ac ⁶
stipendiariam Italianam Africæ facerent; Arpinis pur-
gantibus ignaros omnium se venum a principibus datos
Poeno, captos oppressosque a paucis esse. initio orto ⁷
plures cum pluribus conloqui; postremo praetor Arpi-
nus ab suis ad consulem deductus, fideque data inter
signa aciesque Arpini repente pro Romanis adversus

8 Carthaginiensem arma verterunt. Hispani quoque, paulo minus mille homines, nihil praeterea cum consule pacti, quam ut sine fraude Punicum emitteretur praesidium, 9 ad consulem transtulerunt signa. Carthaginiensibus portae patefactae emissique cum fide incolumes ad Han- 10 nibalem Salapiam venerunt. ita Arpi sine clade ullius praeterquam unius veteris proditoris, novi perfugae, 11 restituti ad Romanos. Hispanis duplicitia cibaria dari iussa; operaque eorum forti ac fideli persaepe res publica usa est.

12 Cum consul alter in Apulia, alter in Lucanis esset, equites centum duodecim nobiles Campani per speciem praedandi ex hostium agro permisso magistratum ab Capua profecti ad castra Romana, quae super Suessulam erant, venerunt, stationi militum, qui essent, dixerunt: conloqui sese cum praetore velle. Cn. Fulvius castris praerat; cui ubi nuntiatum est, decem ex eo numero iussis inermibus deduci ad se, ubi, quae postularent, audivit — nihil autem aliud petebant, quam ut Capua recepta bona sibi restituerentur —, in fidem 14 omnes accepti. et ab altero praetore Sempronio Tuditano oppidum Atrinum expugnatum. amplius septem milia hominum capta et aeris argenteique signati aliquan- 15 tum. — Romae foedum incendium per duas noctes ac diem unum tenuit; solo aequata omnia inter Salinas ac portam Carmentalem cum Aequimaelio Iugarioque 16 vico inde et templis Fortunae ac matris Matutae. et extra portam late vagatus ignis sacra profanaque multa absumpsit.

1 XLVIII. Eodem anno P. et Cn. Cornelii, cum in Hispania res prosperae essent multosque et veteres reciperent socios et novos adicerent, in Africam quo- 2 que spem extenderunt. Syphax erat rex Numidarum, 3 subito Carthaginiensibus hostis factus: ad eum centuriones tres legatos miserunt, qui cum eo amicitiam societatemque facerent et pollicerentur, si perseveraret urguere bello Carthaginienses, gratam eam rem fore

senatui populoque Romano et adnisuros, ut in tempore et bene cumulatam gratiam referant. grata ea 4 legatio barbaro fuit; conlocutusque cum legatis de ratione belli gerundi, ut veterum militum verba audivit, quam multarum rerum ipse ignarus esset, ex comparatione tam ordinatae disciplinae animum advertit. tum 5 primum, ut pro bonis ac fidelibus sociis facerent, oravit, ut duo legationem referrent ad imperatores suos, unus apud sese magister rei militaris resisteret. rudem ad pedestria bella Numidarum gentem esse, equis tantum habilem; ita iam inde a principiis gentis maiores suos 6 bella gessisse, ita se a pueris insuetos. sed habere hostem pedestri fidentem Marte, cui si aequari robore virium velit, et sibi pedites comparandos esse. et ad 7 id multitudine hominum regnum abundare, sed armandi ornandique et instruendi eos artem ignorare. omnia, velut forte congregata turba, soluta ac temeraria esse. facturos se in praesentia, quod vellet, legati respon- 8 dent fide accepta, ut remitteret extemplo eum, si imperatores sui non comprobassent factum. Q. Statorio 9 nomen fuit, qui ad regem remansit. cum duobus Romanis rex Numidas legatos in Hispaniam misit ad accipiendo fidem ab imperatoribus Romanis. isdem 10 mandavit, ut protinus Numidas, qui intra praesidia Carthaginiensium auxiliares essent, ad transitionem perlicerent. et Statorius ex multa iuventute regi pedites 11 conscripsit ordinatosque proxime morem Romanum instruendo et decurrente signa sequi et servare ordines docuit et operi aliquisque iustis militaribus ita adsuefecit, ut brevi rex non equiti magis fideret quam pediti con- 12 latisque aequo campo signis iusto proelio Carthaginiensem hostem superaret. Romanis quoque in Hispania 13 legatorum regis adventus magno emolumento fuit; namque ad famam eorum transitiones crebrae ab Numidis cooptae fieri. ita cum Syphace Romanis coopta amicitia est.

Quod ubi Carthaginienses acceperunt, extemplo

ad Galam in parte altera Numidiae — Maesulii ea gens
 1 vocatur — regnante legatos mittunt. XLIX. filium
 Gala Masinissam habebat septemdecem annos natum,
 ceterum iuvenem ea indole, ut iam tum appareret maius
 regnum opulentiusque, quam quod accepisset, facturum.
 2 legati, quoniam Syphax se Romanis iunxisset, ut poten-
 tior societate eorum adversus reges populosque Africæ
 3 esset, docent melius fore Galae quoque Carthaginiensibus
 iungi quam primum, antequam Syphax in Hispaniam
 aut Romani in Africam transeant: opprimi Syphacem
 nihil dūm praeter nomen ex foedere Romano habentem
 4 posse. facile persuasum Galae, filio depositente id
 bellum, ut mitteret exercitum; qui Carthaginiensibus
 legionibus coniunctis magno proelio Syphacem devicit.
 triginta milia eo proelio hominum caesa dicuntur.
 5 Syphax cum paucis equitibus in Maurusios ex acie
 Numidas — extremi prope Oceanum adversus Gadis
 colunt — refugit adfluentibusque ad famam eius undi-
 6 que barbaris ingentis brevi copias armavit, cum quibus
 in Hispaniam angusto diremptam fretu traiceret. *interea*
 Masinissa cum victore exercitu advenit; isque ibi cum
 Syphace ingenti gloria per se sine ullis Carthaginien-
 sium opibus gessit bellum.
 7 In Hispania nihil memorabile gestum praeterquam
 quod Celtiberum iuventutem eadem mercede, qua pacta
 cum Carthaginiensibus erat, imperatores Romani ad se
 8 perduxerunt, et nobilissimos Hispanos supra trecentos
 in Italiam ad sollicitandos populares, *qui* inter auxilia
 Hannibalis erant, miserunt. [id modo eius anni in
 Hispania ad memoriam insigne est, quod mercennari-
 um militem in castris neminem ante quam tum Cel-
 tiberos Romani habuerunt.]

TITI LIVI AB URBE CONDITA LIBER XXV.

PERIOCHA LIBRI XXV.

P. Cornelius Scipio, postea Africanus, ante annos aedilis
 factus. Hannibal urbem Tarenton praeter arcem, in quam praesi-
 dium Romanorum fugerat, per Tarentinos iuvenes, qui se
 noctu venatum ire simulaverant, cepit. ludi Apollinares ex
 Marci carminibus, quibus Cannensis clades praedicta fuerat,
 instituti sunt. a Q. Fulvio et Ap. Claudio consulibus adversus
 Hannonem Poenorum ducem prospere pugnatum est. Tib. Sem-
 pronius Gracchus proconsul, ab hospite suo Lucano in insidias
 deductus, a Magone interfactus est. Centenius Paenula, qui
 centurio militaverat, cum petisset a senatu, ut sibi exercitus
 daretur, pollicitusque esset, si impetrasset, de Hannibale victo-
 riam, VIII acceptis militum dux factus confixit acie cum Han-
 nibale et cum exercitu caesus est. Capua obsessa est a Q. Fulvio
 et Ap. Claudio consulibus. Cn. Fulvius praetor male adversus
 Hannibalem pugnavit, in quo proelio XX hominum ceciderunt;
 ipse cum equitibus ducentis effugit. Claudius Marcellus Syra-
 cas expugnavit tertio anno et ingentem se virum gessit. in
 eo tumultu captae urbis Archimedes intentus formis, quas in
 pulvere descriperat, interfactus est. P. et Cn. Scipiones in
 Hispania tot rerum feliciter gestarum tristem exitum tulerunt,
 prope cum totis exercitibus caesi anno octavo, quam in Hispa-
 niā ierunt. amissaque eius provinciae possessio foret, nisi
 L. Marci equitis Romani virtute et industria contractis exer-
 cituum reliquias eiusdem hortatu bina castra hostium ex-
 pugnata essent. ad XXVII caesa,* ex mille octingentos, praeda
 ingens capta. dux Marcius appellatus est.

I. Dum haec in Africa atque in Hispania geruntur, 1
 Hannibal in agro Sallentino aestate consumpsit spe per

prodictionem urbis Tarentinorum potiundae. ipsorum interim Sallentinorum ignobiles urbes ad eum defece-
2 runt. eodem tempore in Brittiis ex duodecim populis,
3 qui anno priore ad Poenos desciverant, Consentini et
Tauriani in fidem populi Romani redierunt; et plures
redissent, ni T. Pomponius Veientanus, praefectus so-
cium, prosperis aliquot populationibus in agro Bruttio
iusti ducis speciem nactus tumultuario exercitu coacto
4 cum Hannone conflixisset. magna ibi vis hominum, sed
inconditae turbae agrestium servorumque, caesa aut
capta est. minimum iacturae fuit, quod praefectus inter
ceteros est captus, et tum temerariae pugnae auctor
et ante publicanus omnibus malis artibus et rei publi-
5 cae et societatibus infidus damnosusque. Sempronius
consul in Lucanis multa proelia parva, haud ullum
dignum memoratu fecit et ignobilia oppida Lucanorum
aliquot expugnavit.

6 Quo diutius trahebatur bellum et variabant secun-
dae adversaeque res non fortunam magis quam animos
hominum, tanta religio et ea magna ex parte externa
civitatem incessit, ut aut homines aut dei repente alii
7 viderentur facti. nec iam in secreto modo atque intra
parietes abolebantur Romani ritus, sed in publico etiam
ac foro Capitolioque mulierum turba erat nec sacri-
8 ficantium nec precantium deos patrio more. sacrificuli
ac vates ceperant hominum mentes; quorum numerum
auxit rustica plebs, ex incultis diutino bello infestis-
que agris egestate et metu in urbem compulsa, et
quaestus ex alieno errore facilis, quem velut concessae
9 artis usu exercebant. primo secretae bonorum indignationes
exaudiebantur; deinde ad patres etiam ac publi-
10 cam querimoniam excessit res. incusati graviter ab
senatu aediles triumvirique capitales, quod non pro-
hiberent, cum emovere eam multitudinem e foro ac
disicere adparatus sacrorum conati essent, haud procul
11 afuit, quin violarentur. ubi potentius iam esse id malum
apparuit, quam ut minores per magistratus sedaretur,

M. Aemilio praetori urbano negotium ab senatu datum
est, ut eis religionibus populum liberaret. is et in ¹²
contione senatus consultum recitavit et edixit, ut, qui-
cumque libros vaticinios precationesve aut artem sacri-
ficandi conscriptam haberet, eos libros omnis litterasque
ad se ante kal. Aprilis deferret, neu quis in publico
sacrove loco novo aut externo ritu sacrificaret. II. Ali-
1 quot publici sacerdotes mortui eo anno sunt, L. Cor-
nelius Lentulus pontifex maximus et C. Papirius C. F.
Masso pontifex et P. Furius Philus augur et C. Papi-
rius L. F. Masso decemvir sacrorum. in Lentuli locum ²
M. Cornelius Cethegus, in Papiri Cn. Servilius Caepio
Pontifices suffecti sunt, augur creatus L. Quintius Fla-
mininus, decemvir sacrorum L. Cornelius Lentulus.

Comitiorum consularium iam adpetebat tempus, ³
sed quia consules bello intentos avocare non placebat,
Ti. Sempronius consul comitiorum causa dictatorem
dixit. C. Claudium Centonem. ab eo magister equitum
est dictus Q. Fulvius Flaccus. dictator primo comitiali ⁴
die creavit consules Q. Fulvium Flaccum, magistrum
equitum, et Ap. Claudium Pulchrum, cui Sicilia pro-
vincia in praetura fuerat. tum praetores creati Cn. ⁵
Fulvius Flaccus, C. Claudius Nero, M. Iunius Silanus,
P. Cornelius Sulla. comitiis perfectis dictator magistratu
abiit. aedilis curulis fuit eo anno cum M. Cornelio ⁶
Cethego P. Cornelius Scipio, cui post Africano fuit
cognomen. huic petenti aedilitatem cum obsisterent
tribuni plebis negantes rationem eius habendam esse,
quod nondum ad petendum legitima actas esset, "si ⁷
me" inquit "omnes Quirites aedilem facere volunt,
satis annorum habeo." tanto inde favore ad suffra-
gium ferendum in tribus discursum est, ut tribuni
repente incepto destiterint. aedilicia largitio haec fuit: ⁸
ludi Romani pro temporis illius copiis magnifice facti
et diem unum instaurati, et centeni congii olei in vicis
singulos dati. L. Villius Tappulus et M. Fundanius ⁹
Fundulus aediles plebei aliquot matronas apud populum

probi accusarunt, quasdam ex eis damnatas in exiliū egerunt. ludi plebei per biduum instaurati et Iovis epulum fuit ludorum causa.

III. Q. Fulvius Flaccus tertium Appius Claudius consulatum ineunt. et praetores provincias sortiti sunt P. Cornelius Sulla urbanam et peregrinam, quae duorum ante sors fuerat, Cn. Fulvius Flaccus Apuliam, C. Claudius Nero Suessulam, M. Iunius Silanus Tuscos. consulibus bellum cum Hannibale et binae legiones decretae: alter a Q. Fabio superioris anni consule, alter a Fulvio Centumalo accepiret; praetorum Fulvi Flacci, quae Luceriae sub Aemilio praetore, Neronis Claudi, quae in Piceno sub C. Terentio fuisse, legiones essent. supplementum in eas ipsi scriberent sibi. M. Iunio in Tuscos legiones urbanae prioris anni datae. Ti. Sempronio Graccho et P. Sempronio Tuditano imperium provinciaeque Lucani et Gallia cum suis exercitibus prorogatae, item P. Lentulo qua vetus provincia in Sicilia esset, M. Marcello Syracusae et qua Hieronis regnum fuisse; T. Otacilio classis, Graecia M. Valerio, Sardinia Q. Mucio Scaevolae, Hispaniae P. et Cn. Corneliis. ad veteres exercitus duae urbanae legiones a consulibus scriptae, summaque trium et viginti legionum eo anno effecta est.

Dilectum consulum M. Postumi Pyrgensis cum magno prope motu rerum factum impedit. publicanus erat Postumius, qui multis annis parem fraude avaritiaeque neminem in civitate habuerat praeter T. Pomponium Veientanum, quem populantem temere agros in Lucanis ductu Hannonis priore anno ceperant Cartaginenses. hi, quia publicum periculum erat a vi tempestatis in iis, quae portarentur ad exercitus, et ementiti erant falsa naufragia et ea ipsa, quae vera renuntiaverant, fraude ipsorum facta erant, non casu. in veteres quassasque naves paucis et parvi pretii rebus impositis, cum mersissent eas in alto exceptis in praeparatas scaphas nautis, multiplices fuisse merces emen-

tiebantur. ea fraus indicata M. Aemilio praetori priore 12 anno fuerat ac per eum ad senatum delata nec tamen ullo senatus consulto notata, quia patres ordinem publicanorum in tali tempore offensum nolebant. populus severior vindicta fraudis erat, excitatique tandem duo tribuni plebis Spurius et L. Carvili cum rem invisam infamemque cernerent, ducentum milium aeris multam M. Postumio dixerunt. cui certandae cum dies 14 advenisset, conciliumque tam frequens plebis adesset, ut multititudinem area Capitolii vix caperet, perorata 15 causa una spes videbatur esse, si C. Servilius Casca tribunus plebis, qui propinquus cognatusque Postumio erat, priusquam ad suffragium tribus vocarentur, intercessisset. testibus datis tribuni populum summoverunt, 16 sitellaque lata est, ut sortirentur, ubi Latini suffragium ferrent. interim publicani Cascae instare, ut concilio 17 diem eximeret; populus reclamare; et forte in cornu primus sedebat Casca, cui simul metus pudorque animum versabat. cum in eo parum praesidii esset, turbanda rei causa publicani per vacuum summoto locum cuneo intruperunt iurgantes simul cum populo tribunisque. nec procul dimicatione res erat, cum Fulvius 19 consul tribunis "nonne videtis" inquit "vos in ordinem coactos esse et rem ad seditionem spectare, ni propere dimittitis plebis concilium?" IV. plebe dimissa senatus vocatur et consules referunt de concilio plebis turbato vi atque audacia publicanorum: M. Furius Camillum, cuius exilium ruina urbis secutura fuerit, damnari se ab iratis civibus passum esse; de cemviros ante eum, quorum legibus ad eam diem viventer, multos postea principes civitatis iudicium de se populi passos: Postumium Pyrgensem suffragium 4 populo Romano extorsisse, concilium plebis sustulisse, tribunos in ordinem coegisse, contra populum Romanum aciem instruxisse, locum occupasse, ut tribunos a plebe intercluderet, tribus in suffragium vocari prohiberet. nihil aliud a caede ac dimicatione continuuisse 5

homines nisi patientiam magistratum, quod cesserint
in praesentia furor atque audaciae paucorum vincique
se ac populum Romanum passi sint et comitia, quae
reus vi atque armis prohibiturus erat, ne causa quaer-
rentibus dimicationem daretur, voluntate ipsi sua sustu-
lerint. haec cum ab optimo quoque pro atrocitate rei
accepta essent, vimque eam contra rem publicam et
perniciose exemplo factam senatus decesset, confessim
Carvilii tribuni plebis omissa multae certatione rei
capitalis diem Postumio dixerunt ac, ni vades daret,
prendi a viatore atque in carcerem duci iusserunt.
Postumius vadibus datis non adfuit. tribuni plebem
rogaverunt plebesque ita scivit, si M. Postumius ante
kal. Maias non prodisset citatusque eo die non respon-
disset neque excusatus esset, videri eum in exilio esse
bonaque eius venire, ipsi aqua et igni placere inter-
dici. singulis deinde eorum, qui turbae ac tumultus
concitatores fuerant, rei capitalis diem dicere ac vades
poscere coeperunt. primo non dantis, deinde etiam
eos, qui dare possent, in carcerem coiciebant; cuius
rei periculum vitantes plerique in exilium abierunt.

V. Hunc fraudus publicanorum, deinde fraudem auda-
cia protegens exitum habuit. comitia inde pontufici
maximo creando sunt habita. ea comitia novus pon-
tifex M. Cornelius Cethegus habuit. tres ingenti certa-
miae petierunt, Q. Fulvius Flaccus consul, qui et ante
bis consul et censor fuerat, et T. Manlius Torquatus,
et ipse duobus consulatibus et censura insignis, et P.
Licinius Crassus, qui aedilitatem curulem petiturus
erat. hic senes honoratosque iuvenis in eo certamine
vicit. ante hunc infra centum annos et viginti nemo
praeter P. Cornelium Calussam pontifex maximus crea-
tus fuerat, qui sella curuli non sedisset.

Consules dilectum cum aegre conficerent, quod
inopia iuniorum non facile in utrumque, ut et novae
urbanae legiones et supplementum veteribus scribere-
tur, sufficiebat, senatus absistere eos incepto vetuit et

triumviros binos creari iussit, alteros qui citra, alteros
qui ultra quinquagensem lapidem in pagis forisque
et conciliabulis omnem copiam ingenuorum inspicerent
et, si qui roboris satis ad ferenda arma habere vide-
rentur, etiamsi nondum militari aetate essent, milites
facerent. tribuni plebis, si iis videretur, ad populum ferrent,
ut, qui minores septemdecem annis sacramento
dixissent, iis perinde stipendia procederent, ac si septem-
decem annorum aut maiores milites facti essent. ex
hoc senatus consulto creati triumviri bini conquisitio-
nenem ingenuorum per agros habuerunt.

Eodem tempore ex Sicilia litterae Marci Marcelli
de postulatis militum, qui cum P. Lentulo militabant,
in senatu recitatae sunt. Cannensis reliquiae cladis hic
exercitus erat, relegatus in Siciliam, sicut ante dictum
est, ne ante Punici belli finem in Italiam reportaren-
tur. VI. hi permissu Lentuli primores equitum cen-
turionumque et robora ex legionibus peditum legatos
in hiberna ad M. Marcellum miserunt, e quibus unus
potestate dicendi facta: "consulem te, M. Marcella, in Italia
adissemus, cum primum de nobis etsi non ini-
quum, certe triste senatus consultum factum est, nisi
hoc sperassemus, in provinciam nos morte regum tur-
batam ad grave bellum adversus Siculos simul Poe-
nosque mitti et sanguine nostro vulneribusque nostris
senatui satisfacturos esse, sicut patrum memoria, qui
capti a Pyrrho ad Heracleam erant, adversus Pyrrhum
ipsum pugnantes satisfecerunt. quamquam quod ob
meritum nostrum suscensuistis, patres conscripti, nobis,
aut suscensetis? ambo mihi consules et universum se-
natum intueri video, cum te, M. Marcella, intueor,
quem si ad Cannas consulem habuissemus, melior et
rei publicae et nostra fortuna esset. sine, quaeso, prius
quam de condicione nostra queror, noxam, cuius argui-
mur, nos purgare. si non deum ira nec fato, cuius lege
immobilis rerum humanarum ordo seritur, sed culpa
periimus ad Cannas, cuius tandem ea culpa fuit? mili-

7 tum an imperatorum? equidem miles nihil umquam dicam de imperatore meo, cui praesertim gratias sciam ab senatu actas, quod non desperaverit de re publica, cui post fugam a Cannis per omnes annos prorogatum 8 imperium. ceteros item ex reliquis clades eius, quos tribunos militum habuimus, honores petere et gerere 9 et provincias obtainere audivimus. an vobis vestrisque liberis ignoscitis facile, patres conscripti, in haec vilia capita saevire *libet?* et consuli primoribusque aliis civitatis fugere, cum spes alia nulla esset, turpe non 10 fuit; milites utique morituros in aciem misistis? ad Alliam prope omnis exercitus fugit; ad Furculas Caudinas ne expertus quidem certamen arma tradidit hosti, 11 ut alias pudendas clades exercituum taceam: tamen tantum afuit ab eo, ut ulla ignominia iis exercitibus quaereretur, ut et urbs Roma per eum exercitum, qui 12 ab Allia Veios transfugerat, reciperaretur, et Caudinae legiones, quae sine armis redierant Romam, armatae remissae in Samnum eundem illum hostem sub iugum 13 miserint, qui hac sua ignominia laetus fuerat. Cannensem vero quisquam exercitum fugae aut pavoris insimulare potest, ubi plus quinquaginta milia hominum ceciderunt, unde consul cum equitibus septuaginta fugit, unde nemo superest, nisi quem hostis 14 caedendo fessus reliquit? cum captiis redemptio negabatur, nos vulgo homines laudabant, quod rei publicae nos reservassemus, quod ad consulem Venusiam rediissemus, et speciem iusti exercitus fecissemus; nunc deteriore condicione sumus, quam apud patres nostros fuerant captivi. quippe illis arma tantum atque ordo militandi locusque, in quo tenderent in castris, est mutatus, quae tamen semel navata rei publicae opera 16 et uno felici proelio recuperarunt: nemo eorum relegatus in exilium est, nemini spes emerendi stipendia adempta, hostis denique est datus, cum quo dimicantes 17 aut vitam semel aut ignominiam finirent; — nos, quibus, nisi quod commisimus, ut quisquam ex Cannensi

acie miles Romanus superasset, nihil obici potest, non solum a patria procul Italiaque sed ab hoste etiam relegati sumus, ubi senescamus in exilio, ne qua spes,¹⁸ ne qua occasio abolenda ignominiae, ne qua placandae civium irae, ne qua denique bene moriendi sit. neque ignominiae finem nec virtutis praemium petimus; modo experiri animum et virtutem exercere liceat. laborem et periculum petimus, ut virorum, ut militum officio fungamur. bellum in Sicilia iam alterum²⁰ annum ingenti dimicazione geritur; urbes alias Poenus, alias Romanus expugnat; peditum equitum acies concurrunt; ad Syracusas terra marique geritur res; clamorem pugnantium crepitumque armorum exaudimus resides ipsi ac segnes, tamquam nec manus nec arma habeamus. servorum legionibus Ti. Sempronius consul totiens iam cum hoste signis conlatis pugnavit; operae pretium habent libertatem civitatemque: — pro servis²² saltem ad hoc bellum emptis vobis simus, congredi cum hoste liceat et pugnando quaerere libertatem. vis tu mari, vis terra, vis acie, vis urbibus oppugnandis experiri virtutem? asperrima quaeque ad laborem periculumque depositimus, ut, quod ad Cannas faciendum fuit, quam primum fiat, quoniam, quidquid postea viximus, id omne destinatum ignominiae est.” VII. sub¹ haec dicta ad genua Marcelli procubuerunt. Marcellus id nec iuris *nec* potestatis suae esse dixit: senatus scripturum se omniaque de sententia patrum facturum esse. eae litterae ad novos consules allatae ac per eos² in senatu recitatae sunt, consultusque de iis litteris ita decrevit senatus, militibus, qui ad Cannas commilitones suos pugnantis deseruissent, senatum nihil videre cur res publica committenda esset. si M. Claudio⁴ proconsuli aliter videretur, faceret quod e re publica fideque sua duceret, dum ne quis eorum munere vacaret neu dono militari virtutis ergo donaretur neu in Italiam reportaretur, donec hostis in terra Italia esset.⁵

Comitia deinde a praetore urbano de senatus sen-

tentia plebique scitu sunt habita, quibus creati sunt
 quinqueviri muris et turribus reficiendis, et triumviri
 bini, uni sacris conquirendis donisque persignandis,
 6 alteri reficiendis aedibus Fortunae et matris *Matutiae*
 intra portam Carmentalem et Spei extra portam, quae
 7 priore anno incendio consumptae fuerant. — Tempe-
 states foedae fuere: in Albano monte biduum conti-
 nenter lapidibus pluvit. tacta de caelo multa, duae in
 8 Capitolio aedes, vallum in castris multis locis supra
 Suessulam, et duo vigiles examinati; murus turreisque
 quaedam Cumis non ietiae modo fulminibus sed etiam
 decussae. Reate saxum ingens visum volitare, sol ru-
 9 bere solito magis sanguineoque similis. horum pro-
 digiorum causa diem unum supplicatio fuit; et per
 aliquot dies consules rebus divinis operam dederunt;
 et per eosdem dies sacrum novemdiale fuit.

10 Cum Tarentinorum defectio iam diu et in spe Han-
 nibali et in suspicione Romanis esset, causa forte ex-
 11 trinsecus maturandae eius intervenit. Phileas Taren-
 tinus diu iam per speciem legationis Romae cum esset,
 vir inquieti animi et minime otium, quo tum diutino
 senescere videbatur, patientis, aditum sibi ad obsides
 12 Tarentinos et Thurinos invenit. custodiebantur in atrio
 Libertatis minore cura, quia nec ipsis nec civitatibus
 13 eorum fallere Romanos expediebat. hos crebris con-
 loquiis sollicitatos corruptis aedituis duobus cum primis
 tenebris custodia eduxisset, ipse comes occulti itineris
 factus profugit. luce prima volgata per urbem fuga
 est, missique qui sequerentur ab Tarracina comprensos
 omnis retraxerunt. deducti in comitium virgisque ad-
 1 probante populo caesi de saxo deiciuntur. VIII. huius
 atrocitas poenae duarum nobilissimarum in Italia
 Graecarum civitatum animos irritavit cum publice
 2 tum etiam singulos privatim, ut quisque tam foede
 interemptos aut propinquitate aut amicitia contingebat.
 3 ex iis tredecim fere nobiles iuvenes Tarentini coniura-
 verunt, quorum principes Nico et Philemenus erant.

hi priusquam aliquid moverent, conloquendum cum 4
 Hannibale rati, nocte per speciem venandi urbe egressi
 ad eum profiscuntur. et cum haud procul castris ab-
 5 essent, ceteri silva prope viam sese occuluerunt, Nico
 et Philemenus progressi ad stationes comprehensique,
 ultro id petentes, ad Hannibalem deducti sunt. qui 6
 cum et causas consilii sui et, quid pararent, exposui-
 sent, conlaudati oneratique promissis iubentur, ut fidem
 popularibus facerent praedandi causa se urbe egressos,
 pecora Carthaginiensium, quae pastum propulsa essent,
 ad urbem agere: tuto ac sine certamine id facturos 7
 promissum est. conspecta ea praeda iuvenum est, minus-
 que iterum ac saepius id eos audere miraculo fuit.
 congressi cum Hannibale rursus fide sanxerunt liberos 8
 Tarentinos leges suas suaque omnia habituros neque
 ullum vectigal Poeno pensuros praesidiumve invitatos
 recepturos; prodito praesidio *hospitia Romana praedam*
 Carthaginiensium fore. haec ubi convenerunt, tunc vero 9
 Philemenus consuetudinem nocte egrediundi redeundi-
 que in urbem frequentiorem facere. et erat venandi
 studio insignis, canesque et alijs apparatus sequeba-
 tur; captumque ferme aliquid aut ab hoste ex pree- 10
 parato adlatum reportans donabat aut praefecto aut
 custodibus portarum. nocte maxime commeare propter
 metum hostium credebant. ubi iam eo consuetudinis 11
 adducta res est, ut, quocumque noctis tempore sibilo
 dedisset signum, porta aperiretur, tempus agendae rei
 Hannibali visum est. tridui viam aberat; ubi, quo 12
 minus mirum esset uno eodemque loco stativa eum
 tam diu habere, aegrum simulabat. Romanis quoque, 13
 qui in praesidio Tarenti erant, suspecta esse iam segnis
 mora eius desierat. IX. ceterum postquam Tarentum 1
 ire constituit, decem milibus peditum atque equitum,
 quos in expeditionem velocitate corporum ac levitate
 armorum aptissimos esse ratus est, electis quarta vigilia
 noctis signa movit praemissisque octoginta fere Nu-
 midis equitibus praecepit, ut discurrerent circa vias 2

perlustrarentque omnia oculis, ne quis agrestium procul
 3 spectator agminis falleret; praegressos retraherent, ob-
 vios occiderent, ut praedonum magis quam exercitus
 accolis species esset. ipse raptim agmine acto quin-
 decim ferme milium spatio castra ab Tarento posuit
 4 et ne ibi quidem denuntiato, quo pergerent, tantum
 convocatos milites monuit, via omnes irent nec deverti
 quemquam aut excedere ordinem agminis paterentur
 et in primis intenti ad imperia accipienda essent neu
 quid nisi ducum iussu facerent; se in tempore editu-
 rum, quae vellet agi. eadem ferme hora Tarentum
 fama praevenerat Numidas equites paucos populari
 6 agros terroremque late agrestibus inieccisse. ad quem
 nuntium nihil ultra motus praefectus Romanus, quam
 ut partem equitum postero die luce prima iuberet exire
 7 ad arcendum populationibus hostem; in cetera adeo
 nihil ab eo intenta cura est, ut contra pro argumento
 fuerit illa procursatio Numidarum Hannibalem exer-
 8 citumque e castris non movisse. Hannibal concubia
 nocte movit. dux Philemenus erat cum solito captae
 venationis onere; ceteri proditores ea, quae composita
 9 erant, expectabant. convenerat autem, ut Philemenus
 portula adsueta venationem inferens armatos induceret,
 10 parte alia portam Temenitida adiret Hannibal. ea
 mediterranea regio est orientem spectans, busta ali-
 quantum intra moenia includunt. cum portae adpro-
 pinquaret, editus ex composito ignis ab Hannibale est
 refusitque idem redditum ab Nicone signum; extinctae
 11 deinde utrimque flammæ sunt. Hannibal silentio duce-
 bat ad portam. Nico ex improviso adortus sopitos vigiles
 12 in cubilibus suis obtruncat portamque aperit. Hannibal
 cum peditum agmine ingreditur, equites subsistere iubet,
 ut, quo res postulet, occurrere libero campo possint.
 13 et Philemenus portulae parte alia, qua commeare ad-
 suerat, adpropinquabat. nota vox eius et familiare iam
 signum cum excitasset vigilem, dicente vix sustineri
 14 grandis bestiae onus, portula aperitur. inferentes aprum

duos iuvenes secutus ipse cum expedito venatore vi-
 gilem incautius miraculo magnitudinis in eos, qui fere-
 bant, versum venabulo traicit. ingressi deinde triginta 15
 fere armati ceteros vigiles obtruncant refringuntque
 portam proximam, et agmen sub signis confestim in-
 rupit. inde cum silentio in forum ducti Hannibali sese
 coniunixerunt. tum duo milia Gallorum Poenus in tres 16
 divisa partis per urbem dimittit Tarentinosque duces
singulis partibus addit binos. itinera quam maxume
 frequentia occupari iubet, tumultu orto Romanos passim 17
 caedi, oppidanis parci. sed ut fieri id posset, praecipit
 iuvenibus Tarentinis, ut, ubi quem suorum procul vi-
 dissent, quiescere ac silere ac bono animo esse iube-
 rent. X. iam tumultus erat clamorque, qualis esse in 1
 capta urbe solet; sed, quid rei esset, nemo satis pro
 certo scire. Tarentini Romanos ad diripiendam urbem 2
 credere coortos; Romanis seditio aliqua cum fraude
 videri ab oppidanis mota. praefectus primo excitatus 3
 tumultu in portum effugit; inde acceptus scapha in
 arcem circumvehitur. errorem et tuba audita ex theatro 4
 faciebat, nam et Romana erat, a proditoribus ad hoc
 ipsum praeparata, et inscienter a Graeco inflata, quis
 aut quibus signum daret, incertum efficiebat. ubi in- 5
 luxit, et Romanis Punica et Gallica arma cognita [tum]
 dubitationem exemerunt et Graeci Romanos passim
 caede stratos cernentes ab Hannibale captam urbem
 senserunt. postquam lux certior erat et Romani, qui 6
 caedibus superfuerant, in arcem confugerant conticis-
 batque paulatim tumultus, tum Hannibal Tarentinos
 sine armis convocare iubet. convenere omnes, pree- 7
 terquam qui cedentis in arcem Romanos ad omnem
 adeundam simul fortunam persecuti fuerant. ibi Han- 8
 nibal benigne adlocutus Tarentinos testatusque, quae
 praestitisset civibus eorum, quos ad Trasumennum aut
 ad Cannas cepisset, simul in dominationem superbam 9
 Romanorum inventus, recipere se in domos suas quem-
 que iussit et foribus nomen suum inscribere: se domos

eas, quae inscriptae non essent, signo extemplo dato diripi iussurum. si quis in hospitio civis Romani — vacuas autem tenebant domos — nomen inscripsisset, 10 eum se pro hoste habiturum. contione dimissa cum titulis notatae fores discrimen pacatae ab hostili domo fecissent, signo dato ad diripienda hospitia Romana passim discursum est. et fuit praedae aliquantum.

¹ XI. Postero die ad oppugnandam arcem ducit; quam cum et a mari, quo in paeneinsulae modum pars maior circumluitur, praealtis rupibus et ab ipsa urbe muro et fossa ingenti saeptam videret eoque nec vi ² nec operibus expugnabilem esse, ne aut se ipsum cura tuendi Tarentinos a maioribus rebus moraretur, aut in relictos sine valido praesidio Tarentinos impetum ex arce, cum vellent, Romani facerent, vallo urbem ab arce intersaepire statuit non sine illa etiam spe, ³ cum prohibentibus opus Romanis manum posse conscri et, si ferocius procucurrisserent, magna caede ita attenuari praesidii vires, ut facile per se ipsi Tarentini urbem ab iis tueri possent. ubi coeptum opus est, patefacta repente porta impetum in munitis fecerunt Romani pellique se statio passa est, quae pro opere erat, ut successu cresceret audacia pluresque et longius ⁵ pulsos persequerentur. tum signo dato coorti undique Poeni sunt, quos instructos ad hoc Hannibal tenuerat. nec sustinuere impetum Romani, sed ab effusa fuga loci angustiae eos impeditaque alia opere iam coepto, ⁶ alia apparatu operis morabantur. plurimi in fossam praecipitavere, occisque sunt plures in fuga quam in ⁷ pugna. inde opus nullo prohibente fieri coeptum: fossa ingens ducta, et vallum intra eam erigitur; modicoque post intervallo murum etiam eadem regione addere parat, ut vel sine praesidio tueri se adversus Romanos possent. reliquit tamen modicum praesidium, simul ⁸ ut in perficiendo muro adiuvaret. ipse prefectus cum ceteris copiis ad Galaesum flumen — quinque milia ⁹ ab urbe abest — posuit castra. ex his stativis regressus

ad inspiciendum, quod opus aliquantum opinione eius celerius creverat, spem cepit etiam arcem expugnari posse. et est non altitudine, ut cetera, tuta, sed loco plano posita et ab urbe muro tantum ac fossa divisa. ¹⁰ cum iam machinationum omni genere et operibus oppugnaretur, missum a Metaponto praesidium Romanis fecit animum, ut nocte ex improviso opera hostium invaderent. alia disiecerunt, alia igni corruperunt. isque finis Hannibali fuit ea parte arcem oppugnandi. reliqua erat in obsidione spes, nec ea satis efficax, ¹¹ quia arcem tenentes, quae in paeneinsula posita imminet faucibus portus, mare liberum habebant, urbs contra exclusa maritimis commeatibus propiusque inopiam erant obsidentes quam obsessi. Hannibal ¹² vocatis principibus Tarentinis omnes praesentis difficultates exposuit: neque arcis tam munitae expugnandae cernere viam neque in obsidione quicquam habere spei, donec mari hostes potiantur. quod si naves sint, quibus ¹³ commeatus invehi prohibeat, extemplo aut arce ccessuros aut dedituros se hostis. adsentiebantur Tarentini; ¹⁴ ceterum ei, qui consilium adferret, opem quoque in eam rem adferendam censebant esse. Punicas enim ¹⁵ naves ex Sicilia accitas id posse facere; suas, quae sinu exiguo intus inclusae essent, cum claustra portus hostis haberet, quem ad modum inde in apertum mare evasuras? "evadent" inquit Hannibal; "multa, quae ¹⁶ impedita natura sunt, consilio expediuntur. urbem in campo sitam habetis. planae et satis latae viae patent in omnis partis. via, quae e portu per mediam urbem ¹⁷ ad mare transmissa est, plaustris transveham naves haud magna mole. et mare nostrum erit, quo nunc hostes potiuntur; et illinc mari, hinc terra circumsedebimus arcem, immo brevi aut relictam ab hostibus aut cum ipsis hostibus capiemus." haec oratio non spem ¹⁸ modo effectus sed ingentem etiam ducis admirationem fecit. contracta extemplo undique plaustra iunctaque inter se, et machinae ad subducendas naves admotae,

munitumque iter, quo faciliora plastra minorque moles
 19 in transitu esset. iumenta inde et homines contracti,
 et opus in pigrum coeptum; paucosque post dies classis
 instructa ac parata circumvehitur arem et ante os
 20 ipsum portus ancoras iacit. hunc statum rerum Hannibal Tarenti relinquit regressus ipse in hiberna. ceterum defectio Tarentinorum utrum priore anno an hoc facta sit, in diversum auctores trahunt. plures propioresque aetate memoriae rerum hoc anno factam tradunt.

1 XII. Romae consules praetoresque usque *ad* ante
 2 diem quintum kal. Maias Latinae tenuerunt. eo die
 perpetrato sacro in monte in suas quisque provincias
 proficiscuntur. religio deinde nova obiecta est ex car-
 3 minibus Marciensis. vates hic Marcius inlustris fuerat,
 et cum conquisitio priore anno ex senatus consulto
 talium librorum fieret, in M. Aemili praetoris urbani,
 4 qui eam rem agebat, manus venerant. is protinus novo
 praetori Sullae tradiderat. ex huius Marci duobus
 carminibus alterius post rem factam editi comprobata
 auctoritas eventu alteri quoque, cuius nondum tempus
 5 venerat, adferebat fidem. priore carmine Cannensis
 praedicta clades in haec fere verba erat: "annem,
 Troiugena, fuge Cannam, ne te alienigenae cogant in
 6 campo Diomedis conserere manus. sed neque credes
 tu mihi, donec complearis sanguine campum, multaque
 milia occisa tua deferet annis in pontum magnum ex
 terra frugifera; piscibus atque avibus ferisque, quae
 incolunt terras, is fuat esca caro tua. nam mihi ita
 7 Iuppiter fatus est." et Diomedis Argivi campos et
 Cannam flumen ii, qui militaverant in iis locis, iuxta
 8 atque ipsam cladem agnoscebant. tum alterum carmen
 recitatum, non eo tantum obscurius, quia incertiora
 futura praeteritis sunt, sed perplexius etiam scripturae
 9 genere. "hostis, Romani, si expellere vultis, vomica
 quae gentium venit longe, Apollini vovendos censeo
 ludos, qui quotannis comiter Apollini fiant, cum populus

dederit ex publico partem, *partem* privati uti conferant
 pro se atque suis. iis ludis faciendis praeverit praetor 10
 is, qui ius populo plebeique dabit summum. decem-
 viri Graeco ritu hostiis sacra faciant. hoc si recte
 facietis, gaudebitis semper fietque res vestra melior;
 nam is divus extinguet perduellis vestros, qui vestros
 campos pascit placide." ad id carmen explanandum 11
 diem unum sumpserunt. postero die senatus consultum
 factum est, ut decemviri de ludis Apollini reque divina
 facienda inspicerent. ea cum inspecta relataque ad sena-
 tum essent, censuerunt patres Apollini ludos vovendos
 faciendosque et, quando ludi facti essent, duodecim
 milia aeris praetori ad rem divinam et duas hostias
 maiores dandas. alterum senatus consultum factum est, 13
 ut decemviri sacrum Graeco ritu facerent hisque hostiis,
 Apollini bove aurato et capris duabus albis auratis,
 Latonae bove femina aurata. ludos praetor in circa 14
 maximo cum facturus esset, edixit, ut populus per eos
 ludos stipem Apollini, quantam commodum esset, con-
 ferret. haec est origo ludorum Apollinarium victoriae, 15
 non valetudinis ergo, ut plerique rentur, votorum
 factorumque. populus coronatus spectavit, matronae
 supplicavere; vulgo apertis ianuis in propatulis epulati
 sunt, celebreque dies omni caerimoniarum genere fuit.

✓ XIII. Cum Hannibal circa Tarentum, consules ambo 1
 in Samnio essent, sed circumcessuri Capuam videren-
 tur, quod malum diurnae obsidionis esse solet, iam
 famem Campani sentiebant, quia sementem facere pro-
 hibuerant eos Romani exercitus. itaque legatos ad Han- 2
 nibalem miserunt orantes, ut, priusquam consules in
 agros suos educerent legiones, viaeque omnes hostium
 praesidiis insiderentur, frumentum ex propinquis locis
 convehi iuberet Capuam. Hannibal Hannonem ex Brut- 3
 tiis cum exercitu in Campaniam transire et dare ope-
 ram, ut frumenti copia fieret Campanis, iussit. Hanno 4
 ex Bruttiis profectus cum exercitu vitabundus castra
 hostium consulesque, qui in Samnio erant, cum Bene-

vento iam adpropinquaret, tria milia passuum ab ipsa
 5 urbe loco edito castra posuit; inde ex sociis circa
 populis, quo aestate comportatum erat, devehit frumentum
 6 in castra iussit praesidiis datis, quae com-
 meatus eos prosequerentur. Capuam inde nuntium misit,
 qua die in castris ad accipendum frumentum praesto
 essent omni undique genere vehiculorum iumentorum-
 7 que ex agris contracto. id pro cetera socordia negle-
 gentiaque a Campanis actum: paulo plus quadringenta
 vehicula missa et pauca praeterea iumenta. ob id
 castigatis ab Hannone, quod ne fames quidem, quae
 mutas accenderet bestias, curam eorum stimulare posset,
 alia prodicta dies ad frumentum maiore apparatu peten-
 8 dum. ea omnia, sicut acta erant, cum enuntiata Bene-
 ventanis essent, legatos decem extemplo ad consules —
 circa Bovianum castra Romanorum erant — miserunt.
 9 qui cum auditis, quae ad Capuam agerentur, inter se
 comparassent, ut alter in Campaniam exercitum duce-
 ret, Fulvius, cui ea provincia obvenerat, profectus
 10 nocte Beneventi moenia est ingressus. ex propinquo
 cognoscit Hannonem cum exercitus parte proiectum
 frumentatum; per quaestorem Campanis datum fru-
 mentum; duo milia plaustrorum, inconditam inermem-
 que aliam turbam advenisse; per tumultum ac trepi-
 dationem omnia agi, castrorumque formam et militarem
 11 ordinem inmixtis agrestibus et servis sublatum. his
 satis compertis consul militibus edicit, signa tantum
 armaque in proximam noctem expedirent: castra Pu-
 12 nica oppugnanda esse. quarta vigilia profecti sarcinis
 omnibus impedimentisque Beneventi relictis paulo ante
 lucem cum ad castra pervenissent, tantum pavoris in-
 iecerunt, ut, si in plano castra posita essent, haud
 13 dubie primo impetu capi potuerint. altitudo loci et
 munimenta defenderunt, quae nulla ex parte adiri nisi
 14 arduo ac difficiili ascensu poterant. luce prima proelium
 ingens accensum est. nec vallum modo tutantur Poeni,
 sed, ut quibus locus aequior esset, deturbant nitentis

per ardua hostes. XIV. vineit tamen omnia pertinax 1
 virtus, et aliquot simul partibus ad vallum ac fossas
 percurrentem est, sed cum multis vulneribus ac militum
 pernicie. itaque convocatis *legatis* tribunisque militum 2
 consul absistendum temerario incepto ait: tutius sibi
 videri reduci eo die exercitum Beneventum, dein postero
 castra castris hostium iungi, ne exire inde Campani
 neve Hanno regredi posset; id quo facilius obtineatur, 3
 collegam quoque et exercitum eius se accitum totum-
 que eo versuros bellum. haec consilia ducis, cum iam
 receptui caneret, clamor militum aspernantum tam
 segne imperium disiecit. proxima ea parte hostibus 4
 erat cohors Paeligna, cuius praefectus Vibius Accaus
 arreptum vexillum trans vallum hostium traiecit. exe- 5
 cratus inde seque et cohortem, si eius vexilli hostes
 potiti essent, princeps ipse per fossam vallumque in
 castra inrupit. iamque intra vallum Paeligni pugnabant, 6
 cum altera parte Valerio Flacco tribuno militum tertiae
 legionis exprobrante Romanis ignaviam, qui sociis cap-
 torum *castrorum* concederent decus, T. Pedanius prin- 7
 ceps primus centurio, cum signifero signum ademisset,
 "iam hoc signum et hic centurio" inquit "intra vallum
 hostium erit: sequantur qui capi signum ab hoste
 prohibituri sunt." manipulares sui primum transcen-
 dentem fossam, dein legio tota secuta est. iam et 8
 consul, ad conspectum transgradientium vallum mutato
 consilio, ab *resistendo* revocandoque ad incitandos hor-
 tandoque versus milites, ostendere, in quanto discri-
 mine ac periculo fortissima cohors sociorum et civium
 legio esset. itaque pro se quisque omnes per aequa 9
 atque iniqua loca, cum undique tela conicerentur, arma-
 que et corpora hostes obicerent, pervadunt inrumpun-
 que. multi vulnerati, etiam quos vires et sanguis de-
 sereret, ut intra vallum hostium caderent, nitebantur.
 capta itaque momento temporis velut in plano sita 10
 nec permunita castra. caedes inde, non iam pugna erat
 omnibus intra vallum permixtis. supra decem milia 11

hostium occisa, supra septem milia capitum cum frumentatoribus Campanis omnique plaustrorum et iumentorum apparatu capta. et alia ingens praeda fuit, quam Hanno, populabundus passim cum isset, ex sociorum 12 populi Romani agris traxerat. inde deletis hostium castris Beneventum redditum, praedamque ibi ambo consules — nam et Ap. Claudius eo post paucos dies 13 venit — vendiderunt diviseruntque. et donati quorum opera castra hostium capta erant, ante alios Accaus Paetius et T. Pedanius, princeps tertiae legionis. 14 Hanno ab Cominio Ocrito, quo nuntiata castrorum clades est, cum paucis frumentatoribus, quos forte secum habuerat, fugae magis quam itineris modo in Bruttios rediit. XV. et Campani audita sua pariter sociorumque clade legatos ad Hannibalem miserunt, qui nuntiarent duos consules ad Beneventum esse, diei iter a Capua, tantum non ad portas et muros bellum esse; ni propere subveniat, celerius Capuam quam Arpos in 2 potestatem hostium venturam. ne Tarentum quidem, non modo arcem, tanti debere esse, ut Capuam, quam Carthagini aequare sit solitus, desertam indefensamque 3 populo Romano tradat. Hannibal curae sibi fore rem Campanam pollicitus in praesentia duo milia equitum cum legatis mittit, quo praesidio agros populationibus possent prohibere.

4 Romanis interim, sicut aliarum rerum, arcis Tarrentinae praesidiique, quod ibi obsideretur, cura est. C. Servilius legatus, ex auctoritate patrum a P. Cornelio praetore in Etruriam ad frumentum coendum missus, cum aliquot navibus onustis in portum Tarentinum inter hostium custodias pervenit. cuius adventu, qui ante in exigua spe vocati saepe ad transitionem ab hostibus per conloquia erant, ultro ad transeundum hostis vocabant sollicitabantque. et erat satis validum praesidium traductis ad arcem Tarenti tuendam a Metaponto militibus. itaque Metapontini extemplo metu, quo 7 tenebantur, liberati ad Hannibalem defecere. Hoc idem

eadem ora maris et Thurini fecerunt. movit eos non Tarentinorum magis defectio Metapontinorumque, quibus indidem ex Achaia oriundi etiam cognatione iuncti erant, quam ira in Romanos propter obsides nuper imperfectos. eorum amici cognatique litteras ac nuntios 8 ad Hannonem Magonemque, qui in propinquuo in Bruttiis erant, miserunt, si exercitum ad moenia admovissent, se in potestatem eorum urbem tradituros esse. M. Atinius Thuris cum modico praesidio praerat, 9 quem facile elici ad certamen temere ineundum rebanter posse non militum, quos perpaucos habebat, fiducia, quam iuuentutis Thurinae; eam ex industria centuraverat armaveratque ad talis casus. divisis copiis inter 10 se duces Poeni cum agrum Thrinum ingressi essent, Hanno cum peditum agmine infestis signis ire ad urbem pergit, Mago cum equitatu tectus collibus apte ad tegendas insidias oppositis subsistit. Atinius peditum 11 tantum agmine per exploratores comperto in aciem copias educit et fraudis intestinae et hostium insidiarum ignarus. pedestre proelium fuit persegne paucis 12 in prima acie pugnantibus Romanis, Thrinis expectantibus magis quam adiuvantibus eventum; et Carthaginiensium acies de industria pedem referebat, ut ad terga collis ab equite suo insessi hostem incautum pertraheret. quo ubi est ventum, coorti cum clamore 13 equites prope inconditam Thrinorum turbam nec satis fido animo, unde pugnabat, stantem extemplo in fugam averterunt. Romani, quamquam circumventos hinc 14 pedes, hinc eques urgebat, tamen aliquamdiu pugnam traxere. postremo et ipsi terga vertunt atque ad urbem fugiunt. ibi proditores congregati cum popularium 15 agmen patentibus portis accepissent, ubi Romanos fusos ad urbem ferri viderunt, conclamat instare Poenum, permixtosque et hostis urbem invasuros, ni propere portas claudant. ita exclusos Romanos praebuere hosti ad caedem, Atinius tamen cum paucis receptus. seditio 16 inde paulisper tenuit cum *alii manendum in Romanae*

societatis fide, alii cedendum fortunae et tradendam urbem victoribus censerent. ceterum, ut plerumque, fortuna et consilia mala vicerunt: Atinio cum suis ad mare ac naves deducto, magis quia ipsi ob imperium in se mite ac iustum consultum volebant, quam respectu Romanorum, Carthaginienses in urbem accipiunt.

18 Consules a Benevento in Campanum agrum legiones ducunt non ad frumenta modo, quae iam in herbis erant, corrumpenda, sed ad Capuam oppugnandam, nobilem se consulatum tam opulentiae urbis excidio rati facturos, simul et ingens flagitium imperio dempturos, quod urbi tam propinquae tertium annum inpunita defectio esset. ceterum ne Beneventum sine praesidio esset, et ut ad subita belli, si Hannibal, quod facturum haud dubitabant, ad opem ferendam sociis Capuam venisset, equitis vim sustinere possent, Ti. Gracchum ex Lucanis cum equitatu ac levi armatura Beneventum venire iubent: legionibus stativisque ad obtainendas res in Lucanis aliquem praeficeret.

XVI. Graccho, priusquam ex Lucanis moveret, sacrificanti triste prodigium factum est: ad exta sacrificio perpetrato angues duo ex occulo adlapsi adedere iocur conspectique repente ex oculis abierunt. ob id cum haruspicum monitu sacrificium instauraretur atque intentius exta reservarentur, iterum ac tertium tradunt *adlapsos* libatoque iocinere intactos angues abisse. cum haruspices ad imperatorem id pertinere prodigium praemonuissent et ab occultis cavendum hominibus consultisque, nulla tamen providentia fatum imminens moveri potuit. Flavus Lucanus fuit caput partis eius Lucanorum — cum pars ad Hannibalem defecisset —, quae cum Romanis stabat, et iam *altero* anno in magistratu erat, ab iisdem illis creatus praetor. is mutata repente voluntate locum gratiae apud Poenum quaerens neque transire ipse neque trahere ad defectionem Lucanos satis habuit, nisi imperatoris et eiusdem hospitis proditi capite ac sancte foedus cum hostibus sanxisset. ad Magonem,

qui in Bruttis praeverat, clam in colloquium venit fide que ab eo accepta, si Romanum iis imperatorem tradidisset, liberos cum suis legibus venturos in amicitiam Lucanos, deducit Poenum in locum *natum tegendis insidiis*, quo cum paucis Gracchum adducturum ait: Mago 8 ibi pedites equitesque armatos — et capere eas latebras ingentem numerum — occuleret. loco satis inspecto 9 atque undique explorato dies composita gerendae rei est. Flavus ad Romanum imperatorem venit. rem se 10 ait magnam incohasse, ad quam perficiendam ipsius Gracchi opera opus esse. omnium populorum praetribus, qui ad Poenum in illo communi Italiae motu descissent, persuasisse, ut redirent in amicitiam Romanorum, quando res quoque Romana, quae prope exitium clade Cannensi venisset, in dies melior atque auctior fieret, Hannibalis vis senesceret ac prope ad nihilum venisset. veteri delicto haud implacabilis fore 12 Romanos: nullam umquam gentem magis exorabilem promptioremque veniae dandae fuisse. quotiens rebellioni etiam maiorum suorum ignotum! haec ab sese 13 dicta; ceterum ab ipso Graccho eadem haec audire malle eos praesentisque contingere dextram et id pignus fidei secum ferre. locum se concilio iis dixisse a conspectu amotum haud procul castris Romanis; ibi paucis verbis transigi rem posse, ut omne nomen Lucanum in fide ac societate Romana sit. Gracchus fraudem et 15 sermoni et rei abesse ratus ac similitudine veri captus cum lictoribus ac turma equitum e castris profectus duce hospite in insidias praecipitatur. hostes subito 16 exorti, et, ne dubia proditio esset, Flavus iis se adiungit. tela undique in Gracchum atque equites conciuntur. Gracchus ex equo desilit; idem ceteros facere 17 iubet hortaturque, ut, quod unum reliquum fortuna fecerit, id coherestente virtute. reliquum autem quid 18 esse paucis a multitudine in valle silva ac montibus saepa circumventis praeter mortem? id referre, utrum 19 praebentes corpora pecorum modo inulti trucidentur,

an toti a patiendo expectandoque eventu in impetum atque iram versi, agentes audentesque, perfusi hostium cruento, inter exspirantium inimicorum cumulata arma-
20 que et corpora eadant. Lucanum proditorem ac trans- fugam omnes peterent; qui eam victimam piae se ad inferos misisset, eum decus eximium, egregium sola-
21 cium suae morti inventurum. inter haec dicta paludamento circa laevum brachium intorto — nam ne scuta quidem secum extulerant — in hostis impetum fecit.
22 maior quam pro numero hominum editur pugna: iaculis maxime aperta corpora Romanorum, et cum undique ex altioribus locis in cavam vallem coniectus esset,
23 transfiguntur. Gracchum iam nudatum praesidio vivum capere Poeni nituntur; ceterum conspicatus Lucanum hospitem inter hostis, adeo infestus confertos invasit,
24 ut parci ei sine multorum pernicio non posset. exanimem eum Mago extemplo ad Hannibalem misit ponique cum captis simul fascibus ante tribunal imperatoris
25 iussit. si haec vera fama est, Gracchus in Lucanis
1 ad campos, qui Veteres vocantur, periit. XVII. sunt qui in agro Beneventano prope Calorem fluvium contendant a castris cum lictoribus ac tribus servis lavandi
2 causa progressum, cum forte inter salicta innata ripis laterent hostes, nudum atque inermem saxisque, quae
3 volvit amnis, propugnantem imperfectum. sunt qui haruspicum monitu quingentos passus a castris progressum, uti loco puro ea quae ante dicta prodigia sunt procuraret, ab incidentibus forte locum duabus turmis Numidarum circumventum scribant. adeo nec locus nec ratio mortis in viro tam claro et insigni constat.
4 funeris quoque Gracchi varia est fama. alii in castris Romanis sepultum ab suis, alii ab Hannibale — et ea vulgatior fama est — tradunt in vestibulo Puniciorum castrorum rogum extrectum esse, armatum exercitum decueurisse cum tripudiis Hispanorum motibusque armorum et corporum suae cuique genti adsuetis, ipso Hannibale omni rerum verborumque honore exe-

quias celebrante. haec tradunt, qui in Lucanis rei gestae auctores sunt. si illis, qui ad Calorem fluvium 6 interfectum memorant, credere velis, capitibus tantum Gracchi hostes potiti sunt; eo delato ad Hannibalem, 7 missus ab eo confestim Carthalo, qui in castra Romana ad Cn. Cornelium quaestorem deferret. is funus imperatoris in castris celebrantibus cum exercitu Beneventanis fecit.

XVIII. Consules agrum Campanum ingressi cum 1 passim popularentur, eruptione oppidanorum et Magonis cum equitatu territi et trepidi ad signa milites palatos passim revocarunt et vixdum instructa acie fusi supra mille et quingentos milites amiserunt. inde 2 ingens ferocia superbae suopte ingenio genti crevit, multisque proeliis lacesebant Romanos; sed intentiores ad cavendum consules una pugna fecerat incaute atque inconsulte inita. restituit tamen his animos et illis 3 minuit audaciam parva una res; sed in bello nihil tam leve est, quod non magnae interdum rei momentum faciat. T. Quinctio Crispino Badius Campanus hospes 4 erat, perfamiliari hospitio iunctus. creverat consuetudo, quod aeger Romae apud Crispinum Badius ante defctionem Campanam liberaliter comiterque curatus fuerat. is tum Badius progressus ante stationes, quae 5 pro porta stabant, vocari Crispinum iussit. quod ubi est Crispino nuntiatum, ratus conloquium amicum ac familiare quaeri, manente memoria etiam in discidio publicorum foederum privati iuris, paulum a ceteris processit. postquam in conspectum venere, "provoco 6 te" inquit "ad pugnam, Crispine," Badius; "concedamus equos summotisque aliis, uter bello melior sit, decernamus." ad ea Crispinus nec sibi nec illi ait 7 hostes deesse, in quibus virtutem ostendant: se, etiamsi in acie occurrit, declinaturum, ne hospitali caede dextram violet; conversusque abibat. enimvero ferocius 8 tum Campanus increpare mollitiam ignaviamque et se digna probra in insolentem iacere, hospitalem hostem

appellans simulantemque parcere, cui sciat parem se non esse. si parum publicis foederibus ruptis dirempta simul et privata iura esse putet, Badium Campanum T. Quintio Crispino Romano palam duobus exercitibus audientibus renuntiare hospitium. nihil sibi cum eo consociatum, nihil foederatum hosti cum hoste, cuius patriam ac penates publicos privatosque oppugnatum venisset. si vir esset, congrederetur. diu cunctantem Crispinum perpulere turmales, ne impune insultare Campanum pateretur; itaque tantum moratus, dum imperatores consuleret, permitterentne sibi extra ordinem in provocantem hostem pugnare, permissu eorum arma cepit equumque concendit et Badium nomine compellans ad pugnam evocavit. nulla mora a Campano facta est; infestis equis concurrerunt. Crispinus supra scutum sinistrum umerum Badio hasta transfixit superque delapsum cum vulnere ex equo desiluit, ut pedes iacentem conficeret. Badius, priusquam opprimeretur, parma atque equo relicto ad suos aufugit; Crispinus equum armaque capta et cruentam cuspidem insignis spoliis ostentans cum magna laude et gratulatione militum ad consules est deductus laudatusque ibi magnifice et donis donatus.

XIX. Hannibal ex agro Beneventano castra ad Capuam cum movisset, tertio post die quam venit copias in aciem eduxit haudquam dubius, quod Campanis absente se paucos ante dies secunda fuisset pugna, quin multo minus se suumque totiens victorem exercitum sustinere Romani possent. ceterum postquam pugnari coeptum est, equitum maxime incursu, cum iaculis obrueretur, laborabat Romana acies, donec signum equitibus datum est, ut in hostem admitterent equos. ita equestre proelium erat, cum procul visus Sempronianus exercitus, cui Cn. Cornelius quaestor praeerat, utrius parti parem metum praebuit, ne hostes novi adventarent. velut ex composito utrimque signum receptui datum, reductique in castra prope aequo Marte

discesserunt; plures tamen ab Romanis primo incursu equitum ceciderunt. Inde consules, ut averterent a Capua Hannibalem, nocte, quae secuta est, diversi, Fulvius in agrum Cumanum, Claudius in Lucanos abit. postero die, cum vacua castra Romanorum esse nuntiatum Hannibali esset et duobus agminibus diversos abisse, incertus primo, utrum sequeretur, Appium institit sequi. ille circumducto hoste, qua voluit, alio itinere ad Capuam redit.

Hannibali alia in his locis bene gerendae rei fortuna oblata est. M. Centenius fuit cognomine Paenula, insignis inter primi pili centuriones et magnitudine corporis et animo. is perfunctus militia per P. Cornelium Sullam praetorem in senatum introductus petit a patribus, uti sibi quinque milia militum darentur: se peritum et hostis et regionum brevi operae pretium facturum et, quibus artibus ad id locorum nostri et duces et exercitus capti forent, iis adversus inventorem usurum. id non promissum magis stolidi quam stolidi creditum, tamquam eaedem militares et imperatoriae artes essent. data pro quinque octo milia militum, pars dimidia cives, pars socii. et ipse aliquantum voluntariorum in itinere ex agris concivit ac prope duplicato exercitu in Lucanos pervenit, ubi Hannibal nequicquam secutus Claudium substiterat. haud dubia res erat, quippe inter Hannibalem ducem et centurionem, exercitusque alterum vincendo veteranum, alterum novum totum, magna ex parte etiam tumultuarium ac semermem. ut conspecta inter se agmina sunt et neutra pars detrectavit pugnam, extemplo instructae acies. pugnatum tamen, ut in nulla pari re, diu: duas amplius horas constitit pugna spe concitante, donec dux stetit, Romanam aciem. postquam is non pro vetere fama solum, sed etiam metu futuri dedecoris, si sua temeritate contractae cladi superesset, obiectans se hostium telis cecidit, fusa extemplo est Romana acies. sed adeo ne fugae quidem iter patuit

omnibus viis ab equite insessis, ut ex tanta multitudine vix mille evaserint, ceteri passim alii alia peste absunti sint.

1 XX. Capua a consulibus iterum summa vi obsideri coepta est, quaeque in eam rem opus erant compor-
2 tabantur parabanturque. Casilinum frumentum con-
vectum; ad Voltturni ostium, ubi nunc urbs est, castellum
communitum *in eoque et Puteolis — triennio ante Fabius*
3 *Maximus munierat — praesidium impositum, ut mare*
proximum et flumen in potestate essent. in ea duo
maritima castella frumentum, quod ex Sardinia nuper
missum erat quodque M. Iunius praetor ex Etruria
coemerat, ab Ostia convectum est, ut exercitui per
4 hiemem copia esset. ceterum super eam cladem, quae
in Lucanis accepta erat, volonum quoque exercitus,
qui vivo Graccho summa fide stipendia fecerat, velut
exauktoratus morte ducis ab signis discessit.

5 Hannibal non Capuam neglectam neque in tanto
discrimine desertos volebat socios; sed prospero ex
temeritate unius Romani ducis successu in alterius dueis
6 exercitusque opprimendi occasionem imminebat. Cn.
Fulvium praetorem Apuli legati nuntiabant primo, dum
urbes quasdam Apulorum, quae ad Hannibalem descivissent,
oppugnaret, intentius rem egisse; postea nimio
successu et ipsum et milites praeda impletos in tan-
7 militiae effusos, ut nulla disciplina
Apuliam castra movit. XXI. circa Herdoneam Roma-
nae legiones et praetor Fulvius erat. quo ubi allatum
est hostis adventare, prope est factum, ut iniussu praetoris
signis convulsis in aciem exirent. nec res magis
ulla tenuit quam spes haud dubia suo id arbitrio, ubi
2 vellent, facturos. nocte insequenti Hannibal, cum tu-
multuatum in castris et plerosque ferociter, signum ut
daret, institisse duci ad arma vocantis sciret, haud
3 dubius prosperae pugnae occasionem dari, tria milia

expeditorum militum in villis circa vepribus et silvis
disponit, qui signo dato simul omnes e latebris existe-
rent, et Magonem ac duo ferme milia equitum, qua 4
fugam inclinaturam credebat, omnia itinera insidere
iubet. his nocte praeparatis prima luce in aciem copias
educit. nec Fulvius est cunctatus, non tam sua ulla 5
spe quam militum impetu fortuito tractus. itaque eadem
temeritate, qua processum in aciem est, instruitur ipsa
acies ad libidinem militum forte procurrentium con-
sistentiumque, quo loco ipsorum tulisset animus, de-
inde per libidinem aut metum deserentium locum. prima 6
legio et sinistra ala in primo instructae, et in longi-
tudinem porrecta acies. clamantibus tribunis nihil in-
7 trorsus roboris ac virium esse et, quacumque impetum
fecissent hostis, perrupturos, nihil, quod salutare esset,
non modo ad animum sed ne ad aures quidem ad-
mittebat. et Hannibal haudquaquam similis dux neque 8
simili exercitu neque ita instructo aderat. ergo ne cla-
morem quidem atque impetum primum eorum Romani
sustinuere. dux, stultitia et temeritate Centenio par, 9
animo haudquaquam comparandus, ubi rem inclinatam
ac trepidantis suos videt, equo arrepto cum ducentis
ferme equitibus effugit, cetera a fronte pulsa, inde a 10
tergo atque alis circumventa acies eo usque est caesa,
ut ex duodeviginti milibus hominum duo milia haud
amplius evaserint. castris hostes potiti sunt.

XXII. Hae clades super aliam alia Romam cum 1
essent nuntiatae, ingens quidem et luctus et pavor
civitatem cepit; sed tamen, quia consules, ubi summa
rerum esset, ad id locorum prospere rem gererent,
minus his cladibus commovebantur. legatos ad con-
sules mittunt C. Laetorium M. Metilium, qui nuntia-
rent, ut reliquias duorum exercituum cum cura collige-
rent darentque operam, ne per metum ac desperationem 3
hosti se dederent, id quod post Cannensem accidisset
cladem, et ut desertores de exercitu volonum conqui-
rerent. idem negotii P. Cornelio datum, cui et dilectus 4
6*

mandatus erat, isque per fora conciliabulaque edixit, ut conquisitio volonum fieret iisque ad signa reducentur. haec omnia intentissima cura acta.

Ap. Claudius consul D. Iunio ad ostium Vulturni, M. Aurelio Cotta Puteolis praeposito, qui, ut quaeque naves ex Etruria ac Sardinia accessissent, extemplo in castra mitterent frumentum, ipse ad Capuam regressus Q. Fulvium collegam invenit Casilino omnia deportantem molientemque ad oppugnandam Capuam. tum ambo circumsederunt urbem et Claudium Neronem praetorem ab Suessula ex Claudianis castris exciverunt. is quoque modico ibi praesidio ad tenendum locum relicto ceteris omnibus copiis ad Capuam descendit. ita tria praetoria circa Capuam erecta; tres exercitus diversis partibus opus adgressi fossa valloque circumdare urbem parant et castella excitant modicis intervallis multisque simul locis cum prohibentibus opera Campanis eo eventu pugnant, ut postremo portis muroque se contineret Campanus. prius tamen, quam haec continuarentur opera, legati ad Hannibalem missi, qui quererentur desertam ab eo Capuam ac prope redditam Romanis obtestarenturque, ut tunc saltem opem non circumcessis modo sed etiam circumvallatis ferret. consulibus litterae a P. Cornelio praetore missae, ut, priusquam clauderent Capuam operibus, potestatem Campanis facerent, ut, qui eorum vellent, exirent a Capua suasque res secum inde ferrent. liberos fore suaque omnia habituros, qui ante idus Martias exissent; post eam diem quique exissent quaque ibi mansissent, hostium futuros numero. ea proununtiata Campanis atque ita spreta, ut ultro contumelias dicerent minarenturque. Hannibal ab Herdonea Tarentum duxerat legiones spe aut vi aut dolo arcis Tarentinae potiundae; quod ubi parum processit, ad Brundisium flexit iter prodi id oppidum ratus. ibi quoque cum frustra tereret tempus, legati Campani ad eum venerunt querentes simul orantesque. quibus

Hannibal magnifice respondit et antea se solvisse obsidionem et nunc adventum suum consules non laturos. cum hac spe dimissi legati vix regredi Capuam iam duplice fossa valloque cinctam potuerunt.

XXIII. Cum maxime Capua circumvallaretur, 1 Syracusarum oppugnatio ad finem venit, praeterquam vi ac virtute ducis exercitusque, intestina etiam proditione adiuta. namque Marcellus initio veris incertus, 2 utrum Agrigentum ad Himilconem et Hippocraten verteret bellum, an obsidione Syracusas premeret, 3 quamquam nec vi capi videbat posse inexpugnabilem terrestri ac maritimo situ urbem nec fame, ut quam prope liberi a Carthagine commeatus alerent, tamen, 4 ne quid inexpertum relinqueret, transfugas Syracusanos — erant autem apud Romanos aliqui nobilissimi viri inter defectionem ab Romanis, quia ab novis consiliis abhorreabant, pulsi — conloquiis suae partis temptare hominum animos iussit et fidem dare, si traditae forent Syracusae, liberos eos ac suis legibus victuros esse. non erat conloquii copia, quia multorum animi suspecti omnium curam oculosque converterant, ne quid falleret tale admissum. servus unus 6 exulum pro transfuga intromissus in urbem conventis paucis initium conloquendi de tali re fecit. deinde in piscatoria quidam nave retibus operi circumvectique ita ad castra Romana conlocutique cum transfugis, et idem saepius eodem modo et alii atque alii. postremo ad octoginta facti. et cum iam composita 7 omnia ad prodicionem essent, indicio delato ad Epicyden per Attalum quendam, indignantem sibi rem creditam non esse, necati omnes cum cruciatu sunt. alia subinde spes, postquam haec vana evaserat, excepit. Damippus quidam Lacedaemonius, missus ab Syracusis ad Philippum regem, captus ab Romanis navibus erat. huius utique redimendi et Epicydae 9 cura erat ingens, nec abruxit Marcellus, iam tum Aetorum, quibus socii Lacedaemonii erant, amicitiam

adfectantibus Romanis. ad conloquium de redemptione eius missis medius maxime atque utrisque opportunus locus ad portum Trogilorum propter turrim, quam vocant Galeagram, est visus. quo cum saepius commearentur, unus ex Romanis ex propinquuo murum contemplans, numerando lapides aestimandoque ipse secum, quid in fronte paterent singuli, altitudinem muri, quantum proxime conjectura poterat, permensus humilioremque aliquanto pristina opinione sua et ceterorum omnium ratus esse et vel mediocribus scalis superabiles, ad Marcellum rem defert. haud spernenda visa. sed cum adiri locus, quia ob id ipsum intentius custodiebatur, non posset, occasio quaerebatur; quam obtulit transfuga nuntians diem festum Dianaee per triduum agi, et quia alia in obsidione desint, vino largius epulas celebrari et ab Epicyde praebito universae plebei et per tribus a principibus diviso. id ubi accepit Marcellus, cum paucis tribunorum militum conlocutus electisque per eos ad rem tantam agendam audendamque idoneis centurionibus militibusque et scalis in occulto comparatis, ceteris signum dari iubet, ut mature corpora curarent quiete darent: nocte in expeditionem eundum esse. inde ubi id temporis visum, quo *de die epulatis iam vini satias principiumque somni esset*, signi unius milites ferre scalas iussit; et ad mille fere armati tenui agmine per silentium eo deducti. ubi sine strepitu ac tumultu primi evaserunt in murum, secuti ordine alii, cum priorum audacia dubiis etiam animum faceret. XXIV. iam mille armatorum muri ceperant partem, cum ceterae admotae sunt copiae pluribusque scalis in murum evadabant signo ab Hexapylō dato, quo per ingentem solitudinem erat perventum, quia magna pars in turribus epulati aut sopiti vino erant aut semigraves potabant. paucos tamen eorum improviso oppressos in cubilibus interfecerunt. prope Hexapylon est portula; ea magna vi refringi coepit et e muro ex composito tuba datum

signum erat et iam undique non furtim, sed vi aperte gerebatur res. quippe ad Epipolas, frequentem custodiis locum, perventum erat, terrendique magis hostes erant quam fallendi, sicut territi sunt. nam simulac tubarum est auditus cantus clamorque tenentium muros partemque urbis, omnia teneri custodes *rati* alii per murum fugere, alii salire de muro praecipitarque turba paventium. magna pars tamen ignara tanti mali erat et gravatis omnibus vino somnoque et in vastae magnitudinis urbe partium sensu non satis pertinente in omnia. sub lucem Hexapylō effracto Marcellus omnibus copiis urbem ingressus excitavit convertitque omnes ad arma capienda opemque, si quam possent, iam captae prope urbi ferendam. Epicydes ab Insula, quam ipsi Nason vocant, citato prefectus agmine, haud dubius, quin paucos per negligentiam custodum transgressos murum expulsurus foret, occurrentibus pavidis, tumultum augere eos dictitans et maiora ac terribilia vero adferre, postquam conspexit omnia circa Epipolas armis completa, laccessito tantum hoste paucis missilibus retro in Achradinam agmen convertit, non tam vim multitudinemque hostium metuens, quam ne qua intestina fraus per occasionem oreretur clausaque inter tumultum Achradinae atque Insulae inveniret portas. Marcellus ut moenia ingressus ex superioribus locis urbem omnium ferme illa tempestate pulcherrimam subiectam oculis vidit, inlacrimasse dicitur partim gaudio tantae perpetratae rei, partim vetusta gloria urbis. Atheniensium classes demersae et duo ingentes exercitus cum duobus clarissimis ducibus deleti occurrerant et tot bella cum Carthaginiensibus tanto cum discrimine gesta, tot tam opulentii tyranni regesque, praeter ceteros Hiero cum recentissimae memoriae rex, tum ante omnia, quae virtus ei fortunaque sua dederat, beneficiis in populum Romanum insignis. ea cum universa occurrerent animo subiretque cogitatio, iam

illa momento horae arsura omnia et ad cineres reditura, priusquam signa Achradinam admoveret, praemittit Syracusanos, qui intra praesidia Romana, ut ante dictum est, fuerant, ut adloquio leni in pellerent hostis ad dedendam urbem.

¹ XXV. Tenebant Achradinae portas murosque maxime transfugae, quibus nulla erat per condiciones veniae spes; ei nec adire muros nec adloqui quemquam passi. ² itaque Marcellus, postquam id incepsum in ritum fuit, ad Euryalum signa referri iussit. tumulus est in extrema parte urbis aversus a mari viaque imminens ferenti in agros mediterraneaque insulae, percommode ³ situs ad commeatus excipiendo. praeerat huic arcii Philodemus Argius ab Epicyde impositus; ad quem missus a Marcello Sosis, unus ex interfectoribus tyrami, cum longo sermone habito dilatus per frustrationem esset, rettulit Marcello tempus eum ad deliberandum ⁴ sumpsisse. cum is diem de die differret, dum Hippocrates atque Himilco admoverent castra legionesque, haud dubius, si in arcem accepisset eos, deleri Romanum exercitum inclusum muris posse, Marcellus, ut Euryalum neque tradi neque capi vidi posse, inter Neapolim et Tycham — nomina ea partium urbis et instar urbium sunt — posuit castra timens, ne, si frequentia intrasset loca, contineri ab discursu miles ⁶ avidus praedae non posset. legati eo ab Tycha et Neapoli cum infulis et velamentis venerunt precantes, ⁷ ut a caedibus et ab incendiis parceretur. de quorum precibus quam postulatis magis consilio habitu Marcellus ex omnium sententia edixit militibus, ne quis ⁸ liberum corpus violaret: cetera praedae futura. castra testis parietum pro muro saepa; portis regione platearum patentibus stationes praesidiaque disposuit, ne quis in discursu militum impetus in castra fieri ⁹ posset. inde signo dato milites discurrerunt; refractisque foribus cum omnia terrore ac tumultu streperent, a caedibus tamen temperatum est; rapinis nullus ante

modus fuit, quam omnia diurna felicitate cumulata bona egesserunt. inter haec et Philodemus, cum spes ¹⁰ auxili nullus esset, fide accepta, ut inviolatus ad Epicyden rediret, deducto praesidio tradidit tumulum Romanis. aversis omnibus ad tumultum ex parte ¹¹ captae urbis Bomilcar noctem eam nactus, qua propter vim tempestatis stare ad ancoram in salo Romana classis non posset, cum triginta quinque navibus ex ¹² portu Syracusano profectus libero mari vela in altum dedit quinque et quinquaginta navibus Epicydae et Syracusanis relictis; edocisque Carthaginiensibus, in ¹³ quanto res Syracusana discrimine esset, cum centum navibus post paucos dies redit, multis, ut fama est, donis ex Hieronis gaza ab Epicyde donatus.

¹ XXVI. Marcellus Euryalo recepto praesidioque addito una cura erat liber, ne qua ab tergo vis hostium in arcem accepta inclusos impeditosque moenibus suos turbaret. Achradinam inde trinis castris ² per idonea dispositis loca spe ad inopiam omnium rerum inclusos redacturum circumsedit. cum per aliis ³ quot dies quietae stationes utrumque fuissent, repente adventus Hippocratis et Himilconis, ut ultro undique oppugnarentur Romani, fecit. nam et Hippocrates ⁴ castris ad magnum portum communis signoque iis dato, qui Achradinam tenebant, castra vetera Romanorum adortus est, quibus Crispinus praeerat, et Epicydes eruptionem in stationes Marcelli fecit, et classis Punica litori, quod inter urbem et castra Romana erat, adpulsa est, ne quid praesidii Crispino submitti a Marcello posset. tumultum tamen maiorem ⁵ hostes praebuerunt quam certamen. nam et Crispinus Hippocraten non reppulit tantum munimentis, sed insecutus etiam est trepide fugientem, et Epicyden Marcellus in urbem compulit. satisque iam etiam in ⁶ posterum videbatur provisum, ne quid ab repentinis eorum excursionibus periculi foret. accessit et ab pestilentia commune malum, quod facile utrorumque ⁷

animos averteret a belli consiliis. nam tempore autumni et locis natura gravibus, multo tamen magis extra urbem quam in urbe, intoleranda vis aestus per utramque castra omnium ferme corpora movit. ac primo temporis ac loci vitio et aegri erant et moriebantur; postea curatio ipsa et contactus aegrorum volgabat morbos, ut aut neglecti desertique, qui incidissent, morerentur, aut adsidentis curantisque eadem vi morbi repletos secum traherent cotidianaque funera et mors ob oculos esset et undique dies noctesque ploratus audirentur. postremo ita adsuetudine mali efferaverant animos, ut non modo lacrimis iustoque conploratu prosequerentur mortuos, sed ne efferrent quidem aut sepelirent, iacerentque strata ex anima corpora in conspectu similem mortem expectantium mortuique aegros, aegri validos cum metu, tum tabe ac pestifero odore corporum conficerent. et ut ferro potius morerentur, quidam invadebant soli hostium stationes. multo tamen vis maior pestis Poenorum castra quam Romana *adorta erat, nam Romani* diu circumsedendo Syracusas caelo aquisque adsuerant magis. ex hostium exercitu Siculi, ut primum videre ex gravitate loci volgari morbos, in suas quisque propinquas urbes dilapsi sunt; et Carthaginenses, quibus nusquam receptus erat, cum ipsis ducibus Hippocrate atque Himilcone ad intermissionem omnes perierunt. Marcellus, ut tanta vis inguebat mali, traduxerat in urbem suos infirmaque corpora tecta et umbrae recreaverant. multi tamen ex Romano exercitu eadem peste absumenti sunt.

¹ XXVII. Deleto terrestri Punico exercitu Siculi, qui Hippocratis milites fuerant, ** *occupaverant*, haud magna oppida, ceterum et situ et munimentis tuta; tria milia alterum ab Syracusis, alterum quindecim abest. eo et commeatus e civitatibus suis comportabant et auxilia accersebant. interea Bomilcar iterum cum classe profectus Carthaginem ita exposita fortuna sociorum, ut spem faceret non ipsis modo salutarem

opem ferri posse, sed Romanos quoque in capta quodam modo urbe capi, perpulit, ut onerarias naves quam plurimas omni copia rerum onustas secum mitterent classemque suam augerent. igitur centum triginta navibus longis, septingentis onerariis profectus a Cartagine satis prosperos ventos ad traiciendum in Siciliam habuit. sed iidem venti superare eum Pachynum prohibebant. Bomilcaris adventus fama primo, dein praeter spem mora cum gaudium et metum in vicem Romanis Syracusanisque praebuisset, Epicydes metuens, ne, si pergerent iidem, qui tum tenebant, ab ortu solis flare per dies plures venti, classis Punica Africam repeteret, tradita Achradina mercennariorum militum ducibus ad Bomilcarem navigat. classem in statione versa in Africam habentem atque timentem navale proelium, non tam quod impar viribus aut numero navium esset — quippe etiam plures habebat —, quam quod venti aptiores Romanae quam suae classi flarent, perpulit tamen, ut fortunam navalis certaminis experiri vellet. et Marcellus, cum et Siculum exercitum ex tota insula conciri videret et cum ingenti commeatu classem Punicam adventare, ne simul terra marique inclusus urbe hostium urgeretur, quamquam impar numero navium erat, prohibere aditu Syracusarum Bomilcarem constituit. duae classes in festae circa promunturum Pachynum stabant, ubi prima tranquillitas maris in altum evexisset, concursae. itaque cadente iam Euro, qui per dies aliquot saevierat, prior Bomilcar movit, cuius primo classis petere altum visa est, quo facilius superaret promunturum. ceterum postquam tendere ad se Romanas naves vidit, incertum, qua subita territus re, Bomilcar vela in altum dedit missisque nuntiis Heracleam, qui onerarias retro inde Africam repetere iuberent, ipse Siciliam praetervectus Tarentum petit. Epicydes a tanta repente destitutus spe, ne in obsidionem magna ex parte captae urbis rediret, Agrigentum navigat,

expectaturus magis eventum quam inde quicquam moturus.

XXVIII. Quae ubi in castra Siculorum sunt nuntiata, Epicyden Syracusis excessisse, a Carthaginiensibus relictam insulam et prope iterum traditam Romanis, legatos de condicionibus dedendae urbis explorata prius per conloquia voluntate eorum, qui obsidebantur, ad Marcellum mittunt. cum haud ferme discreparet, quin, quae ubique regum fuissent, Romanorum essent, Siculis cetera cum libertate ac legibus suis servarentur, evocatis ad conloquium iis, quibus ab Epicyde creditae res erant, missos se simul ad Marcellum, simul ad eos ab exercitu Siculorum aiunt, ut una omnium, qui obserderentur quique extra obsidionem fuissent, fortuna esset, neve alteri proprie sibi paciscerentur quicquam. recepti deinde ab iis, ut necessarios hospitesque adloquerentur, expositis, quae pacta iam cum Marcello haberent, oblata spe salutis perpulere eos, ut secum praefectos Epicydis Polyclitum et Philistionem et Epicyden, cui Sindon cognomen erat, adgredierentur. interfectis iis et multitudine ad contionem vocata, inopiam quaeque ipsi inter se fremere occulti soliti erant conquesti, quam tot mala urgerent, negarunt fortunam accusandam esse, quod in ipsorum esset potestate, quamdiu ea paterentur. Romanis causam oppugnandi Syracusas fuisse caritatem Syracusanorum, non odium; nam ut occupatas res ab satellitibus Hannibal, deinde Hieronymi, Hippocrate atque Epicyde, audierint, tum bellum movisse et obsidere urbem coepisse, ut crudelis tyrannos eius, non ut ipsam urbem expugnarent. Hippocrate vero interempto, Epicyde intercluso ab Syracusis et praefectis eius occisis, Carthaginiensibus omni possessione Siciliae terra marique pulsis — quam superesse causam Romanis, cur non perinde ac si Hiero ipse viveret, unicus Romanae amicitiae cultor, incolumis Syracusas esse velint? itaque nec urbi

nec hominibus aliud periculum quam ab semet ipsis esse, si occasionem reconciliandi se Romanis praetermississent; eam autem, qualis illo momento horae sit, nullam deinde fore, si simul liberatas ab impotentiis tyrannis *Syracusas esse et applicare se Romanis* apparuisset.

XXIX. Omnium ingenti adsensu audita ea oratio est. praetores tamen prius creari quam legatos nominari placuit. ex ipsorum deinde praetorum numero missi oratores ad Marcellum, quorum princeps „neque primo“ inquit „Syracusani a vobis defecimus, sed Hieronymus, nequaquam tam in vos impius quam in nos; nec postea pacem tyranni caede compositam Syracusanus quisquam, sed satellites regii Hippocrates atque Epicydes oppressis nobis hinc metu, hinc fraude turbaverunt. nec quisquam dicere potest aliquando nobis libertatis tempus fuisse, quod pacis vobiscum non fuerit. nunc certe caede eorum, qui oppressas tenebant Syracusas, cum primum nostri arbitrii esse coepimus, extemplo venimus ad tradenda arma, dedenos nos, urbem, moenia, nullam recusandam fortunam, quae imposta a vobis fuerit. gloriam captae nobilissimae pulcherrimaeque urbis Graecarum dei tibi dederunt, Marcele. quidquid umquam terra marique memorandum gessimus, id tui triumphi titulo accedit. famaene credi velis, quanta urbs a te capta sit, quam posteris quoque eam spectaculo esse, quo quisquis terra, quisquis mari venerit, nunc nostra *de Atheniensibus Carthaginiensibusque tropaea, nunc tua de nobis ostendat, incolumesque Syracusas familiae vestrae sub clientela nominis Marcellorum tutelaque habendas tradas?* ne plus apud vos Hieronymi quam Hieronis memoria momenti faciat: diutius ille multo amicus fuit quam hic hostis, et illius benefacta etiam † re sensistis, huius amentia ad perniciem tantum ipsius valuit.“ Omnia et impetrabilia et tuta erant apud Romanos; inter ipsos plus belli ac periculi erat. namque trans-

fugae tradi se Romanis rati mercennariorum quoque
 9 militum auxilia in eundem compulere metum; arreptis-
 que armis praetores primum obtruncant, inde ad cae-
 dem Syracusanorum discurrunt quosque fors obtulit,
 irati interfecere atque omnia, quae in promptu erant,
 10 diripuerunt. tum, ne sine ducibus essent, sex praefectos creavere, ut terni Achradinae ac Naso praees-
 sent. sedato tandem tumultu exequentibus sciscitando,
 quae acta cum Romanis essent, dilucere id quod erat
 coepit, aliam suam ac perfugarum causam esse.

1 XXX. in tempore legati a Marcelllo redierunt falsa
 eos suspicione incitatos memorantes, nec causam ex-
 2 petendae poenae eorum ullam Romanis esse. erat e
 tribus Achradinae praefectis Hispanus, Moericus nomine.
 ad eum inter comites legatorum de industria unus ex
 Hispanorum auxiliaribus est missus, qui sine arbitris
 Moericum nanctus primum, quo in statu reliquisset
 Hispaniam — et nuper inde venerat —, exponit:
 3 omnia Romanis ibi obtineri armis. posse eum, si
 operae pretium faciat, principem popularium esse,
 seu militare cum Romanis seu in patriam reverti
 lubeat. contra, si malle obsideri perget, quam spem
 4 esse terra marique clauso? motus his Moericus, cum
 legatos ad Marcellum mitti placuisset, fratrem inter
 eos mittit, qui per eundem illum Hispanum secretus
 ab aliis ad Marcellum deductus cum fidem accepisset
 composuissetque agendae ordinem rei, Achradinam
 5redit. tum Moericus, ut ab suspicione proditionis
 averteret omnium animos, negat sibi placere legatos
 commeare ultro citroque, neque recipiendum quem-
 quam neque mittendum et, quo intentius custodiae
 serventur, opportuna dividenda praefectis esse, ut suae
 quisque partis tutandae reus sit. omnes adsensi sunt.
 6 partibus dividendis ipsi regio evenit ab Arethusa fonte
 usque ad ostium magni portus. id ut scirent Romani,
 7 fecit. itaque Marcellus nocte navem onerariam cum
 armatis remulco quadriremis trahi ad Achradinam

iussit exponique milites regione portae, quae prope
 fontem Arethusam est. hoc cum quarta vigilia factum
 esset expositosque milites porta, ut convenerat, rece-
 pisset Moericus, luce prima Marcellus omnibus copiis
 moenia Achradinae adgreditur ita, ut non eos solum,
 9 qui Achradinam tenebant, in se converteret, sed ab
 Naso etiam agmina armatorum concurrerent relictis
 stationibus suis ad vim et impetum Romanorum arcen-
 dum. in hoc tumultu actuariae naves instructae iam
 10 ante circumvectaeque ad Nasum armatos exponunt,
 qui improviso adorti semiplenas stationes et adaptatas
 fores portae, qua paulo ante excurrerant armati, haud
 magno certamine Nasum cepere desertam trepidatione
 et fuga custodum. neque in 11 ullis minus praesidii aut
 pertinaciae ad manendum quam in transfugis fuit,
 quia ne suis quidem satis credentes e medio certa-
 mine effugerunt. Marcellus, ut captam esse Nasum
 12 comperit et Achradinae regionem unam teneri Moeri-
 cumque cum praesidio suis adiunctum, receptui cecinit,
 ne regiae opes, quarum fama maior quam res erat,
 diriperentur.

XXXI. Suppresso impetu militum ut iis, qui in 1
 Achradina erant, transfugis spatium locusque fugae
 datus est, Syracusani tandem liberi metu portis Achra-
 dinæ apertis oratores ad Marcellum mittunt nihil
 potentis aliud quam incolumentatem sibi liberisque suis.
 Marcellus consilio advocato et adhibitis etiam Syra-
 3 cusani, qui per seditiones pulsi ab domo intra praef-
 sidia Romana fuerant, respondit non plura per annos 4
 quinquaginta benefacta Hieronis quam paucis his annis
 maleficia eorum, qui Syracusas tenuerint, erga popu-
 lum Romanum esse. sed pleraque eorum quo debu-
 erint recedisse, foederumque ruptorum ipsos ab se
 graviores multo, quam populus Romanus voluerit,
 poenas exegisse. se quidem tertium annum circum-
 5 sedere Syracusas, non ut populus Romanus servam eam
 civitatem haberet, sed ne transfugarum mercennariorum-

6 que duces captam et oppressam tenerent. quid potuerint Syracusani facere, exemplo vel eos esse Syracusanorum, qui intra praesidia Romana fuerint, vel Hispanum duecum Moericum, qui praesidium tradiderit, vel ipsorum Syraeuanorum postremo serum quidem, 7 sed forte consilium. sibi omnium laborum periculorumque circa moenia Syracusana terra marique tam diu exhaustorum nequaquam tanti eum fructum esse, quod 8 capere Syracusas potuisse. inde quaestor cum praesidio Nasum ad accipendam pecuniam regiam custodiendamque missus. *Achradina* diripienda militi data est custodibus divisus per domos eorum, qui intra 9 praesidia Romana fuerant. cum multa irae, multa avaritiae foeda exempla ederentur, Archimeden memoriae proditum est in tanto tumultu, quantum *pavor* captae urbis in discursu diripientium militum cire poterat, intentum formis, quas in pulvere descriperat, 10 ab ignaro milite, quis esset, interfecit; aegre id Marcellum tulisse sepulturaeque curam habitam, et propinquis etiam inquisitis honori praesidioque nomen 11 ac memoriam eius fuisse. hoc maxume modo Syracusae captae; in quibus praedae tantum fuit, quantum vix capta Carthagine tum fuisse, cum qua viribus aequis certabatur.

12 Paucis ante diebus, quam Syracusae caperentur, T. Otacilius cum quinqueribus octoginta Uticam 13 ab Lilybaeo transmisit et, cum ante lucem portum intrasset, onerarias frumento onustas cepit egressusque in terram depopulatus est aliquantum agri circa Uticam praedamque omnis generis retro ad navis 14 egit. Lilybaeum tertio die, quam inde profectus erat, cum centum triginta onerariis navibus frumento prae- daque onustis rediit idque frumentum extemplo Syracusas misit; quod ni tam in tempore subvenisset, 15 victoribus victisque pariter perniciosa fames instabat.

¹ XXXII. Eadem aestate in Hispania, cum biennio ferme nihil admodum memorabile factum esset con-

siliisque magis quam armis bellum gereretur, Romani imperatores egressi hibernis copias coniunxerunt. ibi 2 consilium advolutum, omniumque in unum congruerunt sententiae, quando ad id locorum id modo actum esset, ut Hasdrubalem tendentem in Italiam retinerent, tempus esse id iam agi, ut bellum in Hispania finiretur. et satis ad id virium credebat accessisse viginti milia 3 Celtiberorum ea hieme ad arma excita. hostium tres exercitus erant. Hasdrubal Gisgonis filius et Mago 4 coniunctis castris quinque ferme dierum iter ab Romanis aberant. propior erat Hamilcaris filius Hasdrubal, vetus in Hispania imperator; ad urbem nomine Amtorgim exercitum habebat. eum volebant prius 6 opprimenti duces Romani, et spes erat satis superque ad id virium esse; illa restabat cura, ne fuso eo perculsi alter Hasdrubal et Mago in avios saltus montesque recipientes sese bellum extraherent. optimum 7 igitur rati divisis bifariam copiis totius simul Hispaniae amplecti bellum, ita inter se divisorunt, ut P. Cornelius duas partes exercitus Romanorum sociorumque adversus Magonem duceret atque Hasdrubalem, Cn. Cornelius cum tertia parte veteris exercitus Cel- 8 tiberis adiunctis cum Hasdrubale Barcino bellum gerezet. una profecti ambo duces exercitusque Celtiberis 9 praegredientibus ad urbem Amtorgim in conspectu hostium dirimente amni ponunt castra. ibi Cn. Scipio 10 cum quibus ante dictum est copiis substitut; P. Scipio profectus ad destinatam belli partem.

XXXIII. Hasdrubal postquam animadvertisit exiguum Romanum exercitum in castris et spem omnem in Celtiberorum auxiliis esse, peritus omnis barbaricae 2 et praeceps [omnium] earum gentium, in quibus per tot annos militabat, perfidia, facili linguae *commercio*, 3 cum utraque castra plena Hispanorum essent, per occulta conloquia paciscitur magna mercede cum Celtiberorum principibus, ut copias inde abducant. nec 4 atrox visum facinus; non enim ut in Romanos verte-

rent arma agebatur, et merces, quanta vel pro bello satis esset, dabatur, ne bellum gererent, et cum quies ipsa, tum redditus domum fructusque videndi suos 5 suaque grata vulgo erant. itaque non ducibus facilius quam multitudini persuasum est. simul ne metus quidem ab Romanis erat, quippe tam paucis, si vi retinuerent. id quidem cavendum semper Romanis ducibus erit, exemplaque haec vere pro documentis habenda, ne ita extermis credant auxiliis, ut non plus sui roboris 7 suarumque proprie virium in castris habeant. signis repente sublatis Celtiberi abeunt nihil aliud quaerentibus causam obtestantibusque, ut manerent, Romanis 8 respondentes quam domestico se avocari bello. Scipio, postquam socii nec precibus nec vi retineri poterant, nec se aut parem sine illis hosti esse aut fratri rursus coniungi vidi posse, nec ullum aliud salutare con- 9 silium in promptu esse, retro quantum posset cedere statuit, in id omni cura intentus, necubi hosti aequo se committeret loco, qui transgressus flumen prope vestigiis abeuntium insistebat.

XXXIV. Per eosdem dies P. Scipionem par terror, 1 periculum maius ab novo hoste urgebat. Masinissa erat iuvenis, eo tempore socius Carthaginiensium, quem deinde clarum potentemque Romana facit amicitia. is 3 tum cum equitatu Numidarum et advenienti P. Scipioni occurrit et deinde adsidue dies noctesque infestus 4 aderat, ut non vagos tantum procul a castris lignatum pabulatumque progressos exciperet, sed ipsis obequaret castris inventusque in medias saepe stationes 5 omnia ingenti tumultu turbaret. noctibus quoque saepe incursu repentina in portis valloque trepidatum est, nec aut locus aut tempus ullum vacuum a metu 6 ac sollicitudine erat Romanis, compulsique intra vallum adempto rerum omnium usu. cum prope iusta obsidio esset futuramque artiorem eam appareret, si se Indibilis, quem cum septem milibus et quingentis Suesstanorum adventare fama erat, Poenis coniunxisset,

dux cautus et providens Scipio victus necessitatibus 7 temerarium capit consilium, ut nocte Indibili obviam iret et, quocumque occurrisset loco, proelium consecraret. relicto igitur modico praesidio in castris praesitoque Ti. Fonteio legato media nocte profectus cum obviis hostibus manus conseruit. agmina magis 9 quam acies pugnabant, superior tamen, ut in tumultuaria pugna, Romanus erat. ceterum et equites Numidae repente, quos fecellisse se dux ratus erat, ab lateribus circumfusi magnum terrorem intulere, et 10 contracto adversus Numidas certamine novo tertius insuper advenit hostis, duces Poeni adsecuti ab tergo iam pugnantis; ancepsque proelium Romanos circumsteterat incertos, in quem potissimum hostem quamve in partem conferti eruptionem facerent. pugnanti 11 hortantique imperatori et offerenti se, ubi plurimus labor erat, latus dextrum lancea traicitur; cuneusque is hostium, qui in confertos circa ducem impetum fecerat, ut exanimem labentem ex equo Scipionem vidi, alacres gaudio cum clamore per totam aciem nuntiantes discurrunt imperatorem Romanum cecidisse. ea pervagata passim vox, ut et hostes haud dubie 12 pro victoribus et Romani pro victis essent, fecit. fuga confestim ex acie duce amisso fieri copta est; 13 ceterum ut ad erumpendum inter Numidas leviumque armorum alia auxilia haud difficilis erat, ita effugere 14 tantum equitum aequantiumque equos velocitate pedum vix poterant; caesique prope plures in fuga quam in pugna sunt, nec superfuisset quisquam, ni praecepiti iam ad vesperum die nox intervenisset.

XXXV. Haud segniter inde duces Poeni fortuna 1 usi confestim e proelio vix necessaria quiete data militibus ad Hasdrubalem Hamilcaris citatum agmen rapiunt non dubia spe, cum se coniunxissent, debellari posse. quo ubi est ventum, inter exercitus ducesque 2 Victoria recenti laetos gratulatio ingens facta imperatore tanto cum omni exercitu deleto et alteram pro

3 haud dubia parem victoriam expectantes. ad Romanos
 nondum quidem fama tantae cladis pervenerat, sed
 maestum quoddam silentium erat et tacita divinatio,
 qualis iam praesagientibus animis imminentis mali
 4 esse solet. imperator ipse, praeterquam quod ab sociis
 se desertum, hostium tantum auctas copias sentiebat,
 coniectura etiam et ratione ad suspicionem acceptae
 cladis quam ad ullam bonam spem pronior erat:
 5 quonam modo enim Hasdrubalem ac Magonem, nisi
 defunctos suo bello, sine certamine adducere exercitum
 6 potuisse? quo modo autem non obstitisse aut ab tergo
 secutum fratrem, ut, si prohibere, quo minus in unum
 7 certe cum fratre coniungeret copias? his anxius curis
 id modo esse salutare in praesens credebat, cedere inde,
 quantum posset; et una nocte ignaris hostibus et ob
 8 id quietis aliquantum emensus est iter. luce ut sen-
 serunt profectos, hostes praemissis Numidis quam po-
 terant maxime citato agmine sequi cooperunt. ante
 noctem adsecuti Numidae nunc ab tergo, nunc in
 latera incursantes consistere coegerunt ac tutari agmen;
 9 quantum possent tamen tuto, ut simul pugnarent pro-
 cederentque, Scipio hortabatur, priusquam pedestres
 1 copiae adsequerentur. XXXVI. ceterum nunc agendo,
 nunc sustinendo agmen cum aliquamdiu haud multum
 2 procederetur et nox iam instaret, revocat a proelio
 suos Scipio et conlectos in tumulum quendam non
 quidem satis tutum, praesertim agmini perculso, edi-
 3 tiorem tamen, quam cetera circa erant, subducit. ibi
 primo impedimentis et equitatu in medium receptis
 circumdati pedites haud difficulter impetus incursan-
 4 tium Numidarum arcebant; dein, postquam toto agmine
 tres imperatores cum tribus iustis exercitibus aderant
 apparebatque parum armis ad tuendum locum sine
 5 munimento valituros esse, circumspectare atque agi-
 tare dux coepit, si quo modo posset vallum circum-
 icere. sed erat adeo nudus tumulus et asperi soli, ut

nec virgulta vallo caedendo nec terra caespiti faciendo
 aut ducendae fossae aliive ulli operi apta inveniri
 posset; nec natura quicquam satis arduum aut abscon-
 sum erat, quod hosti aditum ascensumve difficultem
 paeberet; omnia fastigio leni subvexa. ut tamen
 aliquam imaginem valli obicerent, clitellas inligatas
 oneribus velut struentes ad altitudinem solitam cir-
 cumdabant cumulo sarcinarum omnis generis obiecto,
 ubi ad moliendum clitellae defuerant. Punici exer-
 citus postquam advenere, in tumulum quidem perfacile
 agmen erexere; munitionis facies nova primo eos velut
 miraculo quodam tenuit, cum duces undique vocifa-
 rentur, quid starent et non ludibrium illud vix femi-
 nis puerisve morandis satis validum distraherent diri-
 perentque? captum hostem teneri latentem post sarcinas.
 haec contemptim duces increpabant; ceterum neque
 transilire nec moliri onera obiecta nec caedere stipatas
 clitellas ipsisque obrutas sarcinis facile erat. truden-
 tes sudibus cum amoliti obiecta onera armatis dedissent
 viam, pluribusque idem partibus fieret, capta iam
 undique castra erant. pauci a multis perculsique a
 victoribus passim caedebantur; magna pars tamen
 militum cum in propinquas refugisset silvas, in
 castra P. Scipionis, quibus Ti. Fonteius legatus pre-
 erat, perfugerunt. Cn. Scipionem alii in tumulo primo
 impetu hostium caesum tradunt, alii cum paucis in
 propinquam castris turrim perfugisse; hanc igni cir-
 cumdatam atque ita exustis foribus, quas nulla moliri
 potuerant vi, captam omnisque intus cum ipso impe-
 ratore occisos. — Anno octavo, postquam in Hispaniam
 14 venerat, Cn. Scipio undetricimo die post fratris
 mortem est interfectus. luctus ex morte eorum non
 Romae maior quam per totam Hispaniam fuit; quin
 apud civis partem doloris et exercitus amissi et
 alienata provincia et publica trahebat clades; Hispa-
 niae ipsos lugebant desiderabantque duces, Gnaeum
 magis, quod diutius praefuerat iis priorque et favorem

occupaverat et specimen iustitiae temperantiaeque Romanae primus dederat.

¹ XXXVII. Cum deleti exercitus amissaeque Hispaniae viderentur, vir unus res perditas restituit. erat in exercitu L. Marcius Septimi filius, eques Romanus, impiger iuvenis animique et ingenii aliquanto quam pro fortuna, in qua erat natus, maioris. ad summam indolem accesserat Cn. Scipionis disciplina, sub qua per tot annos omnis militiae artis edoctus fuerat. is et ex fuga collectis militibus et quibusdam de praesidiis deductis haud contemnendum exercitum fecerat iunxeratque cum Ti. Fonteio, P. Scipionis legato. sed tantum praestitit eques Romanus auctoritate inter milites atque honore, ut castris citra Hiberum communitis, cum ducem exercitus comitiis militaribus creari placuisset, subeuntes alii aliis in custodiam valli stationesque, donec per omnis suffragium iret, ad L. Marcius cuncti summam imperii detulerint. omne inde tempus — exiguum id fuit — muniendis castris convehendisque commeatibus consumpsit; et omnia imperia milites cum in pigre, tum haudquam abiepto animo exequabantur. ceterum postquam Hasdrubalem Gisgonis venientem ad reliquias belli delendas transisse Hiberum et ad propinquare adlatum est, signumque pugnae propositum ab novo duce milites viderunt, recordati, quos paulo ante imperatores habuissent quibusque et ducibus et copiis freti prodire in pugnam soliti essent, flere omnes repente et offensare capita et alii manus ad caelum tendere deos incusantes, alii strati humi suum quisque nominatim ducem implorare. neque sedari lamentatio poterat excitantibus centurionibus manipulares et ipso mulcente et increpante Marcio, quod in muliebris et inutiles se proiecissent fletus potius, quam ad tutanos semet ipsos et rem publicam secum acuerent animos, et ne inultos imperatores suos iacere sinerent: cum subito clamor tubarumque sonus — iam enim

prope vallum hostes erant — exauditur. inde verso repente in iram luctu discurrunt ad arma, ac velut accensi rabie concurrunt ad portas et in hostem neglegenter atque incomposite venientem incurront. extemplo improvisa res pavorem incutit Poenis, mi-¹² rabundique, unde tot hostes subito exorti prope deleto exercitu forent, unde tanta audacia, tanta fiducia sui victis ac fugatis, quis imperator duobus Scipionibus caesis exstisset, quis castris praeesset, quis signum dedisset pugnae — ad haec tot tam necopinata primo¹³ omnium incerti stupentesque referunt pedem, dein valida impressione pulsi terga vertunt. et aut fugientium caedes foeda fuisset aut temerarius periculosusque sequentium impetus, ni Marcius propere receptui dedisset signum obsistensque ad prima signa et quosdam ipse retinens concitatam repressisset aciem. inde in castra avidos adhuc caedisque et sanguinis reduxit. Carthaginenses trepide primo ab hostium vallo acti¹⁵ postquam neminem insequi viderunt, metu substitisse rati contemptim rursus et sedato gradu in castra abeunt.

Par neglegentia in castris custodiendis fuit; nam¹⁶ etsi propinquus hostis erat, tamen reliquias eum esse duorum exercituum ante paucos dies deletorum succurrebat. ob hoc cum omnia neglecta apud hostis¹⁷ essent, exploratis iis Marcius ad consilium prima specie temerarium magis quam audax animum adiecit, ut ultro castra hostium oppugnaret, facilis esse ratus¹⁸ unius Hasdrubalis expugnari castra quam, si se rursus tres exercitus ac tres duces iunxissent, sua defendi; simul aut, si successisset coepitis, erecturum se ad¹⁹ flictas res aut, si pulsus esset, tamen ultro inferendo arma contemptum sui dempturum. XXXVIII. ne tamen¹ subita res et nocturnus terror et iam non suae fortunae consilium perturbaret, adloquendos adhortandosque sibi milites ratus contione advocata ita disseruit: „vel mea² erga imperatores nostros vivos mortuosque pietas, vel praesens omnium nostrum, milites, fortuna fidem cuivis

facere potest mihi hoc imperium, ut amplum iudicio vestro, ita re ipsa grave ac sollicitum esse. quo enim
 3 tempore, nisi metus maerorem obstupefaceret, vix ita
 compos mei essem, ut aliqua solacia invenire aegro
 animo possem, cogor vestram omnium vicem, quod
 4 difficillimum in luctu est, unus consulere. et ne tum
 quidem, ubi, quonam modo has reliquias duorum
 exercituum patriae conservare possim, cogitandum
 5 est, avertere animum ab assiduo maerore licet. praesto
 est enim acerba memoria, et Scipiones me ambo dies
 noctesque curis insomniisque agitant et excitant saepe
 6 somno, neu se, neu invictos per octo annos in his
 terris milites suos, commilitones vestros, neu rem
 publicam patiar inultam, et suam disciplinam suaque
 7 instituta sequi iubent et, ut imperiis vivorum nemo
 oboedientior me uno fuerit, ita post mortem suam,
 quod in quaque re facturos illos fuisse maxime cen-
 8 seam, id optimum ducere. vos quoque velim, milites,
 non lamentis lacrimisque tamquam extinctos prosequi
 — vivunt vigentesque fama rerum gestarum —, sed,
 quotienscumque occurret memoria illorum, velut si
 adhortantis signumque dantis videatis eos, ita proelia
 9 inire. nec alia profecto species hesterno die oblata
 oculis animisque vestris memorabile illud edidit proe-
 lium, quo documentum dedistis hostibus non cum Sci-
 10 pionibus extinctum esse nomen Romanum et, cuius
 populi vis atque virtus non obruta sit Cannensi clade,
 ex omni profecto saevitia fortunae emersuram esse.
 11 nunc, quia tantum ausi estis sponte vestra, experiri
 libet, quantum audeatis duce vestro auctore. non
 enim hesterno die, cum signum receptui dedi sequen-
 tibus effuse vobis turbatum hostem, frangere audaciam
 vestram, sed differre in maiorem gloriam atque oppor-
 12 tunitatem volui, ut postmodo praeparati incautos,
 armati inermes atque etiam soplitos per occasionem
 adgredi possetis. nec huius occasionis spem, milites,
 13 forte temere, sed ex re ipsa conceptam habeo. a vobis

quoque profecto si quis quaerat, quonam modo pauci
 a multis, victi a victoribus castra tutati sitis, nihil
 aliud respondeatis, quam id ipsum timentis vos omnia
 et operibus firmata habuisse et ipsos paratos in-
 structosque fuisse. et ita se res habet: ad id, quod 14
 ne timeatur fortuna facit, minime tuti sunt homines,
 quia, quod neglexeris, incautum atque apertum habeas.
 nihil omnium nunc minus metuant hostes, quam ne 15
 obsessi modo ipsi atque oppugnati castra sua ultro
 oppugnemus. audeamus, quod credi non potest ausu-
 ros nos. eo ipso, quod difficillimum videtur, facilius
 erit. tertia vigilia noctis silenti agmine ducam vos. 16
 exploratum habeo non vigiliarum ordinem, non sta-
 tiones iustas esse. clamor in portis auditus et primus 17
 impetus castra ceperit. tum inter torpidos somno
 paventisque ad necopinatum tumultum et inermis in
 cubilibus suis oppressos illa caedes edatur, a qua vos
 hesterno die revocatos aegre ferebatis. scio audax 18
 videri consilium; sed in rebus asperis et tenui spe
 fortissima quaeque consilia tutissima sunt, quia, si in
 occasionis momento, cuius praetervolat opportunitas,
 cunctatus paulum fueris, nequicquam mox omissam
 quaeras. unus exercitus in propinquuo est, duo haud 19
 procul absunt; nunc adgradientibus spes aliqua est;
 et iam temptastis vestras atque illorum vires. si 20
 diem proferimus et hesternae eruptionis fama con-
 temni desierimus, periculum est, ne omnes duces,
 omnes copiae convenient. tres deinde duces, tres
 exercitus sustinebimus hostium, quos Cn. Scipio in-
 columi exercitu non sustinuit? ut dividendo copias 21
 periere duces nostri, ita separatim ac divisi opprimi
 possunt hostes. alia belli gerendi via nulla est.
 proinde nihil praeter noctis proximae opportunitatem
 expectemus. ite deis bene iuvantibus, corpora curate, 22
 ut integri vigentesque eodem animo in castra hostium
 inrumpatis, quo vestra tutati estis.“

Laeti et audiere ab novo duce novum consilium, 23

et, quo audacius erat, magis placebat. reliquum diei expediendis armis et curatione corporum consumptum, et maior pars noctis quieti data est. quarta vigilia 1 movere. XXXIX. erant ultra proxima castra sex milium intervallo distantes aliae copiae Poenorum. valles cava intererat, condensa arboribus. in huius silvae medio ferme spatio cohors Romana arte Punica 2 abditur et equites. ita medio itinere intercepto ceterae copiae silenti agmine ad proximos hostis ductae, et, cum statio nulla pro portis neque in valle custodiae essent, velut in sua castra nullo usquam 3 obidente penetravere. inde signa canunt et tollitur clamor. pars semisomnos hostis caedunt, pars ignes casis stramento arido tectis iniciunt, pars portas oc- 4 cupant, ut fugam intercludant. hostes simul ignis, clamor, caedes velut alienatos sensibus nec audire 5 nec providere quicquam sinunt. incident inermes inter catervas armatorum. alii ruunt ad portas, alii ob- 6 saeptis itineribus super vallum saliunt. et ut quis- que evaserat, protinus ad castra altera fugiunt, ubi ab cohorte et equitibus ex occulto procurrentibus cir- 7 cumventi caesique ad unum omnes sunt; quamquam, etiamsi quis ex ea caede effugisset, adeo raptim a captis propioribus castris in altera transcursum castra ab Romanis est, ut praevenire nuntius cladis non 8 posset. ibi vero, quo longius ab hoste aberant, et quia sub lucem pabulatum lignatumque et praedatum quidam dilapsi fuerant, neglecta magis omnia ac soluta invenere, arma tantum in stationibus posita, milites inermes aut humi sedentes accubantesque aut 9 obambulantes ante vallum portasque. cum his tam securis solitusque Romani calentes adhuc ab recenti pugna feroceisque victoria proelium ineunt. itaque nequaquam resisti in portis potuit. intra portas con- cursu ex totis castris ad primum clamorem et tumul- 10 tum facto atrox proelium oritur. diuque tenuisset, ni cruenta scuta Romanorum visa indicium alterius cladis

Poenis atque inde pavorem inieccissent. hic terror in 11 fugam avertit omnis; effusique, qua iter est, nisi quos caedes oppressit, exuuntur castris. ita nocte ac die bina castra hostium expugnata ductu L. Marcii. Ad 12 triginta septem milia hostium caesa auctor est Claudius, qui annales Acilianos ex Graeco in Latinum sermonem vertit, captos ad mille octingentos triginta, praedam ingentem partam; in ea fuisse clipeum argenteum 13 pondo centum triginta septem cum imagine Barcis Hasdrubalis. Valerius Antias una castra Magonis capta 14 tradit, septem milia caesa hostium; altero proelio eruptione pugnatum cum Hasdrubale, decem milia occisa, quattuor milia trecentos triginta captos. Piso 15 quinque milia hominum, cum Mago cedentis nostros effuse sequeretur, caesa ex insidiis scribit. apud omnis 16 magnum nomen Marcii ducis est. et verae gloriae eius etiam miracula addunt: flamمام ei contionanti fusam e capite sine ipsis sensu cum magno pavore circumstantium militum; monumentumque victoriae 17 eius de Poenis usque ad incensum Capitolium fuisse in templo clipeum Marcium appellatum cum imagine Hasdrubalis. — Quietae deinde aliquamdiu in Hispania res fuere utrisque post tantas in vicem acceptas inlatasque clades cunctantibus periculum summae rerum facere.

XL. Dum haec in Hispania geruntur, Marcellus 1 captis Syracusis, cum cetera in Sicilia tanta fide atque integritate composuisset, ut non modo suam gloriam sed etiam maiestatem populi Romani augeret, orna- menta urbis, signa tabulasque, quibus abundabant Sy- racusae, Romam devexit, hostium quidem illa spolia et parta belli iure; ceterum inde primum initium mirandi 2 Graecarum artium opera licentiaeque huic sacra profanaque omnia vulgo spoliandi factum est, quae postremo in Romanos deos, templum id ipsum primum, quod a Marcello eximie ornatum est, vertit. visebantur enim 3 ab externis ad portam Capenam dedicata a. M. Mar-

cello templa propter excellentia eius generis ornata, quorum peregrina pars comparet. Legationes omnium ferme civitatum Siciliae ad eum conveniebant. dispar ut causa earum, ita condicio erat. qui ante captas Syracusas aut non desciverant aut redierant in amicitiam, ut socii fideles accepti cultique quos metus post captas Syracusas dediderat, ut victi a victore leges acceperunt. erant tamen haud parvae reliquiae belli circa Agrigentum Romanis, Epicydes et Hanno duces reliqui prioris belli et tertius novus ab Hannibale in locum Hippocratis missus, Libyphoenicum generis Hippacritanus — Muttinis populares vocabant —, vir impiger et sub Hannibale magistro omnis belli artes edoctus. huic ab Epicyde et Hannone Numidae dati auxiliares, cum quibus ita pervagatus est hostium agros, ita socios ad retinendos in fide animos eorum ferendo in tempore cuique auxilium adiit, ut brevi tempore totam Siciliam impletret nominis sui, nec spes alia maior apud faventis rebus Carthaginiensium esset. itaque inclusi ad id tempus moenibus Agrigenti dux Poenus Syracusanus que non consilio Muttinis quam fiducia magis ausi egredi extra muros ad Himeram amnem posuerunt castra. quod ubi perlatum ad Marcellum est, extemplo copias movit et ab hoste quattuor ferme milium intervallo consedit, quid agerent pararentve, expectaturus. sed nullum neque locum neque tempus cunctationi consiliove dedit Muttinis, transgressus amnem ac stationibus hostium cum ingenti terrore ac tumultu inventus. postero die prope iusto proelio compulit hostis intra munimenta. inde revocatus seditione Numidarum in castris facta, cum trecenti ferme eorum Heracleam Minoam concessissent, ad mitigandos revocandosque eos profectus magno opere monuisse duces dicitur, ne absente se cum hoste manus consererent. id ambo aegre passi duces, magis Hanno, iam ante anxius gloria eius: Muttinem sibi

modum facere, degenerem Afrum imperatori Carthaginensi misso ab senatu populoque! is perpulit¹³ cunctantem Epicyden, ut transgressi flumen in aciem exirent: nam si Muttinem opperirentur, et secunda pugnae fortuna evenisset, haud dubie Muttinis gloriam fore. XLI. enimvero indignum ratus Marcellus se,¹ qui Hannibalem subnixum victoria Cannensi ab Nola reppulisset, his terra marique victis ab se hostibus cedere, arma propere capere milites et efferriri signa iubet. instruente exercitum decem effusis equis ad² volant ex hostium acie Numidae nuntiantes populares suos, primum ea seditione motos, qua trecenti ex numero suo concesserint Heracleam, dein quod praefectum suum ab obtrectantibus ducibus gloriae eius sub ipsam certaminis diem ablegatum videant, quieturos in pugna. gens fallax promissi fidem praestitit.⁴ itaque et Romanis crevit animus nuntio celeri per ordines misso, destitutum ab equite hostem esse, quem maxime timuerant, et territi hostes, praeterquam quod⁵ maxima parte virium suarum non iuvabantur, timore etiam incusso, ne ab suomet ipsi equite oppugnarentur. itaque haud magni certaminis fuit *proelium*;⁶ primus clamor atque inpetus rem decrevit. Numidae cum in concursu quieti stetissent in cornibus, ut terga dantis suos viderunt, fugae tantum parumper comites facti, postquam omnes Agrigentum trepidi⁷ agmine petentes viderunt, ipsi metu obsidionis passim in civitatis proxumas dilapsi. multa milia hominum caesa, capta sex milia et octo elephanti. haec ultima in Sicilia Marcelli pugna fuit. victor inde Syracusas rediit.

Iam ferme in exitu annus erat; itaque senatus⁸ Romae decrevit, ut P. Cornelius praetor litteras Capuam ad consules mitteret: dum Hannibal procul abesset, nec ulla magni discriminis res ad Capuam gereretur, alter eorum, si ita videretur, ad magistratus subrogandos Romam veniret. litteris acceptis inter se¹⁰

consules compararunt, ut Claudius comitia perficeret,
 11 Fulvius ad Capuam maneret. consules Claudius crea-
 vit Cn. Fulvium Centimalum et P. Sulpicius Servii
 filium Galbam, qui nullum antea curulem magistratum
 12 gessisset. praetores deinde creati *L. Cornelius Len-*
tulus M. Cornelius Cethegus C. Sulpicius C. Calpurnius
 13 Piso. Pisoni iuris dictio urbana, Sulpicio Sicilia,
 Cethego Apulia, Lentulo Sardinia evenit. consulibus
 prorogatum in annum imperium est.

TITI LIVI
 AB URBE CONDITA
 LIBER XXVI.

PERIOCHA LIBRI XXVI.

Hannibal ad tertium lapidem ab urbe Roma super Anie-
 nem castra posuit. ipse cum duobus milibus equitum usque
 ad ipsam Capenam portam, ut situm urbis exploraret, obequi-
 tavit. et cum per triduum in aciem utrumque exercitus omnis
 descendisset, certamen tempestas diremit; nam cum in castra
 redisset, statim serenitas erat. Capua capta est a Q. Fulvio
 et Ap. Claudio consulibus. principes Campanorum veneno sibi
 mortem conciverunt. cum senatus Campanorum diligatus esset
 ad palos, ut securi feriretur, litteras a senatu missas Q. Fulvius
 consul, quibus iubebatur parcere, antequam legeret, in sinu
 posuit et lege agi iussit et supplicium peregit. cum comitiis
 apud populum quaereretur, cui mandaretur Hispaniarum im-
 perium, nullo id volente suscipere P. Scipio, P. filius eius, qui
 in Hispania ceciderat, professus est se iturum et suffragio po-
 puli consensuque omnium missus Novam Carthaginem expugna-
 vit, cum haberet annos XXIV videreturque divina stirpe creatus,
 quia et ipse, postquam togam acceperat, cotidie in Capitolio
 erat, et in cubiculo matris eius anguis saepe videbatur. res
 praeterea gestas in Sicilia continet et amicitiam cum Aetolis
 iunctam bellumque gestum adversus Acarnanas et Philippum,
 Macedonia regem.

I. Cn. Fulvius Centimalus P. Sulpicius Galba con- 1
 sules cum idibus Martiis magistratum inissent, senatu
 in Capitolium vocato de re publica, de administratione
 belli, de provinciis exercitibusque patres consuluerunt.
 Q. Fulvio Ap. Claudio, prioris anni consulibus, pro- 2
 rogatum imperium est atque exercitus, quos habebant,

decreti adiectumque, ne a Capua, quam obsidebant,
 3 abscederent prius quam expugnassent. ea tum cura
 maxime intentos habebat Romanos, non ab ira tantum,
 quae in nullam umquam civitatem iustior fuit, quam
 4 quod urbs tam nobilis ac potens, sicut defectione sua
 traxerat aliquot populos, ita recepta inclinatura rursus
 5 animos videbatur ad veteris imperii respectum. et prae-
 toribus prioris anni, M. Iunio in Etruria, P. Sempronio
 in Gallia, cum binis legionibus, quas habuerant, pro-
 6 rogatum est imperium; prorogatum et M. Marcello,
 ut pro consule in Sicilia reliqua belli perficeret eo
 7 exercitu, quem haberet; si supplemento opus esset, sup-
 pleret de legionibus, quibus P. Cornelius propraetor
 8 in Sicilia preeisset, dum ne quem militem legeret ex
 eo numero, quibus senatus missionem redditumque in
 9 patriam negasset ante belli finem. C. Sulpicio, cui
 Sicilia evenerat, duae legiones, quas P. Cornelius
 habuisset, decretae et supplementum de exercitu Cn.
 Fulvii, qui priore anno in Apulia foede caesus fugatus-
 10 que erat. huic generi militum senatus eundem quem
 Cannensibus finem statuerat militiae. additum etiam
 utrorumque ignominiae est, ne in oppidis hibernarent
 neve hiberna propius ullam urbem decem milibus pas-
 11 suum aedificarent. L. Cornelio in Sardinia duae legiones
 datae, quibus Q. Mucius praefuerat; supplementum, si
 12 opus esset, consules scribere iussi. T. Otacilio et M.
 Valerio Siciliae Graeciaeque ora cum legionibus classi-
 busque, quibus preeerant, decretae; quinquaginta Graecia
 cum legione una, centum Sicilia cum duabus legionibus
 13 habebant naves. tribus et viginti legionibus Romanis
 eo anno bellum terra marique est gestum.

1 II. Principio eius anni cum de litteris L. Marcii
 referretur, res gestae magnificae senatui visae; titulus
 honoris, quod imperio non populi iussu, non ex auto-
 ritate patrum dato "propraetor senatui" scripserat,
 2 magnam partem hominum offendebat: rem mali exempli
 esse, imperatores legi ab exercitibus et sollemne auspi-

candorum comitiorum in castra et provincias procul
 ab legibus magistratibusque ad militarem temeritatem
 transferri. et cum quidam referendum ad senatum cen-
 serent, melius visum differri eam consultationem, donec
 proficiserentur equites, qui ab Marcio litteras attule-
 rant. rescribi de frumento et vestimentis exercitus 4
 placuit eam utramque rem curae fore senatui; adscribi
 autem "propraetori L. Marcio" non placuit, ne id ipsum,
 quod consultationi reliquerant, pro praediudicato ferret.
 dimissis equitibus de nulla re prius consules rettule- 5
 runt, omniumque in unum sententiae congruebant, agen-
 dum cum tribunis plebis esse, primo quoque tempore
 ad plebem ferrent, quem cum imperio mitti placeret
 in Hispaniam ad eum exercitum, cui Cn. Scipio im-
 perator preefuissest. ea res cum tribunis acta promul- 6
 gataque est.

Sed aliud certamen occupaverat animos. C. Sem- 7
 pronius Blaesus die dicta Cn. Fulvium ob exercitum
 in Apulia amissum in contionibus vexabat, multos im-
 peratores temeritate atque inscitia exercitum in locum
 praecipitem perduxisse dictitans, neminem praeter Cn. 8
 Fulvium ante conrupisse omnibus vitiis legiones suas,
 quam proderet. itaque vere dici posse prius eos perisse,
 quam viderent hostem, nec ab Hannibale, sed ab im-
 peratore suo victos esse. neminem, cum suffragium 9
 ineat, satis cernere, cui imperium, cui exercitum per-
 mittat. quid interfuisse inter Ti. Sempronium et Cn.
 Fulvium? Ti. Sempronium, cum ei servorum exercitus 10
 datus esset, brevi effecisse disciplina atque imperio,
 ut nemo eorum generis ac sanguinis sui memor in acie
 esset, praesidio sociis, hostibus terrori essent; Cumas,
 Beneventum aliasque urbes eos velut e fauibus Han-
 nibalis ereptas populo Romano restituisse: Cn. Ful- 11
 vium Quiritium Romanorum exercitum, honeste genitos,
 liberaliter educatos servilibus vitiis imbuisse. ergo
 effecisse, ut feroce et inquieti inter socios, ignavi et
 inbelles inter hostes essent nec impetum modo Poe-

12 norum, sed ne clamorem quidem sustinere possent. nec
hercule mirum esse *cessisse* milites in acie, cum primus
13 omnium imperator fugeret; magis mirari se aliquos
stantis cecidisse, et non omnes comites Cn. Fulvi fuisse
pavoris ac fugae. C. Flaminium, L. Paulum, L. Postu-
mum, Cn. ac P. Scipiones cadere in acie maluisse
14 quam deserere circumventos exercitus: Cn. Fulvium
prope unum nuntium deleti exercitus Romam redisse.
facinus indignum esse Cannensem exercitum, quod ex
acie fugerit, in Siciliam deportatum, ne prius inde
dimittatur, quam hostis ex Italia decesserit, et hoc
15 idem in Cn. Fulvi legionibus nuper decretum: Cn. Fulvio
fugam ex proelio ipsius temeritate commisso impuni-
tam esse, et eum in ganea lustrisque, ubi iuuentam
16 egerit, senectutem acturum, milites, qui nihil aliud
peccaverint, quam quod imperatoris similes fuerint,
relegatos prope in exilium ignominiosam pati militiam.
adeo imparem libertatem Romae diti ac pauperi, hono-
1 rato atque inhonorato esse. III. reus ab se culpam
in milites transferebat: eos ferociter pugnam poscentis
productos in aciem, non eo quo voluerint, quia serum
diei fuerit, sed postero die, et tempore et loco aequo
instructos, seu famam seu vim hostium non sustinuisse.
2 cum effuse omnes fugerent, se quoque turba ablatum,
ut Varronem Cannensi pugna, ut multos alias impe-
3 ratores. qui autem solum se restantem prodesse rei
publicae, nisi si mors sua remedio publicis cladibus
4 futura esset, potuisse? non se inopia commeatus in
loca iniqua incaute deductum, non agmine inexplorato
euntem insidiis circumventum; vi aperta, armis, acie
victum. nec suorum animos nec hostium in potestate
habuisse: suum cuique ingenium audaciam aut pav-
5 rem facere. bis est accusatus pecuniaque anquisitum;
tertio testibus datis, cum, praeterquam quod omnibus
probris onerabatur, iurati permulti dicerent fugae pavo-
risque initium a praetore ortum, ab eo desertos mili-
6 tes, cum haud vanum timorem ducis crederent, terga

dedisse, tanta ira accensa est, ut capite anquirendum
contio sucllamaret. de eo quoque novum certamen 7
ortum; nam cum bis pecunia anquisisset, tertio capitio
se anquirere diceret, tribuni plebis appellati conlegae 8
negarunt se in mora esse, quo minus, quod ei more
maiorum permissum esset, seu legibus seu moribus
mallet, anquireret, quoad vel capitio vel pecuniae iudi- 9
casset privato. tum Sempronius perduellionis se iudi-
care Cn. Fulvio dixit diemque comitiis ab C. Calpurnio
praetore urbano petit. inde alia spes ab reo temptata 10
est, si adesse in iudicio Q. Fulvius frater posset, florens
tum et fama rerum gestarum et propinqua spe Capuae
potiundae. id cum per litteras miserabiliter pro fratri 11
capite scriptas petisset Fulvius, negassentque patres
e re publica esse abscedi a Capua, postquam dies co- 12
mitiorum aderat, Cn. Fulvius exulatum Tarquinios abiit.
id ei iustum exilium esse scivit plebs.

IV. Inter haec vis omnis belli versa in Ca- 1
puam erat; obsidebatur tamen acrius quam oppugna-
batur; nec aut famem tolerare servitia ac plebs poterant
aut mittere nuntios ad Hannibalem per custodias tam
artas. inventus est Numida, qui acceptis litteris eva- 2
surum se professus praestaret promissum. per media
Romana castra nocte egressus spem accedit Campanis,
dum aliquid virium superesset, ab omni parte eruptio-
nen temptandi. ceterum in multis certaminibus eque- 3
stria proelia ferme prospera faciebant, pedite superaban-
tut. sed nequaquam tam laetum vincere quam triste
vinci ulla parte erat ab obsesso et prope expugnato
hoste. inita tandem ratio est, ut quod viribus deerat 4
arte aequaretur. ex omnibus legionibus electi sunt
iuyenes maxime vigore ac levitate corporum veloces;
eis parmae breviores quam equestres et septena iacula
quaternos longa pedes data praefixa ferro, quale hastis
velitaribus inest. eos singulos in equos suos accipientes 5
equites adsuefecerunt et vehi post sese et desilire per-
niciter, ubi datum signum esset. *id* postquam ad- 6
8*

suetudine cotidiana satis intrepide fieri visum est, in campum, qui medius inter castra murumque erat, ad
 7 versus instructos Campanorum equites processerunt, et,
 ubi ad coniectum teli ventum est, signo dato velites
 desiliunt. pedestris inde acies ex equitatu repente in
 hostium equites incurrit, iaculae cum impetu alia
 8 super alia emittunt. quibus plurimis in equos viros
 que passim coniectis permultos vulneraverunt, pavoris
 tamen plus ex re nova atque inopinata innectum est,
 et in perculsum hostem equites inventi fugam stragem-
 9 que eorum usque ad portas fecerunt. inde equitatu
 quoque superior Romana res fuit. institutum, ut veli-
 10 tes in legionibus essent. auctorem peditum equiti in-
 miscendorum centurionem Q. Navium ferunt, honorique
 id ei apud imperatorem fuisse.

1 V. Cum in hoc statu ad Capuam res essent, Hanni-
 balem diversum Tarentinae arcis potiundae Capuaeque
 2 retinendae trahebant curae. vicit tamen respectus Ca-
 pucae, in quam omnium sociorum hostiumque conversos
 videbat animos, documento futurae, qualemcumque
 3 eventum defectio ab Romanis habuisse. igitur magna
 parte impedimentorum relicta in Bruttii et omni gra-
 viore armatu cum delectis peditum equitumque quam
 poterat aptissimus ad maturandum iter in Campaniam
 contendit. secuti tamen tam raptim euntem tres et
 4 triginta elephanti. in valle occulta post Tifata mon-
 tem imminentem Capuae consedit. adveniens cum
 castellum Galatiam praesidio vi pulso cepisset, in cir-
 5 cumsedentis Capuam se vertit, praemissisque nuntiis
 Capuam, quo tempore castra Romana adgressurus esset,
 ut eodem et illi ad eruptionem parati portis omnibus
 6 sese effunderent, ingentem praebuit terrorem. nam
 alia parte ipse adortus est, alia Campani omnes, equites
 peditesque, et cum iis Punicum praesidium, cui Bostar
 7 et Hanno praeerant, erupit. Romani ut in re trepida,
 ne ad unam concurrendo partem aliquid indefensi re-
 8 linquerent, ita inter sese copias partiti sunt: Ap. Claudius

Campanis, Fulvius Hannibali est oppositus; C. Nero
 propraetor cum equitibus sex legionum via, quae Sues-
 sulam fert, C. Fulvius Flaccus legatus cum sociali
 equitatu constitut in regione Volturni amnis. proelium
 non solito modo clamore ac tumultu est coepit, sed
 ad alium virorum, equorum armorumque sonum dispo-
 sita in muris Campanorum inbellis multitudo tantum
 cum aeris crepitum, qualis in defectu lunaे silenti nocte
 cieri solet, edidit clamorem, ut averteret etiam pugnan-
 tium animos. Campanos facile a vallo Appius arcebat; 10
 maior vis ab altera parte Fulvium Hannibal et Poeni
 urgebant. legio ibi sexta loco cessit, qua pulsa cohors
 Hispanorum cum tribus elephantis usque ad vallum
 pervasit, ruperatque medium aciem Romanorum et in
 ancipiis spe ac periculo erat, utrum in castra per-
 rumperet an intercluderetur a suis. quem pavorem 12
 legionis periculumque castrorum Fulvius ubi vidit,
 Q. Navium primoresque alios centurionum hortatur, ut
 cohortem hostium sub vallo pugnantem invadant: in
 summo discrimine rem verti; aut viam dandam iis esse, 13
 et minore conatu, quam condensam aciem rupissent,
 in castra inrupturos, aut conficiendos sub vallo esse.
 nec magni certaminis rem fore: paucos esse et ab suis 14
 interclusos, et quae, dum paveat Romanus, interrupta
 acies videatur, eam, si se utrumque in hostem vertat,
 ancipiis pugna medios circumventuram. Navius ubi 15
 haec imperatoris dicta accepit, secundi hastati signum
 ademptum signifero in hostis infert, iacturum in medios
 eos minitans, ni se propere sequantur milites et par-
 tem capessant pugnae. ingens corpus erat, et arma 16
 honestabant, et sublatum alte signum converterat ad
 spectaculum cives hostesque. ceterum postquam iam 17
 ad signa pervenerat Hispanorum, tum undique in eum
 tragulae coniectae et prope tota in unum acies versa;
 sed neque multitudo hostium neque telorum vis arcere
 impetum eius viri potuerunt. VI. Et M. Atilius lega- 1
 tus primi principis ex eadem legione signum inferre

in cohortem Hispanorum coepit; et qui castris praer-
erant L. Porcius Licinus et T. Popilius legati pro vallo
acriter propugnant elephantosque transgredientes in
2 ipso vallo conficiunt quorum corporibus cum oppleta
fossa esset, velut aggere aut ponte injecto transitum
hostibus dedit. ibi super stragem iacentium elephan-
3 torum atrox edita caedes. altera in parte castrorum
iam impulsi erant Campani Punicumque praesidium et
sub ipsa porta Capuae, quae Vulturnum fert, pugna-
4 batur; neque tam armati inrumpentibus Romanis re-
sistebant, quam porta ballistis scorpionibusque instructa
5 missilibus procul hostis arcebat. et suppressit impetum
Romanorum vulnus imperatoris Ap. Claudi, cui suos
ante prima signa adhortanti sub laevo umero summum
pectus gaeso ictum est. magna vis tamen hostium
ante portam est caesa, ceteri trepidi in urbem con-
6 pulsi. et Hannibal, postquam cohortis Hispanorum
stragem vidiit summaque vi castra hostium defendi,
omissa oppugnatione recipere signa et convertere agmen
peditum obiecto ab tergo equitatu, ne hostis instaret,
7 coepit. legionum ardor ingens ad hostem insequen-
dum fuit; Flaccus receptui cani iussit, satis ad utrum-
que profectum ratus, ut et Campani, quam haud mul-
tum in Hannibale praesidii esset, et ipse Hannibal
8 sentiret. caesa eo die qui huius pugnae auctores sunt
octo milia hominum de Hannibal's exercitu, tria ex
Campanis tradunt, signaque Carthaginiensibus quin-
9 decim adempta, duodeviginti Campanis. apud alios
nequaquam tantam molem pugnae inveni plusque pa-
voris quam certaminis fuisse, cum inopinato in castra
Romana Numidae Hispanique cum elephantis inru-
10 pissent, elephanti per media castra vadentes stragem
tabernaculorum ingenti sonitu ac fugam abrumptum
11 vincula iumentorum facerent; fraudem quoque super
tumultum adiectam inmissis ab Hannibale, qui habitu
Italico gnari Latinae linguae iuberent consulum ver-
bis, quoniam amissa castra essent, pro se quemque

militum in proximos montes fugere; sed eam celeriter 12
cognitam fraudem oppressamque magna caede hostium;
elephantos igni e castris exactos. Hoc ultimum — ut 13
cumque initum finitumque est — ante ditionem Ca-
puae proelium fuit. medix tuticus, qui summus magi-
stratus apud Campanos est, eo anno Seppius Loesius
erat, loco obscurō tenuique fortuna ortus. matrem 14
eius quondam pro pupillo eo procurantem familiare
ostentum, cum respondisset haruspex summum quod
esset imperium Capuae per venturum ad eum puerum,
nihil ad eam spem adgnoscentem dixisse ferunt “ne 15
tu perditas res Campanorum narras, ubi summus honos
ad filium meum perveniet.” ea ludificatio veri et ipsa 16
in verum vertit; nam cum fame ferroque urgerentur
nec spes ulla superesset sisti posse, iis, qui nati in
spem honorum erant, honores detrectantibus, Loesius 17
querendo desertam ac proditam a primoribus Capuam
summum magistratum ultimus omnium Campanorum
cepit.

VII. Ceterum Hannibal ut nec hostis elici amplius 1
ad pugnam vidiit neque per castra eorum perrumpi ad
Capuam posse, ne suos quoque commeatus interclu- 2
derent novi consules, abscedere inrito incepto et movere
a Capua statuit castra. multa secum, quoniam inde 3
ire pergeret, volventi subiit animum impetus caput
ipsum belli Romam petendi, cuius rei semper cupitae
praetermissam occasionem post Cannensem pugnam et
ali i vulgo fremebant et ipse non dissimulabat: necopi- 4
nato pavore ac tumultu non esse desperandum aliquam
partem urbis occupari posse; et, si Roma in discri- 5
mine esset, Capuam extemplo omissuros aut ambo
imperatores Romanos aut alterum ex iis, et, si divi-
sissent copias, utrumque infirmorem factum aut sibi
aut Campanis bene gerendae rei fortunam daturos esse.
una ea cura angebat, ne, ubi abscessisset, extemplo 6
dederentur Campani. Numidam promptum ad omnia
audenda agendaque donis perlicit, ut litteris acceptis

specie transfugae castra Romana ingressus altera parte
 7 clam Capuam pervadat. litterae autem erant adhortatione plenae: profectionem suam, quae salutaris illis foret, abstracturam ad defendendam Romanam ab oppugnanda Capua duces atque exercitus Romanos. ne
 8 desponderent animos; tolerando paucos dies totam solutu-
 9 rios obsidionem. inde navis in flumine Vulturno comprehensas subigi ad id, quod iam ante praesidii causa
 10 fecerat, castellum iussit. quarum ubi tantam copiam esse, ut una nocte traici posset exercitus, allatum est, cibariis decem dierum praeparatis deductas nocte ad fluvium legiones ante lucem traiecit.

1 VIII. Id priusquam fieret, ita futurum conpertum ex transfugis Fulvius Flaccus senatui Romanam cum scripsisset, varie animi hominum pro cuiusque ingenio
 2 affecti sunt. ut in re tam trepida senatu extemplo vocato P. Cornelius, cui Asinae cognomen erat, omnes duces exercitusque ex tota Italia neque Capuae neque ullius alterius rei memor ad urbis praesidium revocabat; Fabius Maximus abscedi a Capua terrorique et circumagi ad nutus comminationesque Hannibalis flagitiosum ducebat: qui ad Cannas victor ire tamen ad urbem ausus non esset, eum a Capua repulsum spem potiundae urbis Romae cepisse! non ad Romanam obsidendam, sed ad Capuae liberandam obsidionem ire. Romanum cum eo exercitu, qui ad urbem esset, Iovem foederum ruptorum ab Hannibale testem deosque alias 6 defensuros esse. has diversas sententias media sententia P. Valerii Flacci vicit, qui utriusque rei memor imperatoribus, qui ad Capuam essent, scribendum censuit, quid ad urbem praesidii esset; quantas autem Hannibal copias duceret aut quanto exercitu ad Capuam obsidendam opus esset, ipsos scire. si ita Romanum e ducibus alter et exercitus pars mitti posset, ut ab reliquo et duce et exercitu Capua recte obsideretur, 8 inter se compararent Claudius Fulviusque, utri obsidenda Capua, utri ad prohibendam obsidione patriam

Romanam veniendum esset. hoc senatus consulto Capuam perlato Q. Fulvius proconsul, cui, collega ex vulnere aegro, digrediendum Romanam erat, e tribus exercitibus milite electo, ad quindecim milia peditum, mille equites Vulturnum traducit. inde cum Hannibalem Latina via 9 iturum satis comperisset, ipse per Appiae municipia quaeque propter eam viam sunt, Setiam, Coram, Lavinium praemisit, ut commeatus paratos et in urbibus 10 haberent et ex agris deviis in viam proferrent praesidiaque in urbes contraherent, ut sua cuique res publica in manu esset.

IX. Hannibal quo die Vulturnum est transgressus, 1 haud procul a flumine castra posuit; postero die praeter 2 Cales in agrum Sidicinum pervenit. ibi diem unum populando moratus per Suessanum Allifanumque et Casinatem agrum via Latina ducit. sub Casino biduo stativa habita et passim populationes factae. inde prae- 3 ter Interamnam Aquinumque in Fregellanum agrum ad Lirim fluvium ventum, ubi intercismum pontem a Fregellanis morandi itineris causa invenit. et Fulvium 4 Vulturnus tenuerat amnis navibus ab Hannibale incensis rates ad traiciendum exercitum in magna inopia materiae aegre comparantem. traecto ratibus exercitu 5 reliquum Fulvio expeditum iter non per urbes modo sed circa viam expositis benigne commeatis erat, alacresque milites aliis alium, ut adderet gradum memor ad defendendam iri patriam, hortabantur. Romanum 6 Fregellanus nuntius diem noctemque itinere continuato ingentem attulit terrorem; tumultuosius, quam *quod* allatum erat, concursus hominum adfingentium vana auditis totam urbem concitat. ploratus mulierum non 7 ex privatis solum domibus exaudiebatur, sed undique matronae in publicum effusae circa deum delubra discurrunt, crinibus passis aras verrentes, nixae genibus, supinas manus ad caelum ac deos tendentes orantesque, ut urbem Romanam e manibus hostium eriperent matresque Romanas et liberos parvos inviolatos ser-

9 varent. senatus magistratibus in foro praesto est, si quid consulere velint. alii accipiunt imperia disceduntque ad suas quisque officiorum partes, alii offerunt se, si quo usus operaे sit. praesidia in arce, in Capitolio, in muris, circa urbem, in monte etiam Albano
 10 atque arce Aefulana ponuntur. inter hunc tumultum Q. Fulvium proconsulem profectum cum exercitu Capua adfertur; cui ne minueretur imperium, si in urbem venisset, decernit senatus, ut Q. Fulvio par cum consilibus imperium esset. Hannibal infestius perpopulato agro Fregellano propter intercisos pontis, per Frusinatem Ferentinatemque et Anagninum agrum in Labi-
 11 canum venit. inde Algidu Tusculum petiit, nec receptus moenibus infra Tusculum dextrorsus Gabios descendit. inde in Pupiniam exercitu demisso octo milia passuum
 12 ab Roma posuit castra. quo propius hostis accedebat, eo maior caedes fiebat fugientium praecedentibus Numidis, pluresque omnium generum atque aetatum capiebantur.

1 X. In hoc tumultu Fulvius Flaccus porta Capena cum exercitu Romam ingressus media urbe per Carinas Esquilias contendit; inde egressus inter Esquilinam
 2 Collinamque portam posuit castra. aediles plebis commatum eo conportarunt. consules senatusque in castra venerunt. ibi de summa re publica consultatum. placuit consules circa portas Collinam Esquilinamque ponere castra, C. Calpurnium praetorem urbanum Capitolio atque arcis praesesse et senatum frequentem in foro contineri, si quid in tam subitis rebus consulto
 3 opus esset. Inter haec Hannibal ad Anienem fluvium tria milia passuum ab urbe castra admovit. ibi stativis positis ipse cum duobus milibus equitum ad portam Collinam usque ad Herculis templum est progressus atque, unde proxime poterat, moenia situmque urbis
 4 obequitans contemplabatur. id eum tam licenter atque otiose facere Flacco indignum visum est; itaque immisit equites summoverique atque in castra redigi hostium

equitatum iussit. cum commissum proelium esset, consules transfugas Numidarum, qui tum in Aventino ad mille et ducenti erant, media urbe transire Esquilias iusserunt, nullos aptiores inter convales tectaque hor-
 5 torum et sepulera et cavas undique vias ad pugnandum futuros rati. quos cum ex arce Capitolioque clivo Publicio in equis decurrentis quidam vidissent, captum Aventinum conclamaverunt. ea res tantum tumultum ac fugam praebuit, ut, nisi castra Punica extra urbem fuissent, effusura se omnis pavida multitudine fuerit; tunc in domos atque in tecta refugiebant vagosque in viis suos pro hostibus lapidibus telisque incescebant. nec comprimi tumultus apeririique error poterat re-
 8 fertis itineribus agrestium turba pecorumque, quae repentinus pavor in urbem compulerat. equestre proelium secundum fuit, summotique hostes sunt. et quia multis locis comprimenti tumultus erant, qui temere oriebantur, placuit omnes, qui dictatores, consules censoresve fuissent, cum imperio esse, donec recessisset a muris hostis. et diei quod reliquum fuit et nocte 10 insequenti multi temere excitati tumultus sunt compressique.

XI. Postero die transgressus Anienem Hannibal
 1 in aciem omnis copias eduxit; nec Flaccus consulesque certamen detrectavere. instructis utrimque exercitibus
 2 in eius pugnae casum, in qua urbs Roma victori prae-
 3 mium esset, imber ingens grandine mixtus ita ultramque aciem turbavit, ut vix armis retentis in castra sese receperint nullius rei minore quam hostium metu.
 et postero die eodem loco acies instructas eadem tem-
 4 pestas diremit. ubi receperissent se in castra, mira serenitas cum tranquillitate oriebatur. in religionem ea
 5 res apud Poenos versa est, auditaque vox Hannibalis fertur, potiundae sibi urbis Romae modo mentem non dari, modo fortunam. minuere etiam spem eius duae aliae, parva magnaque, res: magna illa, quod, cum ipse ad moenia urbis Romae armatus sederet, milites

sub vexillis in supplementum Hispaniae profectos audiit; 6 parva autem, quod per eos dies eum forte agrum, in quo ipse castra haberet, venisse nihil ob id deminuto 7 pretio cognitum ex quodam captivo est. id vero adeo superbum atque indignum visum, eius soli, quod ipse bello captum possideret haberetque, inventum Romae emptorem, ut extemplo vocato praecone tabernas argentarias, quae circa forum Romanum essent, iusserit 8 venire. his motus ad Tutilam fluvium castra rettulit, sex milia passuum ab urbe. inde ad lucum Feroniae pergit ire, templum ea tempestate inclutum dixit. 9 Capenates aliique, qui accolae eius erant, primitias frugum eo donaque alia pro copia portantes multo auro argentoque id exornatum habebant. iis omnibus donis tum spoliatum templum. aeris acervi, cum rudera milites religione inducti iacerent, post profactionem 10 Hannibal magni inventi. huius populatio templi haud dubia inter scriptores est. Coelius Romam euntem ab Ereto devertisse eo Hannibalem tradit iterque eius ab 11 Reate Cutilisque et ab Amiterno orditur; ex Campania in Samnum, inde in Paenitentes pervenisse praeterque oppidum Sulmonem in Marrucinos transisse, inde Albeni agro in Marsos, hinc Amiternum Forulosque 12 vicum venisse. neque ibi error est, quod tanti ducis tantique exercitus vestigia intra tam brevis aevi memoriam potuerint confundi — isse enim ea constat —, 13 tantum id interest, veneritne eo itinere ad urbem, an ab urbe in Campaniam redierit.

1 XII. Ceterum non quantum Romanis pertinaciae ad premendam obsidione Capuam fuit, tantum ad defendendam Hannibali. namque per Samnum et Lucanos in Bruttium agrum ad fretum ac Regium eo cursu contendit, ut prope repentina adventu incautos op- 3 presserit. Capua etsi nihilo segnissima per eos dies fuerat, tamen adventum Flacci sensit, et admiratio 4 orta est non simul regressum Hannibalem. inde per conloquia intellexerunt relictos se desertosque et spem

Capuae retinendae deploratam apud Poenos esse. ac- 5 cessit edictum proconsulis ex senatus consulto propositum vulgatumque apud hostis, ut qui civis Campanus ante certam diem transisset, sine fraude esset. nec 6 ulla facta est transitio metu magis eos quam fide continente, quia maiora in defectione deliquerant, quam quibus ignosci posset. ceterum quem ad modum nemo 7 privato consilio ad hostem transibat, ita nihil salutare in medium consulebat. nobilitas rem publicam 8 deseruerant neque in senatum cogi poterant; in magistratu erat, qui non sibi honorem adieceret, sed indignitate sua vim ac ius magistratui, quem gerebat, dempsisset; iam ne in foro quidem aut publico loco 9 principum quisquam apparebat, domibus inclusi patriae occasum cum suo exitio in dies expectabant; summa 10 curae omnis in Bostarem Hannonemque, praefectos praesidii Punici, versa erat, suo, non sociorum periculo sollicitos. ii conscriptis ad Hannibalem litteris 11 non libere modo sed etiam aspere, quibus non Capuam solam traditam in manum hostibus, sed se quoque et praesidium in omnis cruciatus proditos incusabant: ab- 12 isse eum in Bruttios velut avertentem sese, ne Capua in oculis eius caperetur; at hercule Romanos ne oppugnatione quidem urbis Romanae abstrahi a Capua obsidenda potuisse: tanto constantiorem inimicum Romanum quam amicum Poenum esse. si redeat Capuam bellumque omne eo vertat, et se et Campanos paratos eruptioni fore. non cum Reginis neque Tarentinis 13 bellum gesturos transisse Alpis; ubi Romanae legiones sint, ibi et Carthaginiensium exercitus debere esse. sic ad Cannas, sic ad Trasumenum rem bene gestam coeundo conferundoque cum hoste castra, fortunam temptando. in hanc sententiam litterae conscriptae 15 Numidis proposita mercede eam professis operam dantur. ii specie transfugarum cum ad Flaccum in castra venissent, ut inde tempore capto abirent, famesque, quae iam diu Capuae erat, nulli non probabilem causam

16 transitionis ficeret, mulier repente Campana in castra
venit, scortum transfugarum unius, indicatque imperato-
ri Romano Numidas fraude composita transisse littera-
rasque ad Hannibalem ferre: id unum ex iis, qui sibi
rem aperuisset, arguere sese paratam esse. productus
primo satis constanter ignorare se mulierem simulabat;
paulatim dein convictus veris, cum tormenta posci et
parari videret, fassus id ita esse, litteraeque prolatae,
18 et additum etiam indicio, quod celabatur, et alios specie
19 transfugarum Numidas vagari in castris Romanis. ii
supra septuaginta comprensi et cum transfugis novis
mulcati virgis manibusque praecisis Capuam rediguntur.
conspectum tam triste supplicium fregit animos Cam-
panorum. XIII. concursus ad curiam populi factus
coegit Loesium senatum vocare; et primoribus, qui
iam diu publicis consiliis aberant, propalam minabantur,
nisi venirent in senatum, circa domos eorum ituros
se et in publicum omnis vi extracturos esse. is timor
2 frequentem senatum magistratui praebuit. ibi cum
ceteri de legatis mittendis ad imperatores Romanos
agerent, Vibius Virrius, qui defectionis auctor ab Ro-
manis fuerat, interrogatus sententiam negat eos, qui
3 de legatis et de pace ac deditione loquuntur, memi-
nisce, nec quid facturi fuerint, si Romanos in potestate
4 habuissent, nec quid ipsis patiendum sit. "quid? vos"
inquit "eam ditionem fore censem, qua quondam,
ut adversus Samnites auxilium impetraremus, nos nostra-
5 que omnia Romanis dedidimus? iam e memoria ex-
cessit, quo tempore et in qua fortuna a populo Romano
defecerimus? iam, quem ad modum in defectione praesi-
6 tumeliam necarimus? quotiens in obsidentis quam
inimice eruperimus, castra oppugnarimus, Hannibalem
vocaverimus ad opprimendos eos? hoc, quod recentissimum
7 est, ad oppugnandam Romanam hinc eum mise-
rimus? age contra, quae illi infeste in nos fecerint,
repetite, ut ex eo, quid speretis, habeatis. cum hostis

alienigena *in* Italia esset, et Hannibal hostis, et cuncta
bello arderent, omissis omnibus, omisso ipso Hanni-
bale ambo consules et duo consulares exercitus ad
Capuam oppugnandam miserunt. alterum annum cir- 8
cumvallatos inclusosque nos fame macerant, et ipsi
nobiscum ultima pericula et gravissimos labores per-
pessi, circa vallum ac fossas saepe trucidati ac prope
ad extremum castris exuti. sed omitto haec: vetus 9
ataque usitata res est in oppugnanda hostium urbe
labores ac pericula pati. illud irae atque odii execra-
bilis *inexpiabilis*que indicium est: Hannibal ingentibus 10
copiis peditum equitumque castra oppugnavit et ex
parte cepit: tanto periculo nihil moti sunt ab obsi-
dione; profectus trans Vulturum perussit Calenum
agrum: nihil tanta sociorum clade avocati sunt; ad 11
ipsam urbem Romam infesta signa ferri iussit: eam
quoque tempestatem imminentem spreverunt; trans-
gressus Anienem amnem tria milia passum ab urbe
castra posuit, postremo ad moenia ipsa et ad portas
accessit, Romam se adempturum eis, nisi omitterent
Capuam, ostendit: non omiserunt. feras bestias, caeco 12
impetu ac rabie concitatas, si ad cubilia et catulos
earum ire pergas, ad opem suis ferendam avertas:
Romanos Roma circumsessa, coniuges, liberi, quorum 13
ploratus hinc prope exaudiebantur, aerae, foci, deum
delubra, sepultra maiorum temerata ac violata a Capua
non averterunt: tanta aviditas supplicii expetendi, tanta
sanguinis nostri hauriendi est situs. nec iniuria forsi- 14
tan: nos quoque idem fecissemus, si data fortuna esset.
itaque quoniam aliter dis immortalibus est visum, cum
mortem ne recusare quidem debeam, cruciatus contu-
meliisque, quas parat hostis, dum liber, dum mei
potens sum, effugere morte, praeterquam honesta, etiam
leni possum. non videbo Ap. Claudium et Q. Fulvium 15
victoria insolenti subnixos, neque vincitus per urbem
Romanam triumphi spectaculum trahar, ut deinde in
carcere expirem aut *ad* palum deligatus lacerato virgis

tergo cervicem securi Romanae subiciam; nec dirui
 incendique patriam videbo, nec rapi ad stuprum matres
 16 Campanas virginesque et ingenuos pueros. Albam, unde
 ipsi oriundi erant, a fundamentis proruerunt, ne stirpis,
 ne memoria originum suarum extaret: nedum eos Ca-
 puae parsuros credam, cui infestiores quam Carthagini
 17 sunt. itaque quibus vestrum ante fato cedere, quam
 haec tot tam acerba videant, in animo est, iis apud
 18 me hodie epulæ instructæ parataeque sunt. satiatis
 vino ciboque poculum idem, quod mihi datum fuerit,
 circumferetur: ea potio corpus a cruciatu, animum a
 contumeliis, oculos, auris a videndis audiendisque omni-
 bus acerbis indignisque, quae manent victos, vindicabit.
 parati erunt, qui magno rogo in propatulo aedium
 19 accenso corpora ex anima inician. haec una via et
 honesta et libera ad mortem. et ipsi virtutem mira-
 buntur hostes, et Hannibal fortis socios sciet ab se
 1 desertos ac proditos esse.” XIV. Hanc orationem Virri
 plures cum adsensu audierunt, quam forti animo id,
 2 quod probabant, exsequi potuerunt: maior pars senatus,
 multis saepe bellis expertam populi Romani clemen-
 tiam haud diffidentes sibi quoque placabilem fore,
 legatos ad dedendam Romanis Capuam decreverunt
 3 miseruntque. Vibium Virrium septem et viginti ferme
 senatores domum secuti sunt epulatique cum eo et,
 quantum facere potuerant alienatis mentibus vino ab
 imminentis sensu mali, venenum omnes sumserunt;
 4 inde missò convivio dextris inter se datis ultimoque
 complexu conlacrimantes suum patriaeque casum alii,
 ut eodem rogo cremarentur, manserunt, alii domos
 5 digressi sunt. impletæ cibis vinoque veniae minus efficac-
 em in maturanda morte vim veneni fecerunt: itaque
 noctem totam plerique eorum et diei insequentis par-
 tem cum animam egissent, omnes tamen prius, quam
 aperirentur hostibus portæ, expirarunt.

6 Postero die porta Iovis, quae adversus castra Ro-
 mana erat, iussu proconsulis aperta est. ea intromissa

legio una et duæ alæ cum C. Fulvio legato. is cum 7
 omnium primum arma telaque, quæ Capuae erant, ad
 se conferenda curasset, custodiis ad omnes portas dispo-
 sitis, ne quis exire aut emitti posset, praesidium Pu-
 nicum comprehendit, senatum Campanum ire in castra
 ad imperatores Romanos iussit. quo cum venissent, 8
 extemplo iis omnibus catenæ innectae, iussique ad
 quaestores deferre quod auri atque argenti haberent.
 auri pondo duo milia septuaginta fuit, argenti triginta
 milia pondo et mille ducenta. senatores quinque et 9
 viginti Cales in custodiam, duodetriginta Teanum missi,
 quorum de sententia maxime descitum ab Romanis
 constabat. XV. de supplicio Campani senatus haud- 1
 quaquam inter Fulvium Claudiumque conveniebat: facilis
 impetrandae veniae Claudius, Fulvio durior sententia
 erat. itaque Appius Romam ad senatum arbitrium eius 2
 rei totum reiciebat: percunctandi etiam aequum esse 3
 potestatem fieri patribus, num communicassent consilia
 cum aliquis sociorum Latini nominis [municipiorum],
 et num ope eorum in bello forent adiuti. id vero 4
 minime committendum esse Fulvius dicere, ut solli-
 citarentur criminibus dubiis sociorum fidelium animi
 et subicerentur indicibus, quis neque quid dicerent ne-
 que quid facerent, quicquam umquam pensi fuisset;
 itaque se eam quaestionem oppressurum extincturum-
 que. ab hoc sermone cum digressi essent, et Appius 5
 quamvis ferociter loquentem collegam non dubitaret
 tamen litteras super tanta re ab Roma expectaturum,
 Fulvius, ne id ipsum impedimentum incepto foret, di- 6
 mittens praetorium tribunis militum ac praefectis so-
 cium imperavit, uti duobus milibus equitum delectis
 denuntiarent, ut ad tertiam bucinam praesto essent.
 cum hoc equitatu nocte Teanum profectus prima luce 7
 portam intravit atque in forum perrexit; concursuque
 ad primum equitum ingressum facto magistratum Sidi-
 cinum citari iussit imperavitque, ut produceret Cam- 8
 panos, quos in custodia haberet. producti omnes vir-

gisque caesi ac securi percussi. inde citato equo Cales percurrit; ubi cum in tribunali consedisset productique Campani diligarentur ad palum, eques citus ab Roma venit litterasque a C. Calpurnio praetore Fulvio et 9 senatus consultum tradit. murmur ab tribunali totam contionem pervasit, differri rem integrum ad patres de Campanis. et Fulvius id ita esse ratus acceptas litteras neque resolutas cum in gremio reposuisset, praeconi imperavit, ut lictorem lege agere iuberet. ita de iis quoque, qui Calibus erant, sumptum supplicium. 10 tum litterae lectae senatusque consultum serum ad impediendam rem actam, quae summa ope adproperata erat, ne impediri posset. consurgentem iam Fulvium Taurea Vibellius Campanus, per medium vadens turbam, nomine inclamavit et, cum mirabundus, quidnam 11 sese vellet, resedisset Flaccus, "me quoque" inquit "iube occidi, ut gloriari possis multo fortiorum, quam ipse es, virum abs te occisum esse." cum Flaccus negaret profecto satis compotem mentis esse, modo prohiberi etiam se, si id vellet, senatus consulto di 12 ceret, tum Vibellius "quando quidem" inquit "capta patria, propinquis amicisque amissis, cum ipse manu mea coniugem liberosque interficerim, ne quid indigni paterentur, mihi ne mortis quidem copia eadem est, quae his civibus meis, petatur a virtute invisae 13 huius vitae vindicta." atque ita gladio, quem veste texerat, per adversum pectus transfixus ante pedes 1 imperatoris moribundus procubuit. XVI. Quia et quod ad supplicium attinet Campanorum et pleraque alia de Flacci unius sententia acta erant, mortuum Ap. Claudiu 2 dium sub deditio[n]em Capuae quidam tradunt. hunc quoque ipsum Tauream neque sua sponte venisse Cales neque sua manu interfectum, sed cum inter ceteros ad palum diligatus *quiritaret*, quia parum inter strepitum exaudiri possent quae vociferabatur, silentium 3 fieri Flaccum iussisse; tum Tauream illa, quae ante memorata sunt, dixisse, virum se fortissimum ab ne-

quaquam pari ad virtutem occidi; sub haec dicta iussu proconsulis praeconem ita pronuntiasse: "lictor, viro forti adde virgas et in eum primum lege age." lectum 4 quoque senatus consultum, priusquam securi feriret, quidam auctores sunt, sed quia adscriptum in senatus consulto fuerit, si ei videretur, integrum rem ad senatum reiceret, interpretatum esse, quid magis e re publica duceret, aestimationem sibi permissam.

Capuam a Calibus redditum est, Atellaque et Ca- 5 latia in deditio[n]em acceptae. ibi quoque in eos, qui capita rerum erant, animadversum. ita ad septuaginta 6 principes senatus interfecti, trecenti ferme nobiles Campani in carcerem conditi; alii per sociorum Latini nominis urbes in custodias dati variis casibus interie- 7 runt, multitudine alia civium Campanorum venum data. de urbe agroque reliqua consultatio fuit, quibusdam 7 delendam censemibus urbem praevalidam, propinquam, inimicam. ceterum praesens utilitas vicit; nam propter agrum, quem omni fertilitate terrae satis constabat primum in Italia esse, urbs servata est, ut esset aliqua aratorum sedes. urbi frequentandae multitudo incola- 8 rum libertinorumque et institorum opificumque retenta; ager omnis et tecta publica populi Romani facta. ceterum habitari tantum tamquam urbem Capuam fre- 9 quentarique placuit, corpus nullum civitatis nec sena- 10 tum nec plebis concilium nec magistratus esse: sine consilio publico, sine imperio multitudinem, nullius rei inter se sociam, ad consensum inhabilem fore; prae- 11 fectum ad iura reddenda ab Roma quotannis missuros. ita ad Capuam res compositae consilio ab omni parte laudabili: severe et celeriter in maxime noxios animad- 12 versum; multitudo civium dissipata in nullam spem reditus; non saevitum incendiis ruinisque in tecta innoxia murosque, et cum emolumento quaesita etiam apud socios lenitatis species incolumitate urbis nobilissimae opulentissimaeque, cuius ruinis omnis Campania, omnes qui Campaniam circa accolunt populi

13 ingemuissent; confessio expressa hosti, quanta vis in Romanis ad expetendas poenas ab infidelibus sociis et quam nihil in Hannibale auxili ad receptos in fidem tuendos esset.

1 XVII. Romani patres perfuncti, quod ad Capuam attinebat, cura C. Neroni ex iis duabus legionibus, quas ad Capuam habuerat, sex milia peditum et trecentos equites, quos ipse legisset, et socium Latini nominis peditum numerum parem et octingentos equites 2 decernunt. eum exercitum Puteolis in naves impositum Nero in Hispaniam transportavit. cum Tarracensem navibus venisset expositisque ibi copiis et navibus subductis socios quoque navalis multitudinis augendae 3 causa armasset, profectus ad Hiberum flumen exercitum ab Ti. Fonteio et L. Marcio accepit. inde pergit 4 ad hostis ire. Hasdrubal Hamilcaris ad Lapides atros castra habebat; in Ausetanis is locus est inter oppida Iliturgim et Mentissam. huius saltus fauces Nero 5 sedidit. Hasdrubal, cum in arto res esset, caduceatorem misit, qui promitteret, si inde emissus foret, se omnem 6 exercitum ex Hispania deportaturum. quam rem cum laeto animo Romanus accepisset, diem posterum Hasdrubal conloquio petivit, ut coram leges conscriberentur de tradendis arcibus urbium dieque statuenda, ad quam praesidia deducerentur, suaque omnia sine 7 fraude Poeni deportarent. quod ubi impetravit, extemplo primis tenebris atque inde tota nocte, quod gravissimum exercitus erat, Hasdrubal quacunque posset 8 evadere e saltu iussit. data sedulo opera est, ne multi ea nocte exirent, ut ipsa paucitas cum ad hostem silentio fallendum aptior tum ad evadendum per artas semitas 9 ac difficilis esset. ventum insequenti die ad conloquium est; sed loquendo plura scribendoque dedita opera, quae in rem non essent, die consumpto in posterum 10 dilatum est. addita insequens nox spatiuum dedit et 11 alios emittendi. nec postero die res finem invenit. ita aliquot dies disceptando palam de legibus noctesque

emittendis clam e castris Carthaginiensibus absumptae. et postquam pars maior emissa exercitus erat, iam ne iis quidem, quae ultro dicta erant, stabatur, minus- 12 que ac minus cum timore simul fide decrescente conveniebat. iam ferme pedestres omnes copiae evaserant e saltu, cum prima luce densa nebula saltum omnem camposque circa intexit. quod ubi sensit Hasdrubal, mittit ad Neronem, qui in posterum diem conloquium differret: illum diem religiosum Carthaginiensibus ad agendum quicquam rei seriae esse. ne tum quidem 13 suspecta fraus cum esset, data venia eius diei, extemploque Hasdrubal cum equitatu elefantisque castris egressus sine ullo tumultu in tutum evasit. hora ferme 14 quarta dispulsa sole nebula aperuit diem, vacuaque hostium castra conspicerunt Romani. tum demum 15 Claudio Punicam fraudem adgnoscens, ut se dolo captum sensit, proficiscentem institut sequi paratus confligere acie; sed hostis detrectabat pugnam. levia tamen 16 proelia inter extremum Punicum agmen praecursoresque Romanorum fiebant.

XVIII. Inter haec Hispaniae populi nec qui post cladem acceptam defecerant redibant ad Romanos, nec ulli novi deficiebant. et Romae senatui populoque post 2 receptam Capuam non Italiae iam maior quam Hispaniae cura erat. et exercitum augeri et imperatorem 3 mitti placebat. nec tam, quem mitterent, satis con- stabat, quam illud, ubi duo summi imperatores intra dies triginta cecidissent, qui in locum duorum succederet, extraordinaria cura diligendum esse. cum alii 4 alium nominarent, postremum eo decursum est, ut proconsuli creando in Hispaniam comitia haberentur; diemque comitiis consules edixerunt. primo expecta- 5 verant, ut, qui se tanto imperio dignos crederent, nomina profiterentur. quae ut destituta expectatio est, redintegratus luctus acceptae cladi desideriumque imperatorum amissorum. maesta itaque civitas, prope 6 inops consilii, comitiorum die tamen in campum de-

scendit; atque in magistratus versi circumspectant ora principum aliorum alios intuentium fremuntque adeo perditas res desperatumque de re publica esse, ut nemo 7 audeat in Hispaniam imperium accipere, cum subito P. Cornelius, *P. Cornelii*, qui in Hispania ceciderat, filius, quattuor et viginti ferme annos natus, professus se petere in superiore, unde conspici posset, loco con- 8 stitit. in quem postquam omnium ora conversa sunt, clamore ac favore ominati extemplo sunt felix faustum- 9 que imperium. iussi deinde inire suffragium ad unum omnes non centuriae modo sed etiam homines P. Sci- 10 pioni imperium esse in Hispania iusserunt. ceterum post rem actam, ut iam resederat impetus animorum ardorque, silentium subito ortum et tacita cogitatio, quidnam egissent? nonne favor plus valuissest quam 11 ratio? aetatis maxime paenitebat; quidam fortunam etiam domus horrebant nomenque ex funestis duabus familiis in eas provincias, ubi inter sepulcra patris patru- 1 que res gerendae essent, proficiscentis. XIX. quam ubi ab re tanto impetu acta sollicitudinem curamque hominum animadvertisit, advocata contione ita de aetate sua imperioque mandato et bello, quod gerundum esset, 2 magno elatoque animo disseruit, ut ardorem eum, qui resederat, excitaret rursus novaretque *et impleret* homines certioris spei, quam quantam fides promissi 3 humani aut ratio ex fiducia rerum subicere solet. fuit enim Scipio non veris tantum virtutibus mirabilis, sed arte quoque quadam ab iuventa in ostentationem earum 4 compositus, pleraque apud multitudinem aut *ut* per nocturnas visa species aut velut divinitus mente monita agens, sive et ipse capti quadam superstitione animi, sive ut imperia consiliaque velut sorte oraculi 5 missa sine cunctatione exsequerentur. ad hoc iam inde ab initio praeparans animos, ex quo togam virilem sumpsit, nullo die prius ullam publicam privatamque rem egit, quam in Capitolium iret ingressusque aedem consideret et plerumque solus in secreto ibi tempus

tereret. hic mos, quem per omnem vitam servabat, 6 seu consulto seu temere vulgatae opinioni fidem apud quosdam fecit stirpis eum divinae virum esse, rettu- 7 litque famam in Alexandro Magno prius vulgatam, et vanitate et fabula parem, anguis immanis concubitu conceptum, et in cubiculo matris eius visam persaepe prodigii eius speciem interventaque hominum evolu- 8 tamen repente atque ex oculis elapsam. his miraculis 9 numquam ab ipso elusa fides est; quin potius aucta arte quadam nec abnuendi tale quicquam nec palam adfirmandi. multa alia eiusdem generis, alia vera, alia adsimulata, admirationis humanae in eo iuvene ex- 9 cesserant modum; quibus freta tunc civitas aetati haud- quaquam maturae tantam rerum molem tantumque imperium permisit.

Ad eas copias, quas ex vetere exercitu Hispania 10 habebat quaeque a Puteolis cum C. Nerone traiectae erant, decem milia militum et *mille* equites adduntur; et M. Iunius Silanus propraetor adiutor ad res gerendas datus est. ita cum triginta navium classe — 11 omnes autem quinqueremes erant — *ab* ostiis Tiberinis prefectus praeter oram Tusci maris, Alpes atque Galli- 12 cum sinum et deinde Pyrenaei circumvectus promun- turium, Emporiis, urbe Graeca — oriundi et ipsi a Phocaea sunt —, copias exposuit. inde sequi navibus iussis Tarraconom pedibus prefectus conventum omnium sociorum — etenim legationes ad famam eius ex omni se provincia effuderant — habuit. naves ibi subduci 13 iussit remissis quattuor triremibus Massiliensium, quae officii causa ab domo prosecutae fuerant. responsa 14 inde legationibus suspensis varietate tot casuum dare coepit ita elato ab ingenti virtutum suarum fiducia animo, ut nullum ferox verbum excideret, ingensque omnibus, quae diceret, cum maiestas inesset tum fides. XX. prefectus ab Tarracone et civitates sociorum et 1 hiberna exercitus adiit conlaudavitque milites, quod duabus tantis deinceps cladibus icti provinciam ob-

2 tinuissent nec fructum secundarum rerum sentire hostis
 passi omni cis Hiberum agro eos arcuisserunt sociosque
 3 cum fide tutati essent. Marcium secum habebat cum
 tanto honore, ut facile appareret nihil minus vereri
 4 quam ne quis obstaret gloriae sua. successit inde
 Neroni Silanus, et in hiberna milites novi deducti.
 Scipio omnibus, quae adeunda agendaque erant, mature
 5 aditis peractisque Tarragonem concessit. nihilo minor
 fama apud hostis Scipionis erat quam apud civis so-
 cirosque, et divinatio quaedam futuri, quo minus ratio
 timoris reddi poterat oborti temere, maiorem inferens
 6 metum. in hiberna diversi concesserant, Hasdrubal
 Gisgonis usque ad Oceanum et Gadis, Mago in medi-
 terranea maxime supra Castulonensem saltum; Has-
 drubal Hamilcaris filius proximus Hibero circa Sagun-
 tum hibernavit.

7 Aestatis eius extremo, qua capta est Capua et
 Scipio in Hispaniam venit, Punica classis ex Sicilia
 Tarentum accita ad arcendos commeatus praesidi Ro-
 8 mani, quod in aree Tarentina erat, clauserat quidem
 omnis ad arcem a mari aditus, sed adsidendo diutius
 9 artiorem annonam sociis quam hosti faciebat. non
 enim tantum subvehi oppidanis per pacata litora aper-
 toisque portus praesidio navium Punicarum poterat,
 quantum frumenti classis ipsa turba navalii mixta ex
 10 omni genere hominum absumebat, ut arcis praesidium
 etiam sine invento, quia pauci erant, ex ante praep-
 parato sustentari posset, Tarentinis classique ne in-
 11 vectum quidem sufficeret. tandem maiore gratia quam
 venerat classis dimissa est. annona haud multum laxa-
 verat, quia remoto maritimo praesidio subvehi fru-
 mentum non poterat.

1 XXI. Eiusdem aestatis exitu M. Marcellus ex Si-
 cilia provincia cum ad urbem venisset, a C. Calpurnio
 2 praetore senatus ei ad aedem Bellonae datus est. ibi
 cum de rebus ab se gestis disseruisse, questus leniter
 non suam magis quam militum vicem, quod provincia

confecta exercitum deportare non licuisset, postulavit,
 ut triumphanti urbem inire liceret. id non impetravit.
 cum multis verbis actum esset, utrum minus conve-
 niret, cuius nomine absentis ob res prospere ductu
 eius gestas supplicatio decreta foret et dis immortali-
 bus habitus honos, ei praesenti negare triumphum, an
 quem tradere exercitum successori iussissent, quod nisi
 manente in provincia bello non decerneretur, eum quasi
 debellato triumphare, cum exercitus testis meriti at-
 que immeriti triumphi abesset, medium visum, ut ovans
 urbem iniret. tribuni plebis ex auctoritate senatus ad
 5 populum tulerunt, ut M. Marcello, quo die urbem ovans
 iniret, imperium esset. pridie quam urbem iniret, in
 6 monte Albano triumphavit; inde ovans multam pre-
 se praedam in urbem intulit: cum simulacro captarum
 7 Syracusarum catapultae ballistaeque et alia omnia in-
 strumenta belli lata et pacis diurnae regiaeque opu-
 lentiae ornamenta, argenti aerisque fabrefacti vis, alia 8
 supellex pretiosaque vestis et multa nobilia signa,
 quibus inter primas Graeciae urbes Syracusae ornatae
 fuerant. Punicae quoque victoriae signum octo ducti
 9 elephanti. et non minimum fuere spectaculum cum
 coronis aureis praecedentes Sosis Syracusanus et Mo-
 ericus Hispanus, quorum altero duce nocturno Syra-
 10 casus introitum erat, alter Nasum quodque ibi praesidii
 erat prodiderat. his ambobus civitas data et quingenia 11
 iugera agri, Sosidi in agro Syracusano, qui aut regius
 aut hostium populi Romani fuisse, et aedes Syracusis
 cuius vellet eorum, in quos belli iure animadversum
 esset; Moerico Hispanisque, qui cum eo transierant, 12
 urbs agerque in Sicilia ex iis, qui a populo Romano
 defecissent, iussa dari. id M. Cornelio mandatum, ut, 13
 ubi ei videretur, urbem agrumque eis adsignaret. in
 eodem agro Belligeni, per quem inlectus ad transitio-
 nem Moericus erat, quadringenta iugera agri decreta.
 Post proficitionem ex Sicilia Marcelli Punica classis 14
 octo milia peditum, tria Numidarum equitum exposuit.

ad eos Murgentia et Ergetium urbes defecere. secutae
defectionem earum Hybla et Macella sunt et igno-
15 biliores quaedam aliae. et Numidae praefecto Muttine
vagi per totam Siciliam sociorum populi Romani agros
16 urebant. super haec exercitus Romanus iratus, partim
quod cum imperatore non devictus ex provincia esset,
partim quod in oppidis hibernare vetiti erant, segni
17 fungebantur militia, magisque eis auctor ad seditionem
nem quam animus deerat. inter has difficultates M. Cornelius
praetor et militum animos nunc consolando nunc
castigando sedavat et civitates omnis, quae defecerant,
in dicionem redegit atque ex iis Murgentiam Hispanis,
quibus urbs agerque debebatur ex senatus con-
sulto, attribuit.

¹ XXII. Consules cum ambo Apuliam provinciam
haberent, minusque iam terroris a Poenis et Hanni-
bale esset, sortiri iussi Apuliam Macedoniamque pro-
vincias. Sulpicio Macedonia evenit, isque Laevino
² successit. Fulvius Romam comitorum causa arcessitus
cum comitia consulibus rogandis haberet, praerogativa
Voturia iuniorum T. Manlium Torquatum et T. Ota-
³ cilium absentem consules dixit. cum ad Manlium, qui
praesens erat, gratulandi causa turba coiret, nec dubius
esset consensus populi, magna circumfusus turba ad
⁴ tribunal consulis venit petitque, ut pauca sua verba
audiret centuriamque, quae tulisset suffragium, revo-
⁵ cari iuberet. erectis omnibus expectatione, quidnam
postulaturus esset, oculorum valetudinem excusavit:
⁶ impudentem et gubernatorem et imperatorem esse, qui,
cum alienis oculis ei omnia agenda sint, postulet sibi
⁷ aliorum capita ac fortunas committi. proinde, si vi-
deretur ei, redire in suffragium Voturiam iuniorum
iuberet et meminisse in consulibus creandis belli, quod
⁸ in Italia sit, temporumque rei publicae. vixdum re-
quiesce auris a strepitu et tumultu hostili, quo paucos
ante menses invaserint prope moenia Romana. post
haec cum centuria frequens suclamasset nihil se mutare

sententiae eosdemque consules dicturos esse, tum Tor-
quatus "neque ego vestros" inquit "mores consul ferre
potero, neque vos imperium meum. redite in suffra-
gium et cogitate bellum Punicum in Italia et hostium
ducem Hannibalem esse." tum centuria et auctoritate 10
mota viri et admirantium circa fremitu petiit a con-
sule, ut Voturiam seniorum citaret: velle sese cum 11
maioribus natu conloqui et ex auctoritate eorum con-
sules dicere. citatis Voturiae senioribus datum secreto
in Ovili cum iis conloquendi tempus. seniores de tribus 12
consulendum dixerunt esse, duobus plenis iam hono-
rum, Q. Fabio et M. Marcello, et, si utique novum
aliquem adversus Poenos consulem creari vellent, M.
Valerio Laevino: egregie adversus Philippum regem
terra marique rem gessisse. ita de tribus consulta- 13
tione data senioribus dimissis iuniores suffragium in-
eunt. M. [Marcellum] Claudium fulgentem tum Sicilia
domita et M. Valerium absentis consules dixerunt.
auctoritatem praerogativa omnes centuriae secutae
sunt. eludant nunc antiqua mirantis: non equidem, 14
si qua sit sapientium civitas, quam docti fingunt magis
quam norunt, aut principes graviores temperantiores
que a cupidine imperii aut multitudinem melius mo-
ratam censem fieri posse. centuriam vero iuniorum 15
seniores consulere voluisse, quibus imperium suffragio
mandaret, vix ut veri simile sit, parentium quoque
hoc saeculo vilis levisque apud liberos auctoritas fecit.
XXIII. Praetoria inde comitia habita. P. Manlius Vulso 1
et L. Manlius Acidinus et C. Laetorius et L. Cincius
Alimentus creati sunt. forte ita incidit, ut comitiis 2
perfectis nuntiaretur T. Otacilium, quem T. Manlio,
nisi interpellatus ordo comitorum esset, conlegam ab-
sentem daturus fuisse videbatur populus, mortuum in
Sicilia esse. — Ludi Apollinares et priore anno fuerant 3
et, eo anno ut fierent, referente Calpurnio praetore,
senatus decrevit, ut in perpetuum voverentur. — Eodem 4
anno prodigia aliquot visa nuntiataque sunt. in aede

Concordiae Victoria, quae in culmine erat, fulmine
icta decussaque ad Victorias, quae in antefixis erant,
5 haesit neque inde procidit. et Anagniae et Fregellis
nuntiatum est murum portasque de caelo tactas, et in
foco Subertano sanguinis rivos per diem totum fluxisse,
et Ereti lapidibus pluvisse, et Reate mulam peperisse.
6 ea prodigia hostiis maioribus sunt procurata, et ob-
seratio in unum diem populo indicta et novemdiale
sacrum. — Sacerdotes publici aliquot eo anno demor-
7 tui sunt novique suffecti: in locum M'. Aemili Nu-
midae decemviri sacrorum M'. Aemilius Lepidus, in
locum M. Pomponi Mathonis pontificis C. Livius, in
8 locum Sp. Carvili Maximi auguris M. Servilius. T. Ota-
cilius Crassus pontufex quia exacto anno mortuus erat,
ideo nominatio in locum eius non est facta. C. Clau-
dius flamen Dialis, quod exta perperam dederat, flam-
onio abiit.

¹ XXIV. Per idem tempus M. Valerius Laevinus,
temptatis prius per secreta conloquia principum animis,
ad indictum ante ad id ipsum concilium Aetolorum
² classe expedita venit. ubi cum Syracusas Capuamque
captam in fidem in Italia Siciliaque rerum secunda-
rum ostentasset adiecissetque iam inde a maioribus
traditum morem Romanis colendi socios, ex quibus
alios in civitatem atque aequum secum ius accepissent,
alios in ea fortuna haberent, ut socii esse quam cives
⁴ mallent; Aetolos eo in maiore futuros honore, quod
gentium transmarinarum in amicitiam primi venissent:
⁵ Philippum eis et Macedonas gravis accolas esse, quo-
rum se vim ac spiritus et iam fregisse et eo redac-
turum esse, ut non iis modo urbibus, quas per vim
ademissent Aetolis, excedant, sed ipsam Macedoniam
⁶ infestam habeant; et Acarnanas, quos aegre ferrent
Aetoli a corpore suo diremptos, restituturum se in
⁷ antiquam formulam iurisque ac dicionis eorum —: haec
dicta promissaque a Romano imperatore Scopas, qui
tum praetor gentis erat, et Dorimachus, princeps Aeto-

lorum, adfirmaverunt auctoritate sua, minore cum vere-
cundia et maiore cum fide vim maiestatemque populi
Romani extollentes. maxime tamen spes potundiæ ⁸
movebat Acarnaniae. igitur conscriptae condicione,
quibus in amicitiam societatemque populi Romani veni-
rent, additumque, ut, si placeret vellentque, eodem ⁹
iure amicitiae Elei Lacedaemoniique et Attalus et Pleu-
ratus et Scerdilaedus essent, Asiae Attalus, hi Thra-
cum et Illyriorum reges; bellum ut extemplo Aetoli ¹⁰
cum Philippo terra gererent; navibus ne minus viginti
quinque quinqueremibus adiuvaret Romanus; urbium ¹¹
Coreyrae tenus ab Aetolia incipienti solum tectaque
et muri cum agris Aetolorum, alia omnis praeda populi
Romani esset, darentque operam Romani, ut Acarna-
niam Aetoli haberent; si Aetoli pacem cum Philippo ¹²
facerent, foederi adscriberent ita ratam fore pacem, si
Philippus arma ab Romanis sociisque quique eorum
dicionis essent abstinuisse; item, si populus Romanus ¹³
foedere iungeretur regi, ut caveret, ne ius ei belli in-
ferendi Aetolis sociisque eorum esset. haec convene-
runt conscriptaque biennio post Olympiae ab Aetolis,
in Capitolio ab Romanis, ut testata sacratis monu-
mentis essent, sunt posita. morae causa fuerant re- ¹⁵
tenti Romae diutius legati Aetolorum. nec tamen
impedimento id rebus gerendis fuit: et Aetoli extemplo
moverunt adversus Philippum bellum, et Laevinus Za-
cynthum — parva insula est propinqua Aetolie, urbem
unam eodem, quo ipsa est, nomine habet —, eam praeter
arcem vi cepit et Oeniadas Nasumque Acarnanum captas
Aetolis contribuit; Philippumque satis implicatum bello ¹⁶
finitimo ratus, ne Italianam Poenosque et pacta cum
Hannibale posset respicere, Corcyram ipse se recepit.

XXV. Philippo Aetolorum defectio Pellae hiber-
nanti adlata est. itaque, quia primo vere moturus
exercitum in Graeciam erat, ut Illyrios finitumasque ²
eis urbes ab tergo metu quietas Macedonia haberet,
expeditionem subitam in Oricinorum atque Apollonia-

tium fines fecit egressosque Apolloniatas cum magno
 3 terrore ac pavore compulit intra muros. vastatis proximi-
 mis Illyrici in Pelagoniam eadem celeritate vertit iter; inde
 4 Dardanorum urbem Sintiam, in Macedoniam
 transitum Dardanis facturam, cepit. his raptim actis
 memor Aetolici iunctique cum eo Romani belli per
 Pelagoniam et Lyneum et Bottiaeam in Thessaliam
 5 descendit — ad bellum secum adversus Aetolos ca-
 pessendum incitari posse homines credebat — et relicto
 ad fauces Thessaliae Perseo cum quattuor milibus ar-
 6 matorum ad arcendos aditu Aetolos, ipse, priusquam
 maioribus occuparetur rebus, in Macedoniam atque
 7 inde in Thraciam exercitum ac Maedos duxit. incurrere
 ea gens in Macedoniam solita erat, ubi regem occu-
 patum externo bello ac sine praesidio esse regnum
 8 sensisset. ad frangendas igitur vires vastare agros et
 urbem Iamphorynnam, caput arcemque Maedicae, op-
 9 pugnare coepit. Scopas ubi prefectus in Thraciam
 regem occupatumque ibi bello audivit, armata omni
 iuventute Aetolorum bellum inferre Acarnaniae parat.
 10 adversus quos Acarnanum gens, et viribus impar et
 iam Oeniadas Nasumque amissa cernens Romanaque
 insuper arma ingruere, ira magis instruit quam con-
 11 silio bellum. coniugibus liberisque et senioribus super
 sexaginta annos in propinquam Epirum missis, ab
 quindecim ad sexaginta annos coniurant nisi victores
 12 se non redituros: qui victus acie excessisset, eum ne
 quis urbe, tecto, mensa, lare reciperet, diram execra-
 tionem in popularis, obtestationem quam sanctissimam
 13 potuerunt adversus hospites composuerunt precatique
 simul Epirotas sunt, ut, qui suorum in acie cecidis-
 sent, eos uno tumulo contegerent adicentque humatis
 14 titulum: "hic siti sunt Acarnanes, qui adversus vim
 atque iniuriam Aetolorum pro patria pugnantes mor-
 15 tem occubuerunt." per haec incitatis animis castra
 in extremis finibus suis obvia hosti posuerunt. nuntiis
 ad Philippum missis, quanto res in discrimine esset,

omittere Philippum id, quod in manibus erat, coeger-
 runt bellum Iamphorynna per deditio[n]em recepta et
 prospero alio successu rerum. Aetolorum impetum ¹⁶
 tardaverat primo coniurationis fama Acarnanicae, deinde
 auditus Philippi adventus regredi etiam in intimos
 coegit fines. nec Philippus, quamquam, ne opprime-
 rentur Acarnanes, itineribus magnis ierat, ultra Dium
 est progressus. inde, cum audisset redditum Aetolorum
 ex Acarnania, et ipse Pellam rediit. XXVI. Laevinus ¹
 veris principio a Coreyra prefectus navibus superato
 Leucata promunturio cum venisset Naupactum, Anti-
 cyram inde se petiturum edixit, ut praesto ibi Scopas
 Aetolique essent. sita Anticyra est in Locride laeva ²
 parte sinum Corinthiacum intranti. breve terra iter ³
 eo, brevis navigatio ab Naupacto est. tertio ferme
 post die utrimque oppugnari copta est. gravior a
 mari oppugnatio erat, quia et tormenta machinaeque
 omnis generis in navibus erant, et Romani inde op-
 pugnabant. itaque intra paucos dies recepta urbs per
 deditio[n]em Aetolis traditur, praeda ex pacto Romanis
 cessit. litterae *interea* Laevino redditae consulem eum ⁴
 absentem declaratum, et successorem venire P. Sulpi-
 cium. ceterum diuturno ibi morbo implicitus serius
 spe omnium Romam venit.

M. Marcellus cum idibus Martiis consulatum inisset, ⁵
 senatum eo die moris modo causa habuit, professus
 nihil se absente conlega neque de re publica neque de
 provinciis acturum. scire se frequentis Siculos prope ⁶
 urbem in villis obtrectatorum suorum esse; quibus
 tantum abesse ut per se non liceat palam Romae cri-
 mina [edita] facta ab inimicis vulgare, ut, ni simularent ⁷
 aliquem sibi timorem absente conlega dicendi de con-
 sole esse, ipse eis extemplo datus senatum fuerit.
 ubi quidem conlega venisset, non passurum quicquam
 prius agi, quam ut Siculi in senatum introducantur.
 dilectum prope a M. Cornelio per totam Siciliam habi- ⁸
 tum, ut quam plurumi questum de se Romam venirent;

eundem litteris falsis urbem implesse, bellum in Sicilia
 9 esse, ut suam laudem minuat. moderati animi glori-
 a et iustitium omnium rerum futurum videbatur, donec alter
 10 consul ad urbem venisset. otium, ut solet, excitavit
 plebis rumores: belli diuturnitatem et vastatos agros
 circa urbem, qua infesto agmine isset Hannibal, ex-
 haustum dilectibus Italianam et prope quotannis caesos
 11 exercitus querebantur, et consules bellicosos ambo viros
 acresque nimis et feroce creatos, qui vel in pace
 tranquilla bellum excitare possent, nedum in bello
 respirare civitatem forent passuri.

1 XXVII. Interrupit hos sermones nocte, quae pridie
 Quinquatus fuit, pluribus simul locis circa forum in-
 2 cendum ortum. eodem tempore septem tabernae, quae
 postea quinque, et argentariae, quae nunc novae ap-
 3 pellantur, arsere; comprehensa postea privata aedificia
 — neque enim tum basilicae erant —, comprehensae
 lautumiae forumque piscatorium et atrium regium.
 4 aedis Vestae vix defensa est tredecim maxime ser-
 vorum opera, qui in publicum redempti ac manu missi
 5 sunt. nocte ac die continuatum incendium fuit; nec
 ulli dubium erat humana id fraude factum esse, quod
 pluribus simul locis, et iis diversis, ignes coorti essent.
 6 itaque consul ex auctoritate senatus pro contione edixit,
 qui, quorum opera id conflatum incendium, profiteretur,
 praemium fore libero pecuniam, servo libertatem.
 7 eo praemio inductus Campanorum Calaviorum servus —
 Manus ei nomen erat — indicavit dominos et quin-
 que praeterea iuvenes nobiles Campanos, quorum pa-
 rentes a Q. Fulvio securi percussi erant, id incendium
 8 fecisse vulgoque facturos alia, ni comprehendantur. com-
 prehensi ipsi familiaeque eorum. et primo elevabatur
 index indiciumque: pridie eum verberibus castigatum
 ab dominis discessisse, per iram ac levitatem ex re
 9 fortuita crimen commentum; ceterum ut coram coar-
 guebantur, et quaestio ex ministris facinoris foro medio

haberi copta est, fassi omnes, atque in dominos ser-
 vosque conscos animadversum est. indici libertas data
 et viginti milia aeris.

Consuli Laevino Capuam praetereunti circumfusa 10
 multitudo Campanorum est obsecrantium cum lacri-
 mis, ut sibi Romam ad senatum ire liceret oratum,
 si qua misericordia tandem flecti possent, ne se ad
 ultimum perditum irent nomenque Campanorum a
 Q. Flacco deleri sinerent. Flaccus sibi privatam simul- 11
 tatem cum Campanis negare ullam esse; publicas
 inimicitias et esse et futuras, quoad eo animo esse
 erga populum Romanum sciret. nullam enim in terris 12
 gentem esse, nullum infestiorem populum nomini Ro-
 mano. ideo se moenibus inclusos tenere eos, quia, si
 qui evasissent aliqua, velut feras bestias per agros
 vagari et laniare et trucidare quodecumque obvium
 detur. alios ad Hannibalem transfugisse, alios ad Ro- 13
 mam incendendam profectos. inventurum in semusto
 foro consulem vestigia sceleris Campanorum. Vestae 14
 aedem petitam et aeternos ignes et conditum in pene-
 trali fatale pignus imperi Romani. se minime censere
 tutum esse Campanis potestatem intrandi Romana
 moenia fieri. Laevinus Campanos iure iurando a Flacco 15
 adactos, quinto die, quam ab senatu responsum accep-
 issent, Capuam reddituros, sequi se Romam iussit. hac 16
 circumfusus multitudine, simul Siculis obviam egressis
 secutisque Romam, praebuit speciem dolentis duarum
 clarissimarum urbium excidio ac celeberrimis viris
 victos bello accusatores in urbem adducentis.

De re publica tamen primum ac de provinciis 17
 ambo consules ad senatum rettulere. XXVIII. ibi Lae- 1
 vinus, quo statu Macedonia et Graecia, Aetoli, Acar-
 nanes Locrique essent, quasque ibi res ipse egisset
 terra marique, exposuit: Philippum, inferentem bellum 2
 Aetolis, in Macedoniam retro ab se compulsum ad intu-
 ma penitus regni abisse, legionemque inde deduci
 posse; classem satis esse ad arcendum Italia regem.

3 haec de se deque provincia, cui praefuerat, consul-
tum de provinciis communis relatio fuit. decrevere
patres, ut alteri consulum Italia bellumque cum Han-
nibale provincia esset, alter classem, cui T. Otacilius
praefuisset, Siciliamque provinciam cum L. Cincio praef-
4 tore obtineret. exercitus eis duo decreti, qui in Etruria
Galliaque essent; eae quattuor erant legiones; urbanae
duae superioris anni in Etruriam, duae, quibus Sul-
5 picius consul praefuisset, in Galliam mitterentur; Galliae
et legionibus praeesset, quem consul, cuius Italia pro-
6 vincia esset, praefecisset; in Etruriam C. Calpurnius
post praeturam prorogato in annum imperio missus.
et Q. Fulvio Capua provincia decreta prorogatumque
7 in annum imperium; exercitus civium sociorumque
minui iussus, ut ex duabus legionibus una legio, quin-
8 que milia peditum et trecenti equites essent, dimisis-
qui plurima stipendia haberent, et sociorum septem
milia peditum et trecenti equites relinquenterunt, eadem
ratione stipendiiorum habita in veteribus militibus di-
9 mittendis. Cn. Fulvio consuli superioris anni nec de
provincia Apulia nec de exercitu, quem habuerat, quic-
quam mutatum; tantum in annum prorogatum impe-
rium est. P. Sulpicius, conlega eius, omnem exercitum
10 praeter socios navalis iussus dimittere est. item ex
Sicilia exercitus, cui M. Cornelius praeesset, ubi consul
11 in provinciam venisset, dimitti iussus. L. Cincio praetori
ad obtinendam Siciliam Cannenses milites dati
12 duarum instar legionum. totidem legiones in Sardi-
niam P. Manlio Vulsoni praetori decretae, quibus L. Cor-
13 nelius in eadem provincia priore anno praefuerat. ur-
banas legiones ita scribere consules iussi, ne quem
militem facerent, qui in exercitu M. Claudi, M. Valerii,
Q. Fulvi fuisset, neve eo anno plures quam una et
viginti Romanae legiones essent.

¹ XXIX. His senatus consultis perfectis sortiti pro-
vincias consules. Sicilia et classis Marcelli, Italia cum
² bello adversus Hannibalem Laevino evenit. quae sors,

velut iterum captis Syracusis, ita examinavit Siculos
expectatione sortis in consulum conspectu stantis, ut
comploratio eorum flebilesque voces et extemplo oculos
hominum converterint et postmodo sermones praebuerint. circumabant enim senatorum domos cum veste ³
sordida adfirmantes se non modo suam quosque patriam sed totam Siciliam relicturos, si eo Marcellus
iterum cum imperio redisset. nullo suo merito eum ⁴
ante in placabilem in se fuisse: quid iratum, quod Ro-
mam de se questum venisse Siculos sciat, facturum!
obrui Aetnae ignibus aut mergi fretō satius illi insulae esse quam velut dedi noxae inimico. hae Sicu-
lorum querellae domos primum nobilium circumlatae
celebrataeque sermonibus, quos partim misericordia
Siculorum partim invidia Marcelli excitabat, in sena-
tum etiam pervenerunt. postulatum a consulibus est, ⁶
ut de permutandis provinciis senatum consulerent. Mar-
cellus, si iam audit ab senatu Siculi essent, aliam
forsitan futuram fuisse sententiam suam dicere: nunc, ⁷
ne quis timore frenari eos dicere possit, quo minus
de eo libere querantur, in cuius potestate mox futuri
sint, si conlegae nihil intersit, mutare se provinciam
paratum esse. deprecari senatus praeiudicium: nam ⁸
cum extra sortem conlegae optionem dari provinciae
inicium fuerit, quanto maiorem iniuriam, immo con-
tumeliam esse, sortem suam ad eum transferri? ita ⁹
senatus, cum, quid placeret, magis ostendisset quam
decresset, dimititur. inter ipsos consules permutatio
provinciarum, rapiente fato Marcellum ad Hanniba-
lem, facta est, ut, ex quo primus post adversa ¹⁰ omnia
secundae pugnae gloriam ceperat, in eius laudem post-
remus Romanorum imperatorum, prosperis tum maxime
bellicis rebus, caderet.

XXX. Permutatis provinciis Siculi in senatum ¹
introducti multa de Hieronis regis fide perpetua erga
populum Romanum verba fecerunt in gratiam publicam
avertentes; Hieronymum ac postea Hippocraten atque ²

Epicyden tyrannos cum ob alia tum propter defectio-
nem ab Romanis ad Hannibalem inivos fuisse sibi.
ob eam causam et Hieronymum a principibus iuven-
tutis prope publico consilio interfectum, et in Epi-
cydis Hippocratisque caedem septuaginta nobilissimo-
rum iuvenum coniurationem factam; quos Marcelli mora
destitutos, quia ad praedictum tempus exercitum ad
Syracusas non admovisset, indicio facto omnis ab
tyrannis interfectos. eam quoque Hippocratis et Epi-
cydis tyrannidem Marcellum excitasse Leontinis cru-
deliter direptis. numquam deinde principes Syracusa-
norum desisse ad Marcellum transire policerique se
urbem, cum vellet, ei tradituros; sed eum primo vi
citere maluisse; dein, cum id neque terra neque mari
omnia expertus potuisset, auctores traditarum Syra-
cusarum fabrum aerarium Sosim et Moericum Hispanum
quam principes Syracusanorum habere, totiens
id nequiquam ultro offerentis, praeoptasse, quo scilicet
iustiore de causa vetustissimos socios populi Romani
trucidaret ac diriperet. si non Hieronymus ad Hanni-
balem defecisset, sed populus Syracusanus et senatus,
si portas Marcello Syracusani publice et non oppressis
Syracusanis tyranni eorum Hippocrates et Epicydes
clausissent, si Carthaginiensium animis bellum cum
populo Romano gessissent, quid ultra quam quod fecerit,
nisi ut deleret Syracusas, facere hostiliter Marcellum
potuisse? certe praeter moenia et tecta exhausta urbis
et refracta ac spoliata deum delubra, dis ipsis orna-
mentisque eorum ablatis, nihil relictum Syracusis esse.
bona quoque multis adempta, ita ut ne nudo quidem
solo, reliquiis direptae fortunae, alere sese ac suos
possent. orare se patres conscriptos, ut, si nequeant
omnia, saltem quae compareant cognoscique possint,
restitui dominis iubeant. talia conquestos cum exce-
dere ex templo, ut de postulatis eorum patres consuli
possent, Laevinus iussisset, "maneant immo," inquit
Marcellus, "ut coram iis respondeam, quando ea con-

dizione pro vobis, patres conscripti, bella gerimus, ut
victos armis accusatores habeamus, duae captae hoc
anno urbes, Capua Fulvium reum, Marcellum Syra-
cusae habeant."⁵ XXXI. reductis in euriam legatis ¹
tum consul "non adeo maiestatis" inquit "populi Ro-
mani imperiique huius oblitus sum, patres conscripti,
ut, si de meo crimine ambigeretur, consul dicturus
causam accusantibus Graecis fuerim. sed non quid ego ²
fecerim in disquisitionem venit, — nam quidquid in
hostibus feci ius belli defendit —, sed quid isti pati
debuerint. qui si non fuerunt hostes, nihil interest,
nunc an vivo Hierone Syracusas violaverim. sin autem ³
desciverunt a populo Romano, legatos nostros ferro
atque armis petierunt, urbem ac moenia clauerunt,
exercituque Carthaginiensium adversus nos tutati sunt,
quis passos esse hostilia, cum fecerint, indignatur?
tradentis urbem principes Syracusanorum aversatus ⁴
sum; Sosim et Moericum Hispanum, quibus tantam
rem crederem, potiores habui. non estis extremi Sy-
racusanorum, quippe qui aliis humilitatem obiciatis:
quis est vestrum, qui se mihi portas apertum, qui ⁵
armatos milites meos in urbem accepturum promiserit?
odistis et execramini eos, qui fecerunt, et ne hic
quidem contumelias in eos dicendis parcitis: tantum
abest, ut et ipsi tale quicquam facturi fueritis. ipsa ⁶
humilitas eorum, patres conscripti, quam isti obiciunt,
maximo arguento est me neminem, qui navatam
operam rei publicae nostrae vellet, aversatum esse. et ⁷
antequam obsiderem Syracusas, nunc legatis mittendis
nunc ad conloquium eundo temptavi pacem; et post-
eaquam neque legatos violandi verecundia erat, nec
mihi ipsi congresso ad portas cum principibus respon-
sum dabatur, multis terra marique exhaustis laboribus
tandem vi atque armis Syracusas cepi. quae captis ⁸
acciderint, apud Hannibalem et Carthaginenses victos
iustius quam apud victoris populi senatum quererentur.
ego, patres conscripti, Syracusas spoliatas si negaturus ⁹

essem, numquam spoliis earum urbem Romam exornarem. quae autem singulis victor aut ademi aut dedi, cum belli iure tum ex eiusque merito satis scio me fecisse. ea vos rata habeatis, patres conscripti, necne, magis rei publicae interest quam mea. quippe mea fides exsoluta est; ad rem publicam pertinet, ne acta mea rescindendo alios in posterum segniores duces faciat. et quoniam coram et Siculorum et mea verba audistis, patres conscripti, simul templo excedemus, ut me absente liberius consuli senatus possit." ita dimissi Siculi, et ipse in Capitolium ad dilectum discessit.

¹ XXXII. consul alter de postulatis Siculorum ad patres rettulit. ibi cum diu sententiis certatum esset, et magna pars senatus, principe eius sententiae T. Manlio Tor² quanto, cum tyrannis bellum gerendum fuisse censerent, hostibus et Syracusanorum et populi Romani, et urbem recipi, non capi, et receptam legibus antiquis et libertate stabiliri, non fessam miseranda servitute bello adfigi: inter tyrannorum et ducis Romani certamina praemium victoris in medio positam urbem pulcherrimam ac nobilissimam perisse, horreum atque aerarium quondam populi Romani, cuius munificentia ac donis multis tempestatibus, hoc denique ipso Pu⁴nico bello adiuta ornataque res publica esset. si ab inferis existat rex Hiero, fidissimus imperi Romani cultor, quo ore aut Syracusas aut Romanam ei ostendi posse, cum, ubi semirutam ac spoliatam patriam respxerit, ingrediens Romam in vestibulo urbis, prope in porta, spolia patriae suae visurus sit? — haec talia que cum ad invidiam consulis miserationemque Siculorum dicerentur, mitius tamen decreverunt patres: acta M. Marcelli, quae is gerens bellum victorque egisset, rata habenda esse; in relium curae senatui fore rem Syracusanam mandaturosque consuli Laevino, ut, quod sine iactura rei publicae fieri posset, fortunis eius civitatis consuleret. missis duobus senatoribus in Capitolium ad consulem, uti rediret in curiam, et

introductis Siculis senatus consultum recitatum est, legatique benigne appellati ac dimissi ad genua se⁸ Marcelli consulis proiecerunt* et obsecrantes, ut, quae deplorandae ac levanda calamitatis causa dixissent, veniam eis daret et in fidem clientelamque se urbemque Syracusas acciperet. pollicens hoc consul clementer appellatos eos dimisit.

XXXIII. Campanis deinde senatus datus est, quo¹ rum oratio miserabilior, causa durior erat. neque enim² meritas poenas negare poterant, nec tyranni erant, in quos culpam conferrent; sed satis pensum poenarum tot veneno absumptis, tot securi percussis senatoribus credebant: paucos nobilium superesse, quos³ nec sua conscientia, ut quicquam de se gravius consulerent, impulerit, nec victoris ira capitibus damnaverit; eos libertatem sibi suisque et bonorum aliquam partem orare, cives Romanos adfinitatibus plerosque et propinquis etiam cognationibus ex conubio vetusto iunctos. summotis deinde e templo paulisper dubitatum, an arcessendus a Capua Q. Fulvius esset — mortuus enim post captam Claudius consul erat —, ut coram imperatore, qui res gessisset, sicut inter Marcellum Siculosque disceptatum fuerat, disceptaretur. dein cum M. Atilium, C. Fulvium fratrem Flacci, legatos⁵ eius, et Q. Minucium et L. Veturium Philonem, item Claudi legatos, qui omnibus gerendis rebus adfuerant, in senatu viderent nec Fulvium avocari a Capua nec differri Campanos yellent, interrogatus sententiam M. Atilius Regulus, cuius ex iis, qui ad Capuam fuerant, maxima auctoritas erat, "in consilio" inquit "arbitror me fuisse consulibus, Capua capta cum quaeretur, ecqui Campanorum bene meritus de re publica nostra esset. duas mulieres conpertum est, Vestiam⁸ Oppiam Atellanam Capuae habitantem et Paculam Cluviam, quae quondam quaestum corpore fecisset, illam cotidie sacrificasse pro salute et Victoria populi Romani, hanc captivis egentibus alimenta clam suppediti

9 tasse; ceterorum omnium Campanorum eundem erga nos animum quem Carthaginiensium fuisse, securique percusso a Q. Fulvio esse magis quorum dignitas
 10 inter alios quam quorum culpa eminebat. per senatum agi de Campanis, qui cives Romani sunt, iniussu populi non video posse, idque et apud maiores nostros in Satricanis factum esse, cum defecissent, ut M. Antistius tribunus plebis prius rogationem ferret, sciscretque plebs, uti senatui de Satricanis sententiae di-
 11 cendae ius esset. itaque censeo cum tribunis plebis agendum esse, ut eorum unus pluresve rogationem ferant ad plebem, qua nobis statuendi de Campanis
 12 ius fiat." L. Atilius tribunus plebis ex auctoritate senatus plebem in haec verba rogavit: "omnes Campani, Atellani, Calatini, Sabatini, qui se dediderunt in arbitrium dicionemque populi Romani Q. Fulvio
 13 proconsuli, quosque una secum dedidere, quaeque una secum dedidere, agrum urbemque, divina humanaque, utensiliaque sive quid aliud dediderunt, de iis rebus
 14 quid fieri velitis, vos rogo, Quirites." plebes sic iussit: "quod senatus iuratus, maxima pars, censeat, qui ad-
 1 sient, id volumus iubemusque." XXXIV. ex hoc plebei scito senatus consultus Oppiae Cluviaeque primum bona ac libertatem restituit: si qua alia praemia pe-
 2 tere ab senatu vellent, venire eas Romanam. Campanis in familias singulas decreta facta, quae non opera
 3 pretium est omnia enumerare. aliorum bona publi-
 canda, ipsos liberosque eorum et coniuges vendendas extra filias, quae enupsissent, priusquam in populi
 4 Romani potestatem venirent; alias in vincula condenos, ac de iis posterius consulendum; aliorum Cam-
 panorum summam etiam census distinxerunt, publi-
 5 canda necne bona essent. pecua captiva praeter equos et mancipia praeter puberes virile secus et omnia, quae solo non continerentur, restituenda censuerunt dominis.
 6 Campanos omnis, Atellanos, Calatinos, Sabatinos, extra-
 quam qui eorum aut ipsi aut parentes eorum apud

hostis essent, liberos esse iusserunt ita, ut nemo eorum 7 civis Romanus aut Latini nominis esset, neve quis eorum, qui Capuae fuisset, dum portae clausae essent, in urbe agrove Campano intra certam diem maneret, locus ubi habitarent trans Tiberim, qui non contingenteret Tiberim, daretur; qui nec Capuae nec in urbe Cam- 8 pana, quae a populo Romano defecisset, per bellum fuisserent, eos cis Lirim amnem Romam versus; qui ad 9 Romanos transsissent, priusquam Capuam Hannibal ve-
 niret, cis Vulturnum emovendos censuerunt, ne quis eorum proprius mare quindecim milibus passuum agrum aedificiumve haberet. qui eorum trans Tiberim emoti 10 essent, ne ipsi posterive eorum uspiam pararent habe-
 rentve nisi in Veiente, Sutriño Nepesinove agro, dum ne cui maior quam quinquaginta iugera agri modus esset. senatorum omnium quique magistratus Capuae, 11 Atellae, Calatiae gessissent bona venire Capuae iusse-
 runt, libera corpora, quae venum dari placuerat, Ro-
 manam mitti ac Romae venire. signa, statuas aeneas, 12 quae capta de hostibus dicerentur, quae eorum sacra ac profana essent, ad pontificum collegium reiecerunt.
 ob haec decreta maestiores aliquanto, quam Romam 13 venerant, Campanos dimiserunt. nec iam Q. Fulvii
 saevitiam in sese, sed iniquitatem deum atque execra-
 bilem fortunam suam incusabant.

XXXV. Dimisis Siculis Campanisque dilectus 1
 habitus. scripto deinde exercitu de remigum supple-
 mento agi coeptum; in quam rem cum neque hominum 2
 satis, nec, ex qua pararentur stipendumque acciperent,
 pecuniae quicquam ea tempestate in publico esset,
 edixerunt consules, ut privati ex censu ordinibusque, 3
 sicut antea, remiges darent cum stipendio cibariisque
 dierum triginta. ad id edictum tantus fremitus homi- 4
 num, tanta indignatio fuit, ut magis dux quam materia
 seditioni deesset: secundum Siculos Campanosque ple-
 bem Romanam perdendam lacerandamque sibi consules
 sumpsisse. per tot annos tributo exhaustos nihil reliqui 5

praeter terram nudam ac vastam habere. tecta hostis incendisse, servos agri cultores rem publicam abduxisse nunc ad militiam parvo aere emendo, nunc remiges 6 imperando; si quid cui argenti aerisve fuerit, stipendio remigum et tributis annuis ablatum. se, ut dent, quod non habeant, nulla vi, nullo imperio cogi posse. bona sua venderent, in corpora, quae reliqua essent, saevirent. ne unde redimantur quidem quicquam superesse. 7 haec non in occulto, sed propalam in foro atque oculis ipsorum consulum ingens turba circumfusi fremebant, 8 nec eos sedare consules nunc castigando, nunc consolando poterant. spatium deinde iis tridui se dare ad cogitandum dixerunt; quo ipsi ad rem inspiciendam 9 et expediendam usi sunt. senatum postero die habuerunt de remigum supplemento; ubi cum multa disseruissent, cur aequa plebis recusatio esset, verterunt orationem eo, ut dicerent privatis id seu aequum seu 10 iniquum onus iniungendum esse: nam unde, cum pecunia in aerario non esset, paratueros navalis socios? quo modo autem sine classibus aut Siciliam obtineri aut Italia Philippum arceri posse aut tuta Italiae litora 1 esse? XXXVI. cum in hac difficultate rerum consilium haereret, ac prope torpor quidam occupasset homini 2 num mentes, tum Laevinus consul: magistratus senatui et senatum populo, sicut honore praestent, ita ad omnia, quae dura atque aspera essent, subeunda duces 3 debere esse. "si, quod iniungere inferiori velis, id prius in te ac tuos ipse iuris statueris, facilius omnis oboedientis habeas. nec impensa gravis est, cum ex ea plus quam pro virili parte sibi quemque capere 4 principum vident. itaque si classes habere atque ornare volumus populum Romanum, privatos sine recusatione 5 remiges dare, nobismet ipsis primum imperemus. aurum, argentum, aes signatum omne senatores crastino die in publicum conferamus, ita ut anulos sibi quisque et coniugi et liberis, et filio bullam, et, quibus uxor filiae sunt, singulas uncias pondo auri relinquant;

argenti, qui curuli sella sederunt, equi ornamenta et 6 libras pondo, ut salinum patellamque deorum causa habere possint, ceteri senatores libram argenti tan- 7 sum; aeris signati quina milia in singulos patres fami- liae relinquamus: ceterum omne aurum, argentum, aes 8 signatum ad triumviros mensarios extemplo deferamus nullo ante senatus consulto facto, ut voluntaria con- 9 latio et certamen adiuvandae rei publicae excitet ad aemulandum animos primum equestris ordinis, dein reliquae plebis. hanc unam viam multa inter nos con- locuti consules invenimus. ingredimini dis bene iuvan- 10 tibus. res publica incolmis et privatas res facile salvas praestat; publica prodendo tua nequiquam ser- ves." in haec tanto animo consensum est, ut gratiae 11 ultro consulibus agerentur. senatu inde misso pro se 12 quisque aurum et argentum et aes in publicum con- ferunt tanto certamine injecto, ut prima aut inter primos nomina sua vellent in publicis tabulis esse, ut nec triumviri accipiundo nec scribae referundo suffi- 13 cerent. hunc consensum senatus equester ordo est secutus, equestris ordinis plebs. ita sine edicto, sine coercitione magistratus nec remige in supplementum nec stipendio res publica eguit; paratisque omnibus ad bellum consules in provincias profecti sunt.

XXXVII. Neque aliud [magis] tempus belli fuit, 1 quo Carthaginenses Romanique pariter variis casibus immixtis magis in ancipiti spe ac metu fuerint. nam 2 Romanis et in provinciis, hinc in Hispania adversae res, hinc prosperae in Sicilia luctum et laetitiam miscuerant; et in Italia cum Tarentum amissum damno 3 et dolori, tum arx cum praesidio retenta praeter spem gaudio fuit; et terrorem subitum pavoremque urbis 4 Romae obsessae et oppugnatae Capua post dies paucos capta in laetitiam vertit. transmarinae quoque res 5 quadam vice pensatae: Philippus hostis tempore haud satis opportuno factus, Aetoli novi adsciti socii Atta- lusque, Asiae rex, iam velut despondente fortuna Ro-

⁶ manis imperium orientis. Carthaginenses quoque Capuae amissae Tarentum captum aequabant, et ut ad moenia urbis Romanae nullo prohibente se pervenisse in gloria ponebant, ita pigebat inriti incepti pudebat-
⁷ que adeo se spretos, ut sedentibus ipsis ad Romana moenia alia porta exercitus Romanus in Hispaniam duceretur. ipsae quoque Hispaniae, quo propius spem venerant tantis duobus ducibus exercitibus caesis debellatum ibi ac pulsos inde Romanos esse, eo plus ab L. Marcio, tumultuario duce, ad vanum et inritum
⁹ victoriam redactam esse indignationis praebebant. ita aequante fortuna suspensa omnia utrisque erant integra spe, integro metu, velut illo tempore primum bellum inciperent.

¹ XXXVIII. Hannibalem ante omnia angebat, quod Capua pertinacius oppugnata ab Romanis quam defensa ab se multorum Italiae populorum animos averterat, quos neque omnis tenere praesidiis, nisi vellet in multas parvasque partis carpere exercitum, quod minime tum expediebat, poterat, nec deductis praesi-
³ diis spei liberam vel obnoxiam timori sociorum relinque fidem. praecipit in avaritiam et crudelitatem animus ad spolianda, quae tueri nequibat, ut vastata
⁴ hosti relinquenter, inclinavit. id foedum consilium cum incepto, tum etiam exitu fuit. neque enim indigna patientium modo abalienabantur animi, sed ceterorum etiam: quippe ad pluris exemplum quam malum
⁵ pertinebat. nec consul Romanus temptandis urbibus, sicunde spes aliqua se ostendisset, deerat. Salapiae principes erant Dasius et Blattius; Dasius Hannibali amicus, Blattius, quantum ex tuto poterat, rem Romanam fovebat et per occultos nuntios spem prodictionis fecerat Marcello. sed sine adiutore Dasio res transigi non poterat. multum ac diu cunctatus, et tum quoque magis inopia consilii potioris quam spe effectus, Dasius appellabat. at ille, cum ab re aversus, tum aemulo potentatus inimicus, rem Hannibali aperit.

arcessito utroque Hannibal cum pro tribunali qua-
⁸ dam ageret mox de Blattio cognitus, starentque summoto populo accusator et reus, Blattius de proditione Dasium appellabat. enimvero ille velut in mani-
⁹ festa re exclamat sub oculis Hannibalis secum de proditione agi. Hannibali atque eis, qui aderant, quo audacior res erat, minus similis veri visa est: aemulationem profecto atque odium esse, et id crimen adferri, quod, quia testem habere non possit, liberius fingenti sit. ita inde dimissi sunt. nec Blattius ante
¹¹ abstitit tam audaci incepto, quam idem obtundendo docendoque, quam ea res ipsis patriaeque salutaris esset, pervicit, ut praesidium Punicum — *quingenti* autem Numidae erant — Salapiaque traderetur Marcello. nec sine caede multa tradi potuit. longe for-
¹² tissimi equitum toto Punico exercitu erant. itaque quamquam improvisa res fuit, nec usus equorum in urbe erat, tamen armis inter tumultum captis et eruptionem temptaverunt et, cum evadere nequirent, pugnat-
¹³ tes ad ultimum occubuerunt, nec plus quinquaginta ex iis in potestatem hostium vivi venerunt. plusque
¹⁴ aliquanto damni haec ala equitum amissa Hannibali quam Salapia fuit; nec deinde umquam Poenus, quo longe plurimum valuerat, equitatu superior fuit.

XXXIX. Per idem tempus cum in arce Tarentina
¹ vix inopia tolerabilis esset, spem omnem praesidium, quod ibi erat, Romanum praefectusque praesidii atque arcis M. Livius in commeatibus ab Sicilia missis habebant, qui ut tuto praeterveherentur oram Italiae, classis
² viginti ferme navium Regii stabat. praeerat classi
³ commeatibusque D. Quintius, obscuro genere ortus, ceterum multis fortibus factis militari gloria inlustris. primo quinque naves, quarum maximaee dueae triremes,
⁴ a Marcello ei traditae erant[, habuit]; postea rem impigre saepe gerenti tres additae quinqueremes; post
⁵ rem ipse a sociis Reginisque et a Velia et a Paesto debitas ex foedere exigendo classem viginti navium,

6 sicut ante dictum est, efficit. huic ab Regio prefectae
 classi Democrates cum pari [classi] navium Tarentin-
 arum numero quindecim milia ferme ab urbe ad Sapri-
 portem obvius fuit. velis tum forte improvidus futuri
 certaminis Romanus veniebat; sed circa Crotonem Sy-
 barimque suppleverat remigio navis, instructamque et
 armatam egregie pro magnitudine navium classem
 8 habebat. et tum forte sub idem tempus et venti vis
 omnis cecidit et hostes in conspectu fuere, ut ad com-
 ponenda armamenta expediendumque remigem ac mili-
 9 tem ad imminens certamen satis temporis esset. raro
 alias tantis animis iustae concurrerunt classes, quippe
 cum in maioris discrimen rei, quam ipsae erant, pugna-
 rent: Tarentini, ut recuperata urbe ab Romanis post
 centesimum prope annum arcem etiam liberarent, spe
 commeatus quoque hostibus, si navali proelio posses-
 sionem maris ademissent, interclusuros; Romani, ut
 retenta possessione arcis ostenderent non vi ac virtute,
 12 sed proditione ac furto Tarentum amissum. itaque ex
 ultraque parte signo dato cum rostris concurrisserint
 neque retro navem inhiberent nec dirimi ab se hostem
 paterentur, quam quis indeptus navem erat ferrea in-
 jecta manu, ita conserebant ex propinquuo pugnam, ut
 non missilibus tantum, sed gladiis etiam prope con-
 13 lato pede gereretur res. prorae inter se iunctae haere-
 bant, puppes alieno remigio circumagebantur. ita in
 arto stipatae erant naves, ut vix ullum telum in mari
 vanum intercideret; frontibus velut pedestris acies ur-
 14 gebant, perviaeque naves pugnantibus erant. insignis
 tamen inter ceteras pugna fuit duarum, quae primae
 15 agminum concurrerant inter se. in Romana nave ipse
 Quintius erat, in Tarentina Nico, cui Perconi fuit
 cognomen, non publico modo sed privato etiam odio
 invitus atque infestus Romanis, quod eius factionis
 16 erat, quae Tarentum Hannibali prodiderat. hic Quinc-
 tium simul pugnantem hortantemque suos incautum
 hasta transfigit, atque ille praeceps cum armis procidit

ante proram. victor Tarentinus in turbatam duce amisso 17
 navem impigre transgressus cum summovisset hostis,
 et prora iam Tarentinorum esset, puppim male con-
 globati tuerentur Romani, repente et alia a puppe tri-
 tremis hostium apparuit. ita in medio circumventa 18
 Romana navis capitur. hinc ceteris terror innectus, ubi
 praetoriam navem captam videre; fugientesque passim
 aliae in alto mersae, aliae in terram remis abreptae
 mox praedae fuere Thurinis Metapontinisque. ex one- 19
 rariis, quae cum commeatu sequebantur, per paucae in
 potestatem hostium venere, aliae ad incertos ventos
 hinc atque illinc obliqua transferentes vela in altum
 evectae sunt. Nequaquam pari fortuna per eos dies 20
 Tarenti res gesta. nam ad quattuor milia hominum
 frumentatum egressa cum in agris passim vagarentur,
 Livius, qui arcis praesidioque Romano praeerat, inten- 21
 tus in omnis occasiones gerendae rei C. Persium, in-
 pigrum virum, cum duobus milibus et *quingentis* arma-
 torum ex arce emisit, qui vase effusos per agros 22
 palatosque adortus cum diu passim cecidisset, paucos
 ex multis trepidi fuga incidentis semiapertis portarum
 foribus in urbem compulit, nec *multum* *afuit*, *quin*
 urbs eodem impetu caperetur. ita aequatae res ad 23
 Tarentum, Romanis victoribus *terra*, *Tarentinis* mari.
 frumenti spes, quae in oculis fuerat, utrosque frustrata
 pariter.

XL. Per idem tempus Laevinus consul, iam magna 1
 parte anni circumacta, in Siciliam veteribus novisque
 sociis expectatus cum venisset, primum ac potissimum
 omnium ratus Syracuseis nova pace inconditas com-
 ponere res; Agrigentum inde, quod belli reliquum erat 2
 tenebaturque a Carthaginiensium valido praesidio, duxit
 legiones. et adfuit fortuna incepto. 3 Hannò erat im-
 perator Carthaginiensium, sed omnem in Muttine Nu-
 midisque spem repositam habebant. per totam Siciliam 4
 vagus praedas agebat ex sociis Romanorum neque inter-
 cludi ab Agrigento vi aut arte ulla nec, quin erumperet,

5 ubi vellet, prohiberi poterat haec eius gloria quia iam imperatoris quoque famae officiebat, postremo in invidiam vertit, ut ne bene gestae quidem res iam
 6 Hannoni propter auctorem satis laetae essent. postremo praefecturam eius filio suo dedit, ratus cum imperio auctoritatem quoque ei inter Numidas erupturum.
 7 quod longe aliter evenit: nam veterem favorem eius sua insuper invidia auxit, neque ille indignitatem iniuriae tulit confessimque ad Laevinum occultos nuntios misit de tradendo Agrigento. per quos ut est facta fides compositusque rei gerendae modus, portam ad mare ferentem Numidae cum occupassent pulsis inde custodibus aut caesis, Romanos ad id ipsum missos
 9 in urbem acceperunt. et cum agmine iam in media urbis ac forum magno tumultu iretur, ratus Hanno non aliud quam tumultum ac secessionem, id quod et
^{sacra} ante acciderat, Numidarum esse ad comprimentam
 10 seditionem processit. atque ille, cum ei multitudo maior quam Numidarum procul visa, et clamor Romanus haudquaquam ignotus ad auris accidisset, priusquam
 11 ad ictum teli veniret, capessit fugam. per aversam portam emissus adsumpto comite Epicyde cum paucis ad mare pervenit, nactique opportune parvum navigium, relicta hostibus Sicilia, de qua per tot annos certa-
 12 tum erat, in Africam traiecerunt. alia multitudo Poenorum Siculorumque ne temptato quidem certamine, cum caeci in fugam ruerent, clausique exitus essent,
 13 circa portas caesa. oppido recepto Laevinus, qui capita rerum Agrimenti erant, virgis caesos securi per-
 cussit, ceteros praedamque vendidit; omnem pecuniam
 14 Romam misit. fama Agrigentinorum clavis Siciliam cum pervasisset, omnia repente ad Romanos inclinaverunt. prodita brevi sunt viginti oppida, sex vi capti, voluntaria ditione in fidem venerunt ad quadraginta.
 15 quarum civitatum principibus cum pro cuiusque merito consul pretia poenasque exsolvisset, coegissetque Siculos positis tandem armis ad agrum colendum animos

convertere, ut esset non incolarum modo alimentis 16 frugifera insula, sed urbis Romae atque Italiae, id quod multis saepe tempestatibus fecerat, annonam levaret, ab Agathyrna inconditam multitudinem secum in Italiam transvexit. quattuor milia hominum erant, 17 mixti ex omni conluvione, exules, obaerati, capitalia ausi plerique, cum in civitatibus suis ac sub legibus vixerant, et postquam eos ex variis causis fortuna similis conglobaverat Agathyrnam, per latrocinia ac rapinam tolerantes vitam. hos neque relinquere Laevinus in 18 insula tum primum nova pace coalescente velut materiam novandis rebus satis tutum ratus est, et Reginis usui futuri erant ad populandum Bruttiu agrum adsueta latrociniis quaerentibus manum. et quod ad Siciliam attinet, eo anno debellatum est.

XLI. In Hispania principio veris P. Scipio natus deductis evocatisque edicto Tarragonem sociorum auxiliis classem onerariasque ostium inde Hiberi fluminis petere iubet. eodem legiones ex hibernis convenire cum iussisset, ipse cum quinque milibus sociorum ab Tarracone profectus ad exercitum est. quo cum venisset, adloquendos maxime veteres milites, qui tantis superfuerunt cladibus, ratus contione advocata ita disseruit: "nemo ante me novus imperator militibus suis, priusquam opera eorum usus esset, gratias agere iure ac merito potuit; me vobis, priusquam provociam aut castra viderem, obligavit fortuna, primum quod ea pietate erga patrem patrumque meum vivos mortuosque fuistis, deinde quod amissam tanta clade 5 provinciae possessionem integrum et populo Romano et successori mihi virtute vestra obtinuistis. sed cum iam benignitate deum id paremus atque agamus, non ut ipsi maneamus in Hispania, sed ne Poeni maneant, nec ut pro ripa Hiberi stantes arceamus transitu hostes, sed ut ultro transeamus transferamusque bellum, vereor, 7 ne cui vestrum maius id audaciusque consilium quam aut pro memoria cladium nuper acceptarum aut pro

8 aetate mea videatur. adversae pugnae in Hispania nullius in animo quam meo minus obliterari possunt, quippe cui pater et patruus intra triginta dierum spatiū, ut aliud super aliud cumularetur familiae nostrae 9 funus, interficti sunt; sed ut familiaris paene orbitas ac solitudo frangit animum, ita publica cum fortuna tum virtus desperare de summa rerum prohibet. ea fato quodam data nobis sors est, ut magnis omnibus 10 bellis victi vicerimus. vetera omitto. Porsinam, Gallos, Samnites; a Punicis bellis incipiam. / quot classes, quot 11 duces, quot exercitus priore bello amissi sunt! iam quid hoc bello memorem? omnibus aut ipse adfui cladibus aut, quibus afui, maxime unus omnium eas sensi. Trebia, Trasumennus, Cannae quid aliud sunt quam monumenta occisorum exercituum consulcumque 12 Romanorum? adde defectionem Italiae, Siciliae maioris partis, Sardiniae; adde ultimum terrorem ac pavorem, castra Punica inter Anienem ac moenia Romana posita et visum prope in portis victorem Hannibalem: in hac ruina rerum stetit una integra atque immobilis virtus populi Romani, haec omnia strata humi erexit ac 13 sustulit. vos omnium primi, milites, post Cannensem cladem vadenti Hasdrubali ad Alpis Italiamque, qui si se cum fratre coniunxisset, nullum iam nomen esset populi Romani, ductu auspicioque patris mei obstistis; et hae secundae res illas adversas sustinuerunt. 14 nunc benignitate deum omnia secunda, prospera, in dies laetiora ac meliora in Italia Siciliaque geruntur; 15 in Sicilia Syracusae, Agrigentum captum, pulsi tota insula hostes receptaque provincia in dicione populi 16 Romani est; in Italia Arpi recepti, Capua capta; iter omne ab urbe Roma trepida fuga emensus Hannibal, in extrellum angulum agri Bruttii compulsus, nihil iam maius precatur deos, quam ut incolumi cedere 17 atque abire ex hostium terra liceat. quid igitur minus conveniat, milites, quam, cum aliae super alias clades cumularentur, ac di prope ipsi cum Hannibale starent,

vos hic cum parentibus meis — aequentur enim etiam honore nominis — sustinuisse labantem fortunam populi Romani, nunc eosdem, cum illic omnia secunda laetaque sunt, animis deficere? nuper quoque *quae acci-*¹⁸ derunt, utinam tam sine meo luctu quam ***. nunc di immortales imperii Romani praesides, qui centuriis omnibus, ut mihi imperium iuberent dari, fuere auctores, iidem auguriis auspiciisque et per nocturnos etiam visus omnia laeta ac prospera portendunt. ani-¹⁹ mus quoque meus, maximus mihi ad hoc tempus vates, praesagitt nostram Hispaniam esse, brevi extorre hinc omne Punicum nomen maria terrasque foeda fuga impleturum. quod mens sua sponte divinat, idem sub-²⁰ icit ratio haud fallax. vexati ab iis socii nostram fidem per legatos implorant, tres duces discordantes, prope ut defecerint alii ab aliis, trifariam exercitum in diversissimas regiones distraxere: eadem in illos ingruit fortuna, *quae nuper nos adfixit;* nam et deseruntur ab sociis, ut prius ab Celtiberis nos, et diduxere exercitus, *quae patri patruoque meo causa exitii fuit.* nec discordia intestina coire eos in unum sinet, neque²² singuli nobis resistere poterunt. vos modo, milites, favete nomini Scipionum, suboli imperatorum vestrorum velut accisis crescenti stirpibus. agite, veteres²³ milites, novum exercitum novumque ducem traducite Hiberum, traducite in terras cum multis fortibus factis saepe a vobis peragratas. brevi faciam, ut, quem ad²⁴ modum nunc noscitatis in me patris patruique similitudinem oris vultusque et lineamenta corporis, ita²⁵ ingenii, fidei virtutisque effigiem vobis reddam, ut revixisse aut renatum sibi quisque Scipionem imperatorem dicat.”

XLI. Hac oratione accensis militum animis, re-¹ licto ad praesidium regionis eius M. Silano cum tribus milibus peditum et trecentis equitibus, ceteras omnes copias — erant autem viginti quinque milia peditum, duo milia quingenti equites — Hiberum traiecit. ibi²

quibusdam suadentibus, ut, quoniam in tris tam diversas regiones discessissent Punici exercitus, proximum adgrederetur, periculum esse ratus, ne eo facto in unum omnes contraheret, nec par esset unus tot exercitibus, Carthaginem Novam interim oppugnare statuit, urbem cum ipsam opulentam suis opibus, tum hostium omni bellico apparatu plenam — ibi arma, ibi pecunia, ibi totius Hispaniae obsides erant —, sitam praeterea cum opportune ad traiciendum in Africam, tum super portum satis amplum quantaevis classi et nescio an unum in Hispaniae ora, qua nostro ad iacet mari. nemo omnium, quo iretur, sciebat praeter C. Laelium. is classe circummissus ita moderari cursum navium iussus erat, ut eodem tempore Scipio ab terra exercitum ostenderet et classis portum intraret. septimo die ab Hiberio Carthaginem ventum est simul terra marique. castra ab regione urbis, qua in septemtrionem versa est, posita; his ab tergo — nam frons natura tuta erat — duplex vallum obiectum. etenim sita Carthago sic est: sinus est maris media fere Hispaniae ora, maxime Africo vento oppositus, *ad duo milia* et quingentos passus introrsus retractus, paulo plus *mille et ducentos* passus in latitudinem patens. huius in ostio sinus parva insula obiecta ab alto portum ab omnibus ventis praeterquam Africo tutum facit. ab intimo sinu paeninsula excurrit, tumulus is ipse, in quo condita urbs est, ab ortu solis et a meridie cincta mari; ab occasu stagnum claudit paulum etiam ad septemtrionem fusum, incertae altitudinis utcumque exaestuat aut deficit mare. continentि urbem iugum ducentos fere et quinquaginta passus patens coniungit. unde cum tam parvi operis munitio esset, non obiecit vallum imperator Romanus, seu fiduciam hosti superbe ostentans, sive ut subeundi saepe ad moenia urbis re cursus pateret. XLIII. cetera, quae munienda erant, cum perfecisset, naves etiam in portu, velut maritimam quoque ostentans obsidionem, instruxit; circum-

vectusque classem cum monuisset praefectos navium, ut vigilias nocturnas intenti servarent, omnia ubique primo obsessum hostem conari, regressus in castra,² ut consilii sui rationem, quod ab urbe potissimum oppugnanda bellum orsus esset, militibus ostenderet et spem potiundae cohortando faceret, contione advocata ita disseveruit: “ad urbem unam oppugnandam si quis³ vos adductos credit, is magis operis vestri quam emolumenti rationem exactam, milites, habet. oppugnabitis enim vere moenia unius urbis, sed in una urbe universam ceperitis Hispaniam. hic sunt obsides⁴ omnium nobilium regum populorumque; qui simul in potestate vestra erunt, extemplo omnia, quae nunc sub Carthaginensisib[us] sunt, in dicionem tradent; hic pecunia omnis hostium, sine qua neque illi gerere bellum possunt, quippe qui mercennarios exercitus alant, et quae nobis maximo usui ad conciliandos animos barbarorum erit; hic tormenta, arma, omnis apparatus belli est, qui simul et vos instructet et hostis nudabit. potiemur praeterea cum pulcherrima opulentissimaque urbe, tum opportunissima portu egregio, unde terra marique, quae belli usus poscunt, suppeditentur. quae cum magna ipsi habebimus, tum Dempserimus hostibus multo maiora. haec illis arx, hoc horreum, aerarium,⁸ armamentarium, hoc omnium rerum receptaculum est; hue rectus ex Africa cursus est; haec una inter Pyrenaeum et Gadis statio; hinc omni Hispaniae imminent Africa.” ***

XLIV. * armaverat. cum terra marique instrui oppugnationem videret, et ipse copias ita disponit: oppidanorum duo milia ab ea parte, qua castra Romana erant, opponit, quingentis militibus arcem insidit, quingentos tumulo urbis in orientem verso inponit; multitudinem aliam, quo clamor, quo subita vocasset res, intentam ad omnia occurrere iubet. patefacta deinde porta eos, quos in via ferente ad castra hostium instruxerat, emitit. Romani duce ipso praecipiente

parumper cessere, ut propiores subsidiis in certamine
 4 ipso summittendis essent. et primo haud impares ste-
 tere acies; subsidia deinde identidem sumissa e ca-
 stris non averterunt solum in fugam hostis, sed adeo
 effusis institerunt, ut nisi receptui cecinisset, permixti
 5 fugientibus inrupturi fuisse in urbem viderentur. tre-
 pidatio vero non in proelio maior quam tota urbe fuit.
 multae stationes pavore atque fuga desertae sunt, re-
 lictique muri, cum, qua cuique erat proximum, de-
 6 siluisserint. quod ubi egressus Scipio in tumulum, quem
 Mercuri vocant, animadvertisit, multis partibus nudata
 defensoribus moenia esse, omnis e castis excitos ire
 7 ad oppugnandam urbem et ferre scalas iubet. ipse
 trium prae se iuvenum validorum scutis oppositis —
 ingens enim iam vis omnis generis telorum e muris
 volabat — ad urbem succedit, hortatur, imperat quae
 8 in rem sunt, quodque plurimum ad accendendos mili-
 tum animos intererat, testis spectatorque virtutis atque
 9 ignaviae cuiusque adest. itaque in vulnera ac tela
 ruunt, neque illos muri neque superstantes armati
 10 arcere queunt, quin certatim ascendant. et ab navibus
 eodem tempore ea, quae mari adluitur, pars urbis
 oppugnari copta est. ceterum tumultus inde maior
 11 quam vis adhiberi poterat. dum adiplicant, dum raptim
 exponunt scalas militesque, dum, qua cuique proximum
 est, in terram evadere properant, ipsa festinatione et
 1 certamine alii alios inpediunt. XLV. inter haec re-
 pleverat iam Poenus armatis muros, et vis magna ex
 2 ingenti copia congesta telorum suppeditabat. sed ne-
 que viri nec tela nec quicquam aliud aeque quam
 moenia ipsa sese defendebant. rarae enim scalae alti-
 3 tudini aequari poterant, et quo quaeque altiores, eo
 infirmiores erant. itaque cum summus quisque evadere
 non posset, subirent tamen alii, onere ipso frange-
 bantur. quidam stantibus scalis, cum altitudo caliginem
 4 oculis offudisset, ad terram delati sunt. et cum passim
 homines scalaeque ruerent, et ipso successu audacia

atque alacritas hostium cresceret, signum receptui
 datum est; quod spem non praesentis modo ab tanto 5
 certamine ac labore quietis obcessis, sed etiam in
 posterum dedit, scalis et corona capi urbem non posse,
 opera et difficilia esse et tempus datura ad ferendam
 opem imperatoribus suis.

Vix prior tumultus conticuerat, cum Scipio ab 6
 defessis iam vulneratisque recentis integrosque alios
 accipere scalas iubet et vi maiore adgredi urbem. ipse, 7
 ut ei nuntiatum est aestum decidere, quod per pisca-
 tores Tarragonenses nunc levibus cumbis, nunc, ubi
 eae siderent, vadis pervagatos stagnum compertum
 habebat, facilem pedibus ad murum transitum dari, eo
 secum armatos quingentos duxit. medium ferme diei 8
 erat, et ad id, quod sua sponte cedente in mare aestu
 trahebatur aqua, acer etiam septemtrio ortus inclina-
 tum stagnum eodem quo aestus ferebat et adeo nuda-
 verat vada, ut alibi umbilico tenus aqua esset, alibi
 genua vix superaret. hoc eura ac ratione compertum 9
 in prodigium ac deos vertens Scipio, qui ad transitum
 Romanis mare verterent et stagna auferrent viasque
 ante numquam initas humano vestigio aperirent, Nep-
 tunum iubebat ducem itineris sequi ac medio stagno
 evadere ad moenia. XLVI. ab terra ingens labor suc-
 cedentibus erat; nec altitudine tantum moenium im-
 pediebantur, sed quod e turribus pugnantis ad ancipes
 utrimque ictus subiectos habebant Romanos, ut latera
 infestiora subeuntibus quam adversa corpora essent.
 at parte in alia quingentis et per stagnum facilis 2
 transitus et in murum ascensus inde fuit; nam neque
 opere emunitus erat, ut ubi ipsius loci ac stagni praesi-
 dio satis creditum foret, nec ulla armatorum statio
 aut custodia opposita intentis omnibus ad opem eo
 ferendam, unde periculum ostendebatur. ubi urbem 3
 sine certamine intravere, pergunt inde, quanto maximo
 cursu poterant, ad eam portam, circa quam omne con-
 tractum certamen erat. in quod adeo intenti omnium 4

non animi solum fuere, sed etiam oculi auresque pugnantium spectantiumque et adhortantium pugnantis, ut nemo ante ab tergo senserit captam urbem, quam tela in aversos inciderunt et utrimque ancipitem hostem habebant. tunc turbatis defensoribus metu et moenia capta, et porta intus forisque pariter refringi coepit; et mox caedendo confectis ac distractis, ne iter in pediretur, foribus armati impetum fecerunt. magna multitudo et muros transcendebat, sed ii passim ad caedem oppidanorum versi; illa, quae portam ingressa erat, iusta acies cum ducibus, cum ordinibus media urbe usque in forum processit. inde cum duobus itineribus fugientis videret hostis, alios ad tumulum in orientem versus, qui tenebatur quingentorum militum praesidio, alios in arcem, in quam et ipse Mago cum omnibus fore armatis, qui muris pulsi fuerant, refugerat, partim copiarum ad tumulum expugnandum mittit, partim ipse ad arcem dicit. et tumulus primo impetu est captus, et Mago, arcem conatus defendere, cum omnia hostium plena videret neque spem ullam esse, se arcemque et praesidium dedidit. quoad dedita arx est, caedes tota urbe passim factae, nec ulli pubrum, qui obvius fuit, parcebatur; tum signo dato caedibus finis factus; ad praedam victores versi, quae ingens omnis generis fuit.

¹ XLVII. Liberorum capitum virile secus ad decem milia capta. inde, qui cives Novae Carthaginis erant, dimisit, urbemque et sua omnia, quae reliqua eis bellum fecerat, restituit. opifices ad duo milia hominum erant: eos publicos fore populi Romani edixit cum spe propinqua libertatis, si ad ministeria belli enixe operam navassent. ceteram multitudinem incolarum iuvenum ac validorum servorum in classem ad supplementum remigum dedit; et auxerat navibus octo captivis classem. extra hanc multitudinem Hispanorum obsides erant, quorum, perinde ac si sociorum liberi essent, cura habita. captus et apparatus ingens belli: cata-

pultae maximae formae centum viginti, minores ducentae octoginta una, ballistae maiores viginti tres,⁶ minores quinquaginta duae, scorpionum maiorum minorumque et armorum telorumque ingens numerus, signa militaria septuaginta quattuor. et auri argenti⁷ que relata ad imperatorem magna vis: paterae aureae fuerunt ducentae septuaginta sex, librae ferme omnes pondo; argenti infecti signatique decem et octo milia et trecenta pondo, vasorum argenteorum magnus numerus. haec omnia C. Flaminio quaestori adpensa ad⁸ numerataque sunt; tritici quadringenta milia modium, hordei ducenta septuaginta. naves onerariae sexaginta⁹ tres in portu expugnatae captaeque, quaedam cum suis oneribus, frumento, armis, aere praeterea ferroque et linteis et sparto et navali alia materia ad classem aedificandam, ut minimum omnium inter tantas opes¹⁰ belli captas Carthago ipsa fuerit.

XLVIII. Eo die Scipio, C. Laelio cum sociis na-¹ valibus urbem custodire iusso, ipse in castra legiones² reduxit fessosque milites omnibus uno die belli operibus, quippe qui et acie dimicassent et capienda urbe tantum laboris periculique adissent et capta cum iis, qui in arcem configerant, iniquo etiam loco pugnas-³ sent, curare corpora iussit. postero die militibus nava- libusque sociis convocatis primum dis immortalibus laudes gratesque egit, qui se non urbis solum opulentissimae omnium in Hispania uno die compotem fecis-⁴ sent, sed ante eo concessissent omnis Africæ atque Hispaniae opes, ut neque hostibus quicquam relinqueretur, et sibi ac suis omnia superessent. militum deinde virtutem conlaudavit, quod eos non eruptio hostium, non altitudo moenium, non inexplorata stagni vada, non castellum in alto tumulo situm, non munitissima arx deterruisset, quo minus transcenderent omnia perrumperentque. itaque quamquam omnibus⁵ omnia deberet, praecipuum muralis coronae decus eius esse, qui primus murum ascendisset; profiteretur, qui

6 se dignum eo duceret dono. duo professi sunt, Q. Tiberius centurio legionis quartae et Sex. Digitus socius navalis. nec ipsi tam inter se acriter contendebant, quam studia excitaverant uterque sui corporis hominum. sociis C. Laelius praefectus classis, legionariis 7 M. Sempronius Tuditanus aderat. ea contentio cum prope seditionem veniret, Scipio tris recuperatores cum se daturum pronuntiasset, qui cognita causa testibus que auditis iudicarent, uter prior in oppidum transcen- 8 disset, C. Laelio et M. Sempronio, advocatis partis utriusque, P. Cornelium Caudinum de medio adiecit eosque tris recuperatores considere et causam cognoscere iussit. cum res eo maiore ageretur certamine, quod amoti tantae dignitatis non tam advocati quam moderatores studiorum fuerant, C. Laelius relicto con- 9 silio ad tribunal ad Scipionem accedit eumque docet rem sine modo ac modestia agi, ac prope esse, ut manus inter se conferant. ceterum etiam si vis absit, nihilo minus detestabili exemplo rem agi, quippe ubi 10 fraude ac periurio decus petatur virtutis. stare hinc legionarios milites, hinc classicos, per omnis deos paratos iurare magis quae velint, quam quae sciant vera esse, et obstringere periurio non se solum suumque caput, sed signa militaria et aquilas sacramentique 11 religionem. haec se ad eum de sententia P. Cornelii et M. Sempronii deferre. Scipio conlaudato Laelio ad contionem advocavit pronuntiavitque se satis compertum habere Q. Tiberium et Sex. Digitum pariter in murum escendisse, seque eos ambos virtutis causa 12 coronis muralibus donare. tum reliquos, prout cuiusque meritum virtusque erat, donavit; ante omnis C. Laelium praefectum classis et omni genere laudis sibi met ipse aquavit et corona aurea ac triginta bubus donavit.

¹ XLIX. Tum obsides civitatum Hispaniae vocari iussit; quorum quantus numerus fuerit piget scribere, quippe cum alibi trecentos ferme, alibi tria milia

septingentos viginti quattuor fuisse inveniam. aeque et alia inter auctores discrepant. praesidium Punicum alius decem, alius septem, alius haud plus quam duum milium fuisse scribit. capta alibi decem milia capitum, alibi supra quinque et viginti invenio. scorpiones 2 maiores minoresque ad sexaginta captos scripserim, si auctorem Graecum sequar Silenum; si Valerium Antiatem, maiorum scorpionum sex milia, minorum decem et tria milia: adeo nullus mentiendi modus est. ne de ducibus quidem convenit. plerique Laelium prae- 3 fuisse classi, sunt qui M. Junium Silanum dicant; Arinen praefuisse Punico praesidio deditumque Romanis 4 Antias Valerius, Magonem alii scriptores tradunt. non 5 de numero navium captarum, non de pondere auri atque argenti et redactae pecuniae convenit. si aliquis adsentiri necesse est, media simillima veris sunt. ce- 6 terum vocatis obsidibus primum universos bonum animum habere iussit: venisse enim eos in populi Romani 7 potestatem, qui beneficio quam metu obligare homines malit exterisque gentis fide ac societate iunctas habere quam tristi subiectas servitio. deinde acceptis nomi- 8 nibus civitatum recensuit captivos, quot cuiusque populi essent, et nuntios domum misit, ut ad suos quisque recipiendos veniret. si quarum forte civitatum legati 9 aderant, eis praesentibus suos restituit; ceterorum cu- 10 ram benigne tuendorum C. Flaminio quaestori attribuit. inter haec e media turba obsidum mulier magno natu, 11 Mandoni uxor, qui frater Indibilis Ilergetum reguli erat, flens ad pedes imperatoris procubuit obtestari- que coepit, ut curam cultumque feminarum impensis custodibus commendaret. cum Scipio nihil defuturum 12 iis profecto diceret, tum rursus mulier: "haud magni ista facimus" inquit; "quid enim huic fortunae non satis est? alia me cura aetatem harum intuentem — nam ipsa iam extra periculum iniuriae muliebris sum — stimulat." et aetate et forma florentes circa eam In- 13 dibilis filiae erant aliaeque nobilitate pari, quae omnes

14 eam pro parente colebant. tum Scipio "meae populi que Romani disciplinae causa facerem" inquit, "ne quid, quod sanctum usquam esset, apud nos violare-
15 tur; nune ut id curem impensis, vestra quoque virtus dignitasque facit, quae ne in malis quidem oblitae
16 decoris matronalis estis." spectatae deinde integratatis viro tradidit eas, tuerique haud secus verecunde ac modeste quam hospitum coniuges ac matres iussit.

1 L. Captiva deinde a militibus adducitur ad eum adulta virgo adeo eximia forma, ut, quacumque in-
2 cedebat, converteret omnium oculos. Scipio, percun-
tatus patriam parentesque, inter cetera accepit despon-
sam eam principi Celtiberorum; adulescenti Allucio no-
3 men erat. extemplo igitur parentibus sponsoque ab domo accedit, cum interim audiret deperire eum sponsae amore, ubi primum venit, accuratiore eum sermone
4 quam parentis adloquitur: "iuvenis" inquit "iuvenem appello, quo minor sit inter nos huius sermonis vere-
cundia. ego, cum sponsa tua capta a militibus nostris ad me ducta esset audiremque tibi eam cordi esse et
5 forma ficeret fidem, quia ipse, si frui liceret ludo aetatis, praesertim in recto et legitimo amore, et non res publica animum nostrum occupasset, veniam mihi dari sponsam impensis amanti vellem, tuo, cuius
6 possum, amori faveo. fuit sponsa tua apud me eadem qua apud soceros tuos parentisque suos verecundia; servata tibi est, ut inviolatum et dignum me teque
7 dari tibi donum posset. hanc mercedem unam pro eo munere paciscor: amicus populo Romano sis et, si me virum bonum credis esse, qualis patrem patruumque meum iam ante hae gentes norant, scias multos nostri similes in civitate Romana esse nec ullum in terris
8 hodie populum dici posse, quem minus tibi hostem
9 tuisque esse velis aut amicum malis." cum adulescens simul pudore et gaudio perfusus, dextram Scipionis tenens, deos omnis invocaret ad gratiam illi pro se referendam, quoniam sibi nequaquam satis facultatis

pro suo animo atque illius erga se merito esset, parentes inde cognatique virginis appellati; qui, quoniam 10 gratis sibi redderetur virgo, ad quam redimendam satis magnum attulissent auri pondus, orare Scipio- 11 nem, ut id ab se donum acciperet, coeperunt, haud minorem eius rei apud se gratiam futuram esse ad- affirmantes quam redditae inviolatae foret virginis. Sci- 12 pio, quando tanto opere peterent, accepturum se polli- citus ponи ante pedes iussit vocatoque ad se Allucio "super dotem" inquit, "quam accepturus a socero es, haec tibi a me dotalia dona acedent" aurumque tollere ac sibi habere iussit. his laetus donis honoribusque 13 dimissus domum implevit popularis laudibus meritis Scipionis: venisse dis simillimum iuvenem, vincentem omnia cum armis tum benignitate ac beneficiis. ita- 14 que dilectu clientium habito cum delectis mille et quadringentis equitibus intra paucos dies ad Scipio- nem revertit.

LI. Scipio retentum secum Laelium, dum captivos 1 obsidesque et praedam ex consilio eius disponeret, satis omnibus compositis, data quinqueremi e captivis 2 atque Magone et quindecim fere senatoribus, qui simul cum eo capti erant, in navem inpositis nuntium victoriae Romanam mittit. ipse paucos dies, quibus morari 3 Carthagine statuerat, exercendis navalibus pedestribusque copiis absumpsit. primo die legiones in armis 4 quattuor milium spatio decurrerunt; secundo die arma curare et tergere ante tentoria iussi; tertio die rudi- bus inter se in modum iustae pugnae concurrerunt praepilatisque missilibus iaculati sunt; quarto die quies data; quinto iterum in armis decursum est. hunc or- 5 dinem laboris quietisque, quoad Carthagine morati sunt, servarunt. remigium classicique milites tranquillo 6 in altum evecti agilitatem navium simulacris navalis pugnae experiebantur. haec extra urbem terra mari- 7 que corpora simul animosque ad bellum acuebant; urbs ipsa strepebat apparatu belli fabris omnium generum

8 in publica officina inclusis, dux cuncta pari cura obibat:
nunc in classe ac navali erat, nunc cum legionibus
decurrebat, nunc operibus aspiciendis tempus dabat,
quaeque in officinis quaeque in armamentario ac na-
valibus fabrorum multitudo pluruma in singulos dies
9 certamine ingenti faciebat. his ita incohatis refectis-
que, quae quassata erant muri, dispositisque praesidiis
10 ad custodiam urbis Tarraconom est profectus, a multis
legationibus protinus in via aditus, quas partim dato
responso ex itinere dimisit, partim distulit Tarraco-
nem, quo omnibus novis veteribusque sociis edixerat
conventum. et cuncti fere qui cis Hiberum incolunt
populi, multi etiam ulterioris provinciae convenerunt.
11 Carthaginiensium duces primo ex industria famam
captae Carthaginis compresserunt; deinde, ut clarior
res erat, quam ut tegi ac dissimulari posset, eleva-
12 bant verbis: necopinato adventu ac prope furto unius
diei urbem unam Hispaniae interceptam, cuius rei
tam parvae praemio elatum insolentem iuvenem in-
modico gaudio speciem magnae victoriae imposuisse;
13 at ubi adpropinquare tres duces, tres victores hostium
exercitus audisset, occursum ei extemplo domestico-
14 rum funerum memoriam. haec in vulgus iactabant,
haudquaquam ipsi ignari, quantum sibi ad omnia virum
Carthagine amissa decessisset.